



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:


Share — copy and redistribute the material in any medium or format

Adapt — remix, transform, and build upon the material



330.1

F-2



330.1
F-21

1

«Յառաջ»ի գրադարան

№ 1

Ա. Ն. Բ Ա. Խ



ՀԱՐՈՒՄՏՆԵՐ

և ի

ԱՂՔԱՏՆԵՐ

Եկրոդի սպագրութիւն

15 Կ.

6-որդ. -- հազար

1906
Թ Ի Յ Լ Ի Ս

27.02.2013

22/79

330-1

195 JAN 2010

№ 1

48

Գրադարան «Յառաջ»-ի

№ 1

05 FEB 2007

300
1155-ԲԱ

Բ. Ն. ԲԵԽ

69



ՀԱՐՈՒՍՏՆԵՐ

ԵՒ

ԱՂՔԱՏՆԵՐ

1003
11462

Երկրորդ տպագրություն



1906 թ.
ԹԻՖԼԻՍ.

ՀԱՐՈՒՍՏՆԵՐ ԵՒ ԱՂՔԱՏՆԵՐ

Եթէ մենք առժամանակ մոռանանք մեր անձնական վըշտերն ու հոգսերը և ուշադիր հայացքով դիտենք մեզ շրջապատող կեանքը, ճրքան զարհուրելի ու առեղծուածային կերևայ նա մեզ հէնց առաջին անգամից: Ամեն տեղ մենք կը տեսնենք մի անհասկանալի հակադրութիւն: Ոմանք աշխատելով ու արիւն-քրտինք թափելով ուժասպառ են լինում, միւսները ոչինչ չեն անում. ոմանք ճանճի նման սովից ու այլևայլ ցաւերից են մեռնում, իսկ միւսները ազրում են շքեղ պալատներում և ոսկէ ու արծաթէ ամաններից կերակուր ուտում: Ոմանք լալիս են ու տանջւում, իսկ ուրիշները խնդում ու քէֆ անում: Թղձով դատելով մենք պիտի սպասէինք, որ հէնց նրանք լաւ կեանք վարէին, որոնք աշխատասէր ու խնայող են:—Այդպիսի մարդկանց գործն էլ միշտ յաջող պիտի գնար: Այդպիսի մարդիկ տէր պիտի լինէին շքեղ պալատների, ուտէին արծաթէ և ոսկէ ամաններից, նրանց միջից անպակաս պիտի լինէր ուրախութիւնը: Մենք պիտի սպասէինք նաև, որ ծոյլ մարդիկ ձեռները ծալած նստէին և դառն արտասուէնք թափէին. չէ՞ որ, երբ մէկը ոչինչ անել չէ կամենում, ծոյլ է և հարբեցող, ինքն է մեղաւոր, և ոչ մի ուրիշը: Այդպիսին իր արգար հատուցումն միայն կստանար:

Կարծես այդպէս էլ հէնց պէտք է լինէր և՛ աստուածային և՛ մարդկային օրէնքով... Բայց ինչ արած, որ բանը բոլորովին այդպէս չէ: Սովից ու ցրտից, արցունքներից ու ցաւերից ճանճի նման մեռնում և ամեն տեսակ հալածանքներ ու չարչարանքներ քաշում են հէնց այն մարդիկ, որոնք արիւն քըրտինք են թափում: Իսկ ով ոչինչ չէ անում, կեանքը նրա համար անընդհատ բարեկենդան է. նա գիտէ միայն լշտայլել ու վատնել, իսկ նրա փողին չափ ու սահման չկայ: Հապա ճրտեղ է արդարութիւնը: Եթէ դու բազմ չես ունեցել հարուստի որ-

Թ Ի Ֆ Լ Ի Ս

Տպարան „ՀԵՐՄԷՍ“ Մաղաթեան փող. 5.

1906

(185)

դի լինելու, դու պիտի չարչարուես մինչև կեանքիդ վերջը և հանգստութեան կարօտ մնաս: Հազիւ դու լոյս աշխարհ ես գալիս, սևուսութ վիշտն ու ցաւը հետևում են արդէն քեզ, ձեռքըդ ու ոտդ կապում, սիրտդ ու միտքդ արիւնով լցնում և քարշ են տալիս քեզ աշխարհիս երեսին... Դիցուք, դու գիւղացու տղայ ես: Հէնց որ դու չորս տարեկան ես դառնում, ահա զգում ես արդէն քո ուսերի վրայ ծանր լուծը. դու ուզում ես վազվզել ու խալալ, բայց քո ձեռքը ճիպոտ են տալիս և սագեր արածացնելու քշում: Դու քիչ մեծանում ես՝ ահա քեզ խողեր են յանձնում պահելու. այնուհետև հորթեր, և այլն: Սակայն այդ բոլորը դեռ ոչինչ: Այդ բոլոր աստիճանները անցնում ես դու խաղալով:—Բայց ահա գալիս են սև ու դառն օրերը: Դու 8 տարեկան հասակումն ես: Եկաւ ձմեռը: Ով հարուստ է, նա ուղարկում է իր դաւակներին ուսումնարան: Դու էլ կ'ուզէիր ուսումնարան գնալ, նրանց հետ միասին խաղալ ու վազվզել: Բայց այդ բոլորը քեզ համար երազ է միայն: Հօրդ ցանքսը վատ է եղել, հարկերի և ապառիկների մէջ մինչև վիզը խրուած է, վճարելու «քօս գրօշ» չունի, իսկ հացի կարօտ բերանները՝ շատ: Ինչպէս ձուկը սառուցին է զարկում, այնպէս էլ քո հայրը՝ դէս ու դէն ընկած՝ մի ելք է փնտրում: Նա լսում է մի օր, որ հարևան ազան լուցկու գործարան է բաց արել, բարեգործ է հանդիսացել փոքրերին աշխատանք տալով: Ինչ ասել կ'ուզէ, որ դու գործարան գնալ ամենևին չէիր ցանկանալ: Բայց ինչ արած, հայրդ է տանում, պիտի գընաս: Նա խեղճը ինքը գիտէ, որ 12—14 ժամուայ օրական աշխատանքի համար քեզ կը տան միայն մի 10 կոպէկ. նա գիտէ, ծծուժրի ու ֆօսֆօրի օդը քեզ կը մաշէ ու կը հիւանդացնէ գործարանում: Ծանր է նրա համար, բայց այնուամենայնիւ նա ի նկատի ունի քո 10 կոպէկը, սր պէտք է նրան ապրուստի համար:

Եթէ բաղդդ բերեց, և դեռ երեխայ ժամանակդ մի հիւանդութիւն կեանքդ չխլից կամ գործարանի որևէ մեքենայ վիզդ չըկտրեց և մի կերպ դու լաւ-վատ 18 տարեկան դարձար, այն ժամանակ դու ինքդ պիտի մտածես քո վիճակի վրայ: Լուցկու գործարանից քեզ դուրս կը շարտեն, որովհետև փոք-

րերն էլ այնտեղ կարող են աշխատել, — քեզպէսներին պահել հաշիւ չըկայ, քանի որ դու խօս օրական 10 կոպէկով չէիր աշխատի այլևս: Գիւղ գնալ և հօրդ մօտ մնալ նոյնպէս չի լինի: Դուք մի փոքրիկ հողաբաժին ունիք, իսկ վճարելիք՝ շատ: Դու պէտք է պանդխտութեան գնաս և դուրսը աշխատանք որոնես, այլապէս քո ընտանիքը ծայրը ծայրին չի կարող հասցնել: Գալիս ես դու քաղաք և մտնում, դիցուք, չթի գործարան: Տարօրինակ մի զգացմունք է տիրում սրտիդ, երբ առաջին անգամ կանգնում ես մեքենայի «դադդեհահի» առաջ.— ծանր է այնտեղ աշխատել: Աչքդ միշտ չորս պիտի անես, թէ չէ կամ մանածը կըփչացնես կամ ձեռքդ կընկնի մեքենայի տակ: Բայց ահա կամաց-կամաց դու ընտելացար այդ գործին. աշխատեցիր երկու-երեք տարի, գուցէ և աւելի—և սովորեցար դու այդ գործը այնքան, որ քեզանից մի լաւ ջուլհակ դուրս եկաւ: Դու ապրում ես մի կերպ եօլա գնալով, հաւատացած ես, որ միշտ մի կտոր հաց կուճենաս ուտելու.—բայց ահա յանկարծ մի դժբաղդութիւն, մի սովորական դժբաղդութիւն: Գործարանատէրը յայտնում է, որ ստիպուած է բանուորները կէսը բաց թողնել, որովհետև չթի պահաջ չըկայ և գործարանը փլաս է բերում: Ահա այսպէս քեզ քո ընկերների հետ փողոց են շարտում: Դուք կը դիմէք մի ուրիշ չթի գործարանատիրոջ, իսկ նա ձեզ կը պատասխանէ. «Ներեցէք, պարոններ, հազիւ հազ կարողացայ իմ սեփական բանուորներից պլուխ ազատել, նոյն իսկ ստիպուած էի դիմել ոստիկանութեան»: Եւ այսպէս՝ քո ջուլհակութիւնը քեզ էլ չի օգնում. դու նամտում ես ջրից ցամաք շարտուած ձկան: Բեզ ասում են՝ քո կարիքը չունենք,—պրծաւ-գնաց:

Բայց չէ՞ որ ուտել է հարկաւոր, խմել է հարկաւոր: Ճարհատեալ մտնում ես մի ուրիշ գործարան,—ուր որ ընդունում են: Դիցուք, քեզ վիճակուեց ընկնել չուզուճի ձուլարանը: Միայն Աստուած գիտէ թէ ո՞րքան տառապանք ու դժոխային չարչարանք պիտի կրես դու, մինչև որ մի քիչ ընտելանաս նոր գործիդ և մոռանաս քո ջուլհակութիւնը: Հազիւ դու ընտելանում ես, և ահա քեզ նորից դուրս են շարտում, և դու նորից պիտի սովորես մի նոր գործ. ու այսպէս անվերջ, ամեն տեղ

հալածուած, — դու ինքդ չըզիտես, ուր է քու քեզ կեանքի հոսանքը, չըզիտես, սրտեղից է գալիս դժբաղդութիւնը:

Եւ կընայես դու չորս կողմդ, կսկիծն ու վիրաւորանքը «կըլցնեն սիրտդ»: Ձէ որ դու էլ մարդ ես, Աստու կերպարանք ունես, — այն ինչ սեփական կամքի ոյժ քո մէջ այնքան կայ, որ քան մի տաշեղի մէջ, որին թեթեալ արեքն անգամ դէս ու դէն է գցում: Եւ այսպէս չար բաղդը դուրս շարտելով արորում-Չախ-Չախում է քեզ և ի վերջոյ մի որ և է սալայատակի վրայ կամ պատի տակ է գցում քո կտորտանքները: «Շանսատակ եղիր», կարծես ուզում է նա ասել դրանով...

Ո՞րն է այն բաղդը, որն է այն մութ զօրութիւնը, որ այնքան դաժան կերպով իշխում է մարդկանց վրայ, ասես տաշեղների նման խաղում է նրանց հետ և զրկում նրանց իրանց կամքից: Մեծ է զօրութիւնը: Ահա ինչ ասաց նրա մասին Նեկրասովը. «Աշխարհումս կայ մի թագաւոր, անողորմ է այդ թագաւորը, ան՛լ է նրա անունը»:

Ահա թէ որն է այդ հզօր ոյժը: Սոփն է, որ մարդկանց տէրն ու տիրականն է: Բայց սովը սարսափելի չէր լինի, եթէ չըլինէին մարդկային այն դաժան կարգերը, որոնք այնպիսի դարհուրելի ոյժ են տալիս նրան: Մեր ամբողջ ցաւը հասարակական կարգերից է բղխում. ինչու միքանիսը լաւ են սպրում, շատերը — վատ. ինչու միքանիսը փարթամութեան ու գեղխութեան մէջ են լողում, շատերն մի կտոր հաց անգամ չունեն ուտելու:

Խիստ երկար տանջուեց մարդկային միտքը, մինչև որ գտաւ այդ խնդրի լուծումը, մինչև որ իմացաւ, սրտեղ է հասարակական կարգերի արդարութիւնը և անարդարութիւնը: Ահա հէնց արդարութեան և անարդարութեան մասին է, որ մենք ուզում ենք այստեղ խօսել. եթէ մեզ յաջողուի պարզել այդ հարցը, այն ժամանակ գուցէ և հեշտ լինի օգնութեան գալ մարդկային թշուառութեան...

I

ԱՇԽԱՏԱԿՑՈՒԹԻՒՆ. ԱՇԽԱՏԱՆՔԻ ԲԱԺԱՆՈՒՄ. ՓՈԽԱՆԱԿՈՒԹԻՒՆ. ԱՊՐԱՆՔ.

Ներկայ կարգերի էութիւնը աւելի հեշտ հասկանալու համար, ես կըսկսեմ մի քիչ հեռուից: Եթէ մենք ուզում ենք որ և է մէկին լաւ ճանաչել, նախ և առաջ մենք ծանօթանում ենք նրա անցեալի հետ: Իսկ երբ մեր առաջն է դրուած նրա անցեալը, մեզ համար դժուար չէ, մանրակրկիտ քննութեան ենթարկելով նրա կեանքը, ասել ինչ մարդ է նա: Նոյնը կարելի է ասել և ամբողջ մարդկութեան մասին: Եթէ մենք իմանանք, ինչպէս է նա ապրել հին ժամանակներից սկսած, ինչպէս է նա հասել իր ներկայ դրութեան, — մեզ համար շատ բան կը պարզուի:

Շատ հին ժամանակներում ամբողջ մարդկութիւնը սպաւրում էր այնպէս, ինչպէս կիսամերկ վայրենիները սպրում են այժմ անտառների ու այրերի մէջ՝ զուրկ գիւղերից ու քաղաքներից, ճանապարհներից ու կամուրջներից: Ուրոմելի արարած է այդ վայրենին. Փոքր ոյժի տէր, նա բնութիւնից ոչ մի զէնք չէ ստացել: Չանազան յարձակումներից պաշտպանուելու համար բնութիւնը եզին եղջիւրներ է տուել, գայլին սուր առմներ, առիւծին՝ ամուր ճանկեր: Իսկ վայրենու զէնքը որն է: Միայն՝ ծայրը սրած մի փայտ: Բայց չէ՞ որ վայրենին էլ է ուզում ապրել, չէ՞ որ նա էլ պէտք է կերակուր ձարէ, և, որ գլխաւորն է, իր կաշին թշնամի-զազաններից պաշտպանի: Պարզ է, որ այն ժամանակ, երբ առիւծը կամ արջը առին օր ձեռք են գցում ճաշի համար կամ եզ կամ եղջերու, վայրենին ստիպուած է ամեն տեսակ անպէտք բաներով կերակուրուել: Իսկ ինչ վերաբերում է թշնամիներին, պէտք է ասել, որ վայրենուց ուժեղ ամեն մի զազան՝ իր քէֆն ուզածի չափ վիրաւորում է նրան և նոյն իսկ չի քաշում նրան իր կերակուրը դարձնել: Մեր թշուառ վայրենին միայն լալիս ու հառաչում է այդօրինակ կարգերից, Ո՞ւմնից նա օգնութիւն և պաշտպանութիւն հայցէ, եթէ ոչ իր նման թշուառ վայրենիներից: Եւ ա-

հա կամաց-կամաց մեր վայրենիները սկսում են հաւաքուել. նրանք զգում են իրանց աւելի սրտոտ: Առաջին անգամից նրանց յաջողուեց սպանել մի մէծ եղջերու, որին նրանք մի ամբողջ օր էին ուտում: Իսկ երբ արջը իր քիթը նրանց մօտ կոխեց,—նրանք վրայ պրծան միասին և մի լաւ դաս տուին նրան նրա նախկին մեղքերի համար: Եթէ վայրենիները չը միանային և առաջուայ պէս առանձին-առանձին ապրելու լինէին, այն ժամանակ ոչ-ոք եղջերուի միսն անգամ չէր տեսնի, ինչպէս իր ականջները, և գուցէ շատերն էլ արջի բերանն ընկնէին նախաճաշի համար: Իսկ այժմ ամեն մէկը եղջերուի միս էլ կերաւ, արջից էլ իր վրէժը առաւ: Մեր վայրենիները այս բանը իրանց միտքն են պահում. նրանք գլխի են ընկնում, որ միասին գործելը շատ աւելի ձեռնասու է, կարելի է խոշոր կենդանիներ էլ որսալ, գայլերին ու արջերին էլ այնպէս վախեցնել, որ նրանք երբէք չը մոռանան մարդու ոյժը: Բաւազան է միայն, որ միասին ապրելու և դործելու օգտակարութեան միտքը մտնի վայրենիների գլուխը,—նրանք այլևս միմիանցից պոկ չեն գայ՝ նախկին անօգնական առանձին կեանքը վարելու համար: Եւ այսպէս մենք տեսնում ենք, որ ընկերովի ապրելու պատճառն է կարիքը և անօգնականութիւնը: Ոյժերի այնպիսի միացումը, երբ մարդիկ ընկերանում են կերակուր ճարելու և թշնամիներից պաշտպանուելու նպատակով, կոչւում է աշխատակցութիւն:

Աշխատակցութեան ամբողջ ձեռնտուութիւնը և անհրաժեշտութիւնը ցոյց տալու համար ես կը բերեմ հետեւեալ օրինակը: Դիցուք պէտք է մի տեղից մի ուրիշ տեղ փոխադրել 10 հատ 20 փթանոց երկաթէ ձողեր: Այդ գործը զուրի բերելու համար յանձն են առնում 10 մարդ: Եթէ նրանցից ամէն մէկը ուզէ մի մի հատ մենակ տեղափոխել, նա չը պիտի կարողանայ տեղից անգամ շարժել, եթէ նոյնիսկ հարիւր տարի չարչարէ: Իսկ եթէ բոլոր տասն էլ իրանց ոյժերը միացնեն, նրանք կը վերցնեն առանց դժուարութեան նախ մէկը, յետոյ երկրորդը, երրորդը և այլն: Այժմ մենք կարող ենք ասել, որ կարիքն ու անօգնականութիւնը միացնում են մարդկանց եւ սխիւում միասին աշխատել եւ ապրել համայնական, նասարակական կեանքով:

Իւրաքանչիւր համայնք իր կողմից պէտք է հոգ տանի իր ապահովութեան և գոյութեան միջոցների մասին, եթէ նա ի հարկէ կորչել չի ուզում: Օգտուելով մարդկային մտքի և գիտութեան առաջադիմութիւնից, ամեն մի համայնք աշխատում է բարւոքել իր կեանքը ըստ կարելոյն,—նա վարում է, ցանում է, անասուններ է պահում, հաւաքում է բերքը և այլն: Բայց աշխարհիս երեսին բոլոր տեղերն էլ միատեսակ յատկութիւններ չունեն, ուստի և բոլոր համայնքները չեն կարող միևնոյն աշխատանքով պարապել: Մի համայնքի ձեռքը սե հող ընկնի՝ նա շատ ցորեն կըցանի. մի ուրիշի ձեռքը արօտատեղի ընկնի՝ նա գլխաւորապէս անասնապահութեան վրայ ուշք կը դարձնէ: Երրորդին վիճակուի ճահճային մի տեղ՝ թէև հացը այստեղ լաւ չի բանի, սակայն ճահճի մէջ երկաթի հանք կայ, —և ահա համայնքը դարբնութեամբ է պարապում:

Մի խօսքով իւրաքանչիւր համայնք ձգտում է գտնել մի անպիսի գործ, որը նրան ամենից շատ է ձեռնտու: Նայենք այժմ, թէ ի՞նչ է դուրս գալիս սրանից: Մի համայնք, դիցուք, շատ հացի ունի, իսկ կացին և առհասարակ երկաթեղէն չունի, իսկ մի ուրիշը երկաթեղէն շատ ունի, իսկ հաց՝ քիչ: Ի՞նչ անել: Բանից դուրս է գալիս, որ թէ մէկին և թէ միւսի դրութիւնն էլ վատ է: Եւ ահա զանազան համայնքների անդամները պատահմամբ կամ հարց ու փորձով միմիանց գտնում են: Մի քանիսը յայտնում են, որ իրենք ունեն առատ ցորեն, մինչ երկաթի գործիքներ պակասում են նրանց. այնինչ միւսներն էլ ասում են, թէ երկաթ ինչքան ուզես ունեն, իսկ հացը պակասում է: Պարզ է, որ ինքն ըստ ինքեան նրանց մէջ կայանում է փոխանակութիւն: Նրանք փոխանակում են իրանց ունեցած բարեքը և այդպիսով երկու համայնքում էլ համ հաց, համ երկաթեղէն է լինում բաւականաչափ: Մի անգամ արդէն իրար հետ ծանօթանալով՝ յետոյ նրանք հետեւեալ տարիները շարունակում են նոյնպէս փոխանակել իրանց աշխատածը, կամ ինչպէս ասում են գիտական լեզուով, նրանք փոխանակում են իրանց արդիւնքները:

Երբ գործը բաւական կարգի է ընկնում, մեր դարբինները սկսում են այսպէս մտածել. «Մեր ճահճուտը հացի հա-

մար անբերրի մի տեղ է, իզուր ենք մենք մեր ժամանակը կորցնում այդ գործի համար. արիք երկրագործութիւնը բոլորովին թողնենք և զբաղուենք միմիայն դարբնութեամբ: Ինչոր կպատրաստենք՝ հարևանների հետ հացով և ուրիշ անհրաժեշտ առարկաներով կը փոխանակենք: Մեզ՝ երկու համայնքներու համար էլ անհրաժեշտ է ունենալ թէ հաց և թէ երկաթեղէն»: Եւ ահա այսպէս են անում. մի համայնք պարապում է միմիայն դարբնութեամբ, իսկ միւսը միմիայն երկրագործութեամբ, և վերջը իրար հետ փոխանակում են սեփական արդիւնքները, այսպիսով նրանք բաժանում են իրար մէջ աշխատանքը, նրանք իրագործում են աշխատանքի բաժանումը: Որովհետեւ ամեն մի համայնք ձգտում է պարապել միայն այն գործով, որը նրան ամենից աւելի ձեռնտու է, ուստի և շատ համայնքների միջև առաջանում է աշխատանքի բաժանումը, և այնուհետեւ արդիւնքների փոխանակութիւնը:

Բացի դրանից աշխատանքի բաժանումը առաջանում է և համայնքի ներքին կեանքում: Մէկը, դիցուք, սարսափելի ոյժի տէր է և կարող է ծառերը իրանց արմատով դուրս քաշել: Ի՞նչ ասել կուզի, որ նա դաշտի լաւ աշխատաւոր է. բայց ստիպիր նրան կօշիկներ կարել, և նա այնպիսի կօշիկներ կը կարէ, որ «երես ելնելու բան» չի լինի: Իսկ մի ուրիշը, որ դերանդին անգամ հազիւ է վեր բարձրացնում, կօշիկներ կարելու վարպետ է: Երկուսն էլ անշուշտ և՛ հացի և՛ կօշիկների կարիք ունեն: Բայց որպէս զի հողագործը իզուր տեղը չը չարչարուի մախաթի, իսկ կօշիկաւորը՝ դերանդու վրայ, նրանցից իւրաքանչիւրը միայն մի գործ է կատարում,—հողագործը հացահատիկներ է ցանում, իսկ կօշիկաւորը կօշիկներ է կարում և վերջը երկուսն էլ փոխանակում են իրանց արդիւնքները: Այսպիսով նրանք բաժանում են իրար մէջ աշխատանքը: Եւ որովհետեւ առհասարակ իւրաքանչիւր մարդ աւելի մեծ յօժարութեամբ այնպիսի գործի է կաշում, որը նրա սրտին մօտ է ու բնութեանը համապատասխան,—ուստի համայնքի մէջ էլ անպատճառ առաջ է գալիս աշխատանքի բաժանումը: Եթէ համայնքում 30 մարդ կայ,—նրանցից, դիցուք, 17-ը վարուցանքով կը պարապի, 2-ը՝ կօշիկաւորութեամբ 3-ը՝ դերձակու-

թեամբ, 2-ը՝ դարբնութեամբ, 5-ը՝ հիւսնութեամբ, 1-ը՝ վաւարաններ շինելով: Նրանցից ամեն մէկը կատարում է միմիայն մի գործ, իսկ բոլորը միասին նրանք պատրաստում են այն բոլորը, ինչ անհրաժեշտ է համայնքի գոյութեան համար,—հաց, կօշիկներ և այլն: Համայնքի բոլոր անդամները աշխատակցում են, աշխատանքը բաժանուած է,—իւրաքանչիւրը մի գործ կատարելիս, լաւ գիտէ, որ «եթէ երկու նապաստակների յետևից ընկնես, ոչ մէկն էլ չես բռնի»:

Աշխատանքի բաժանման ձեռնտու լինելը կարելի է տեսնել հետևեալ օրինակից: Լաւ կօշիկաւորը մի զոյգ կօշիկը երկու օրում կը կարէ. իսկ եթէ դարբինը իր գործը վայր գցեց և ուղեց կօշիկներ կարել,—նրան երկու շաբաթն էլ հերիք չի անի: Նոյնը կը լինի և այն ժամանակ, երբ կօշիկաւորը ուզի դարբնութիւն անել: Մի խօսքով, աշխատանքի բաժանման ժամանակ իւրաքանչիւր մարդ, որ ընտրել է գործի մի մասը, սովորում է այդ մասը և աշխատում է աւելի լաւ ու արագ, քան եթէ նա իր ձեռքում տասը գործ ունենար:

Աշխատանքի բաժանումը դարձնում է աշխատանքը աւելի դիւրին և արդիւնաւէտ կամ, ինչպէս ասում են, աւելացնում է աշխատանքի արդիւնաւէտութիւնը:

Որովհետեւ աշխատանքի բաժանման ժամանակ ամեն մի մարդ արտադրում է իրան հարկաւոր արդիւնքներից մէկը միայն, ինքն ըստ ինքեան պարզ է, որ նա պէտք է իր արդիւնքները փոխանակէ այնպիսի արդիւնքով, որ նրա մօտ չը կայ: Օրինակ, կօշիկաւորը, որը արտադրում է միայն կօշիկներ, պէտք է նրանց փոխանակի հացի, ազի, շորերի հետ: Նոյնպէս պիտի վարեն բոլոր արտադրողները (արդիւնաբերողները): Այսպիսով աշխատանքի բաժանման դէպքում պէտք է անպատճառ գոյութիւն ունենայ արդիւնքների փոխանակութիւնը:

Իւրաքանչիւր արդիւնաբերող իր սեփական անձի համար արտադրում է իր արդիւնքի մի փոքրիկ քանակութիւնը: Կօշիկաւորը, որ 150 զոյգ կօշիկ է կարում մի տարուայ ընթացքում, պահում է իր համար, դիցուք, երկու զոյգ: Մնացած 148 զոյգը նա արտադրում է ուրիշ անհրաժեշտ արդիւնքներ:

րով փոխանակելու համար: Այդ 148 դոյգը, որ ծառայում է ոչ սեփական գործածութեան, այլ ծախելու կամ փոխանակելու համար, ապրանք է կոչուում:

Իսկապէս է գալիս, որ աշխատանքի բաժանումը անհրաժեշտ է դարձնում փոխանակութիւնը և ստիպում է մարդկանց արտադրել առարկաներ փոխանակութեան (կամ ծախու) համար, այսինքն արտադրել ապրանքներ:

Եթէ մտաբերենք այս հատուածի մէջ բոլոր ասածները, մենք կը գանք այն եզրակացութեան, որ կարիքն ու անօգնականութիւնն է, որ ստիպում են մարդկանց միանալ, կազմել հասարակութիւններ և դիմել աշխատակցութեան: Այնուհետև տեղական պայմանների և առանձին մարդկանց ոյժերի ու ընդունակութիւնների տարբերութիւնը առաջ է բերում աշխատակցութեան մէջ աշխատանքի բաժանումը, ինչպէս առանձին համայնքների, այնպէս էլ միևնույն համայնքի անդամների միջև: Աշխատանքի բաժանումը իր կողմից առաջ է բերում արդիւնքների փոխանակութիւնը և արդիւնքների արտադրութիւնը փոխանակութեան համար, այսինքն ապրանքների արտադրութիւնը:

II

ԱՊՐԱՆՔՆԵՐԻ ԱՐԺԷՔԸ

Մենք արդէն դիտենք, որ աշխատանքի բաժանումը առաջ է բերում անպատճառ ապրանքների փոխանակութիւնը: Այժմ հարց է ծագում, ի՞նչպէս իմանալ թէ որքան ապրանք պէտք է տալ մի ուրիշ ապրանք ձեռք բերելու համար:

Ղերցնենք սկզբում դիտմամբ ամենապարզ օրինակը: Կօշկակարը ուզում է փոխել մի զոյգ կօշիկներ ջուլակի քաթանի հետ: Ո՞րքան քաթան պիտի ստանայ նա իր կօշիկների փոխարէն. ի՞նչ հարկէ, կօշկակարը կ'աշխատի, որքան կարելի է շատ քաթան ստանայ, իսկ ջուլակը՝ որքան կարելի է քիչ տայ կօշիկների համար: Ի՞նչ պայմաններով նրանք կարող են համաձայնութեան գալ: Եթէ կօշկակարը ուզէ իր կօշիկների փոխարէն խիստ շատ քաթան, դիցուք 40 արշին ստանալ,—

ջուլակը անպատճառ պիտի ասէ նրան. «Ինչ խելօք ես. կօշիկներդ երկու օրում ես կարելի իսկ ինձանից 40 արշին քաթան ես ուզում: Չէ՞ս հասկանում խելօք, որ քաթանի վրայ 4 օր եմ ես աշխատել»: Եթէ ընդհակառակը ջուլակը միայն 10 արշին քաթան առաջարկում է կօշկակարին՝ վերջինիս կօշիկի համար, կօշկակարը կ'ասէ նրան. «Ի՞նչ ուստայ մարդ ես երկու ամբողջ օր ես աշխատել եմ մէջքս երկու տակ արած մի զոյգ կօշիկի վրայ, իսկ դու միայն մի օր ես աշխատել 10 արշին քաթան գործելու համար: Չէ, ախպէր, շատ կը լինի 10 արշին քաթանի տեղ մի զոյգ կօշիկ տալ, չէ, համարժեք չեն»: Բայց որովհետև քաթանը կօշկակարին խիստ պէտք է վարտիկի համար, իսկ ջուլակը վաղուց արդէն ոտաբօրիկ է ման գալիս,—պէտք է մի կերպ եօլայ գնալ: Եւ ահա ջուլակը ասում է կօշկակարին. «Ասիր, սիրելիս, դու քո կօշիկները երկու օրում կարեցիր. շատ բարի. ուրեմն ինձանից էլ դու ստացիր նոյնքան քաթան, որքան ես գործել եմ 2 օրում: Ահա քեզ 20 արշին քաթան: Այսպիսով ոչ քեզ վնաս կը լինի, ոչ էլ ինձ»: այսպէս էլ անում են: Մենք տեսնում ենք սրանից, որ ջուլակըն ու կօշկակարը գնահատում են սպրանքները համաձայն նյն ժամանակի, որ նրանցից ամեն մէկը գործադրել է ապրանքներ արտադրելու համար:

Իհարկէ, իւրաքանչիւր կօշկակար չը գիտէ, որքան ժամանակուայ մէջ ջուլակը մի արշին քաթան կը գործէ. միւս կողմից ոչ էլ իւրաքանչիւր ջուլակ գիտէ, որքան ժամանակի ընթացքում կօշկակարը մի զոյգ կօշիկ կը կարէ. — չէ՞ որ ամեն մի արհեստաւոր չի կարող հարկաւոր տեղեկութիւնները ունենալ բոլոր արհեստների մասին: Բայց եթէ մի քանի անգամ մեր ջուլակն ու կօշկակարը անկարող են իմանալ, որքան ապրանք պէտք է ստանայ ամեն մէկը,—այնուամենայնիւ վերջիվերջոյ նրանք իրանց ապրանքները կը գնահատեն էլի համաձայն գործադրած ժամանակի: Ահա թէ ինչպէս. դիցուք, կօշկակարները սկսեցին խաբել ջուլակներին և իւրաքանչիւր զոյգ կօշիկի համար վերցնել 20 արշին քաթանի տեղ 25 արշին: Այդ դէպքում կօշկակարութիւնը ջուլակութիւնից աւելի ձեռնտու արհեստ կը դառնար. կօշկակարները քէֆով կ'ապրէին, իսկ ջուլակ-

ները գիշեր-ցերեկ գլուխները կախած պիտի աշխատէին: Մարդըս ձգտում է աւելի լաւ ապրել, — ուստի և շատ ջուլհակներ կը սկսեն իրանց զաւակներին կօշկակարութիւն սովորեցնել, և մի քանի տարուց յետոյ այնքան կօշկակարներ առաջ կը գան, որ նրանց կօշիկների համար գնող էլ չի գտնուի: Կօշկակարները, իրենց ապրանքը մի կերպ ծախելու համար, ստիպուած են կամաց-կամաց մէկ մէկու դէմ մրցելով կօշիկների գինը իջեցնել. գործը այն տեղ կը հասնի, որ նրանք ուրախ կը լինեն մի զոյգ կօշիկը փոխել ոչ միայն 20 արշին քաթանով, այլ 15 արշինով: Այսպիսով կօշկակարութիւնը այլ ևս ձեռնտու արհեստ չի լինի, և քչերը նրանով կը պարապեն. այդ դէպքում կօշիկների գինը նորից կը բարձրանայ, որովհետև կօշիկներ այժմ քիչ կան: Եթէ ջուլհակները սկսէին խաբել կօշկակարներին, հիւսններին, հողագործներին և ուրիշներին, նոյն բանը պիտի դուրս գար: Շատերը կը զբաղէին քաթանի արտադրութիւնով, կը պատրաստէին չափից դուրս շատ քաթան, և քաթանը այնքան կ'արժանանար, որ ջուլհակութիւնը այլևս ձեռնտու չէր լինի: Վերջ ի վերջոյ մենք գալիս ենք այն եզրակացութեան, որ ապրանքների գինը որոշողը այսպէս թէ այնպէս պէտք է լինի այն ժամանակը, որ գործադրում է նրանց վրայ: Դուրս է գալիս, որ մարդիկ՝ ապրանքները փոխանակելու դէպքում՝ իրօք փոխանակում են իրանց հաւասար աշխատանքները, այսինքն մօտաւորապէս հաւասար ժամանակ է աշխատում մէկը միւսի համար:

Այլապէս ի՞նչպէս կարող են գնահատել ապրանքները: Առաջին հայեացքից դուցէ թուայ որ ապրանքները կարող են գնահատուել համաձայն այն օգտի, որ նրանք բերում են մարդկանց, — սրբան օգտակար է ապրանքը, այնքան աւելի են տալիս նրա համար: Սակայն, եթէ ապրանքները գնահատուէին համաձայն իրանց հասցրած օգուտի, այնուամենայնիւ զրանից ոչինչ դուրս չի գալ, բացի խառնաշփոթութիւնից: Այսօր մէկը կօշիկների համար ուրախ է երեք անգամ աւելի գին տալ. — աստիկ ցուրտ է, և նա չի կարող շարունակել բորիկ ման գալ. վաղը, երբ նա իր հագին ունի արդէն կօշիկներ, ձրի էլ տան, գուցէ չը վերցնի: Վերջապէս, ի՞նչպէս կարելի է իմանալ, որ

ապրանքը աւելի օգտակար, աւելի անհրաժեշտ է: Այսօր ինձ կօշիկներ է պէտք, վաղը՝ քաթան: Այսօր ինձ հաց որ ձրի տան չեմ վերցնի, իսկ վաղը ինձ պէտք կը լինի և՛ հաց և՛ կօշիկներ և՛ քաթան: Օդը և ջուրը բոլորին էլ անհրաժեշտ են, բայց նրանց համար ոչ ոք փող չի տալիս, որովհետև և՛ օդը և՛ ջուրը մարդս ձեռք է բերում ոչ իր աշխատանքով, այլ ձրի, բնութիւնից: Բայց ջրի համար պէտք է փող վճարել միայն այն դէպքում, երբ նրա ձեռք բերելու համար աշխատանք է գործադրում: Օրինակ, քաղաքներում ջրի համար պէտք է վճարել կամ ջրկրին կամ ջրանցքի համար: Ուրեմն, ապրանքը գնահատուում է համաձայն այն աշխատանքի, որ գործադրուած է նրա ձեռք բերելու կամ արտադրելու համար:

Այդ լաւ բայց երեւակայե՞ք մի այսպիսի դէպք: Մեր կօշկակարը, որ ուզում է իր կօշիկները քաթանի հետ փոխել, շատ է սիրում խմել և հարբած լինելով՝ կօշիկների վրայ մէջք է ծռել ոչ երկու, այլ ամբողջ չորս օր: Ենթադրենք, որ հէնց այդ պատճառով նա մտածում է ջուլհակից 20 արշին քաթանի տեղ 40 արշին վերցնել: «Ես աշխատել եմ 4 օր, կասէ նա, դու էլ կօշիկներիս փոխարէն տուր, այնքան քաթան, որքան դու գործել ես 4 օրում. տուր 40 արշին»: Այն ժամանակ ամեն մի մարդ էլ կը պատասխանի մեր կօշկակար եղբօրը. «Մի բելիս, ես խորհուրդ կը տամ քեզ որքան կարելի է շատ խմել և մի տաք անկիւնում ընկած բէֆ քաշել, այն ժամանակ ոչ թէ 4 օրում, այլ 10 օրումն էլ հազիւ կը կարէիր մի զոյգ կօշիկներդ. չէ եղբայր. գնա մի այնպիսի ախմախին գտիր, որ քեզ կօշիկներիդ համար 100 արշին քաթան տայ: Իսկ ես կը դաննեմ այնպիսի կօշկակար, որ 2 օրում է կարում մի զոյգ կօշիկը և որը ինձանից նրա համար միայն 20 արշին քաթան կուզէ»: Այսպէս պիտի ասէր ջուլհակը. և կօշկակարը ճարահատեալ իր կօշիկները 20 արշին քաթանով պիտի փոխէր, ի հարկէ եթէ չէր ուզում վերագառնալ տուն կօշիկների հետ: Ուրեմն կօշկակարը անարդար էր վարում, երբ 4 օր մէջքը ծռած լինելով մի զոյգ կօշիկների վրայ՝ նա պահանջում էր ոչ 20 արշին քաթան, այլ աւելի:

Այսպիսով, մեր կօշկակարը պէտք է իր ապրանքը

գնահատէ համաձայն ոչ այն ժամանակի, որ ինքն է գործադրել իր կօշիկները՝ վրայ, այլ այն, որ իսկապէս անհրաժեշտ է է մի զոյգ կօշիկներ կարելու համար: Եթէ կօշկակարները 2 օրու մի-մի զոյգ կօշիկ են կարուծ, այդ դէպքում և նրա կօշիկները պիտի գնահատուեն երկու օրուայ աշխատանքով, եթէ նոյնիսկ պատհամար նա աւելի ժամանակ է գործ գրել նրանց վրայ:

Մի խօսքով, մեր արհեստաւորները ապրանքները փոխանակելիս գնահատուում են համաձայն այն ժամանակի, որ անհրաժեշտ է նրանց արտադրելու համար կամ ինչպէս ընդունուած է ասել, ապրանքների արժէքը չափուում է աշխատանքի այն քանակութեամբ, որ անհրաժեշտ է նրանց արտադրութեան համար: Այս օրէնքը մենք մեր միտքը պահենք, այլպէս անհնար կըլինի հասկանալ այն բոլոր տնտեսական կարգերը, որոնք այնքան ցաւ են բերում աշխատաւոր դասակարգին:

III

Փ Ո Ղ

Կօշիկներն ու քաթանը, ինչպէս մենք ասանք վերևում փոխանակուում էին միմիանց հետ այնպէս, որ այդ երկու ապրանքների մէջ էլ պարունակելի աշխատանքի միաչափ քանակութիւն *): Մի զոյգ կօշիկները, որոնց արտադրութեան համար 2 օրուայ աշխատանք էր պէտք, փոխանակուում էին 20 արշին քաթանով, որի արտադրութեան համար նոյնպէս 2 օրուայ աշխատանք էր հարկաւոր: Եւ առհասարակ շուկայում գտնուող բոլոր ապրանքները կարող էին փոխանակել

*) Այդպէս էր հէնց հին ժամանակներում, երբ մարդկանց միջև գոյութիւն ունէր ապրանքների հասարակ փոխանակութիւն: Շնորհիւ այդ փոխանակութեան մարդիկ աշխատում էին միմեանց համար, փոխադարձ ծառայութիւններ էին մատուցում իրար այնպէս, որ ոչ-որի էլ փաստ չէր կաշուում (մարդիկ աշխատում էին միմիանց համար մօտաւորապէս հաւասար չափով):

1003
11462



միմիանց հետ այն դէպքում, երբ նրանց մէջ պարունակուում էր աշխատանքի միաչափ քանակութիւն: Օրինակ, եթէ 4 փութ ցորեն արտադրելու համար հարկաւոր է 2 օր, մի զոյգ կօշիկներին համար նոյնպէս 2 օր, 20 արշին քաթանի՝ 2 օր, 5 արշին մահուդի՝ 2 օր, և մի հայելու համար նոյնպէս 2 օր, — այդ ժամանակ կարելի էր բոլոր այդ ապրանքները փոխանակել մէկը միւսի հետ:

Այժմ երևակայենք մի այսպիսի դէպք: Դիցուք, մեր կօշկակարին քաթան է պէտք: Նա կարեց կօշիկներ և գնաց ջուլհակի մօտ փոխանակութեան համար: Հակառակի պէս ջուլհակը միայն երեկ էր կօշիկներ ձեռք բերել և բոլորովին չէր ուզում իր քաթանը փոխել մի նոր զոյգ կօշիկների հետ. «Ինչի՞նչ է պէտք երկու զոյգը. ինձ պէտք է չիթ՝ կնոջս համար: Եթէ որևէ կտոր ունենայիր, գուցէ և փոխանակէի հետդ»:

Կամաց կամաց կօշկակարը գնում է մի ուրիշ ջուլհակի մօտ, յետոյ՝ բրորդի մօտ և այլն, և ամեն տեղ նոյն պատմութիւնը, — ոչ ոք էլ կօշիկների կարիք չունի: Յաւում է կօշկակարը, որ նա հացթուխ չէ. — հացը հեշտ ծախուող ապրանք է, — այսօր ուտում ես, վաղն էլ է քեզ պէտք. հացը աւելի հեշտ է ուրիշ ապրանքների հետ փոխելը, քան կօշիկները: Բարեբախտաբար հացթուխը համաձայնուեց կօշիկները փոխել հացի հետ: Հացը ձեռին՝ կօշկակարը գնաց ջուլհակի մօտ, և վերջապէս ստացաւ նրանից քաթանը: Բայց հացթուխն էլ էր զանգատուում իր բարդի վրայ. ճիշտ է, նրա ապրանքը բոլորին էլ պէտք է, առանց նրան մարդ չի կարող եօլայ գնալ, — սակայն երբեմն հացն էլ դժուար է ծախել. օրինակ անասնապահը մի կով ունի, որը հացթուխին հարկաւոր է, սակայն թէև հացը նրան ամեն օր էլ պէտք է, միայն խիստ շատ հաց պէտք է կովի փոխարէն վերցնել. իսկ հացը չէ՞ որ չի կարելի երկար պահել — չորանում է, փթում: Այդ կողմից հեշտ չէ և անասնապահի դրութիւնը: Ճիշտ է, անասունը ամենքին էլ պէտք է, և մարդ կարող է պահել նրան, ինչքան ուզէ, — ոչ փչանալ գիտէ, ոչ չորանալ, ինչպէս հացը... Բայց դիցուք նրան ասեղ է պէտք, — ինչպէս ասեղը փոխի կովի կամ ոչխարի հետ, այնքան կը տան մի կովի կամ ոչխարի համար, որ ամ-

բողջ կեանքումդ էլ չես վերջացնի: Աւելի ձեռնտու և յարմար է ձեռք բերել ամենից հեշտ ծախուող ապրանքը, որի հետ իւրաքանչիւր մարդ կը համաձայնուի ապրանք փոխել. եթէ այդ ապրանքը շուտով չի փշանում և հեշտութեամբ մասերի է բաժանուում,—այդ դէպքում նրա հետ կարելի է փոխել ամեն տեսակ ապրանք,—մեծ էլ, փոքր էլ... Այսպիսի ապրանքը կը լինի մեր փողի նման փոխանակութեան մի յարմար միջոց, որով կարելի է ամեն ինչ առնել ու ծախել:

Պարզ է, որ ամենքը ձգտում էին նախ և առաջ իրանց ապրանքները փոխել այդ ապրանքների հետ, իսկ յետոյ նրա միջոցով ձեռք բերել հարկաւոր առարկաները, Այդպիսով այդ ապրանքը կամաց կամաց-կամաց դառնում է փոխանակութեան միջոց *) Երբ երևան ելաւ փողը, հեշտացաւ բոլոր ապրանքների արժէքը իմանալը, հեշտացաւ և նրանց միմիանց հետ համեմատելը իրանց արժէքի համաձայն. բոլոր ապրանք-

*) Այդ նպատակի համար զանազան ժամանակներ, զանազան տեղերում մարդիկ ընտրում էին զանազան ապրանքներ: Մեծ մասամբ ընտրում էին այն առարկաները, որոնցից այդ երկրում շատ կար: Մեր նախնիքը, սլաւոնական ազգերը, փոխում էին գազանների մորթիները արտասահմանի ապրանքների հետ, որովհետև այն ժամանակներում անտառի մէջ շափից դուրս շատ գազաններ կային, և օտարերկրացի վաճառականները հաճութեամբ էին վերցնում մուշտակներ ու մորթիներ: Ուրիշ տեղերում իրեր և փոխանակութեան միջոց անասուններն էին ծառայում.—նրանք առում էին այս բանը արժէ այսքան ոչխար, այսքան կով կամ այսքան ձի: Այժմս էլ կան վայրենիներ, որոնք բոժոժներով են փոխանակում. (այդ բոժոժները նրանք զարդարանքների տեղ են գործածում և շատ են սիրում). նրանք՝ հաւաքում են բոժոժները ծովի ափին, անց են կացնում նրանց թեւի վրայ և փոխանակում են նրանց միջոցով:

Բայց այդ բոլոր ապրանքները այնքան էլ յարմար չեն, որպէս զի նրանց հետ կարելի լինի փոխել բոլոր ապրանքները: Նրանց արժէքը տարեց-տարի փոփոխութեան է ենթարկուում (եթէ դնահատենք նրանց՝ իրանց վրայ գործադրած աշխատանքի համաձայն),—մերթ իջնում, մերթ բարձրանում է: Ուրեմն, երբէք չես կարող իմանալ ճշտօրէն, թէ որքան կըստանա ապրանքի փոխարէն այնպիսի ապրանք, որով հեշտ լինի արդէն փոխել բոլոր միւս ապրանքները: Այդ ի հարկէ անյարմար է: Անյարմար է նաև այն, որ այդ ապրանքները (հաց, անասուն, մուշտակ) շուտ են փշանում, պահելն էլ անյարմար է, և բացի այդ մեծ տեղ են բռնում: Այդ պատճառով մարդիկ սկսեցին բոլոր ապրանքների փոխանակութեան ժամանակ դի-

նորը սկսեցին փողի վերածել: Օրինակ արժէքները համեմատելու մէջ փողը նոյն դերն է խաղում, ինչ որ ֆունտերը և փութերը առարկաների ծանրութիւնը որոշելու մէջ: Օրինակ, ինչպէս մենք կարող կլինէինք միմիանց հետ համեմատել երկու զանազան քարերի ծանրութիւնը, եթէ մենք նրանց չըվերածէինք ֆունտերի կամ փութերի:

Ինչպէս որ կշռաքարերով կարելի է որոշել ուրիշ առարկաների ծանրութիւնը, որովհետև առաջինները իրանք ծանրութիւն ունեն, նոյնպէս և փողը. ապրանքների արժէքը կարելի է վերածել փողի միայն այն պատճառով, որ ինքը փողը արժէք ունի: Փողը կտրոււմ են ոսկուց և արծաթից, որոնք հեշտ ծախուող ապրանքներ են: Արծաթը արժէք ունի ոչ միայն իրրև փող,—մենք գիտենք, որ արծաթէ ամանները, արծաթէ զարդարանքները գործադրութեան մէջ մտան աւելի առաջ, քան արծաթէ դրամները: Արծաթից միայն այն պատճառով սկսեցին փող կտրել, որ նա կայուն գին ունի, որ նրա մանր

մել այնպիսի ապրանքների օգնութեան, որոնց արժէքը չի ենթարկուում յաճախակի փոփոխութեան, որոնք շուտ չեն փշանում և շատ տեղ չեն բռնում: Այդ ապրանքներն են ոսկին և արծաթը: Փոխանակութեան համար նրանց գործածութիւնը ձեռնտու է և այն բանով, որ ոսկու կամ արծաթի կտորը կարելի է մանր մասերի բաժանել. և ամենափոքր մասնիկն անզամ գին կ'ունենաւ: Ուրեմն ոսկու և արծաթի վրայ կարելի է փոխել և՛ մանր և՛ խոշոր, և՛ թանգ և՛ էժան իրեր: Յարմար է մի բան էլ, այն, որ եթէ պէտք լինի, կարելի է ոսկու էլ արծաթի էլ մասերը կըլին հալել. իսկ միւս ապրանքները փշանում են, երբ նրանց կտրուում են: Ձեռնտու է և այն, որ ոսկու և արծաթի մասերը հաւասար են, նման չեն գազանների մորթիներին: Մորթի էլ կայ, մորթի էլ: Եթէ ասես, որ այս ինչ կովը արժէ 5 արծաթի ոսկի,—այդ բաւական չէ, պէտք է ասես անպատճառ, ինչ անասակ մորթիներ են. կան այն տեսակ մորթիներ, որ ամեն մէկը մի-մի կով արժէ: Իսկ ոսկին ու արծաթը այնպէս չեն. իսկական ոսկին ու արծաթը ամեն տեղ նոյնն են: Եւ անս փոխանակութեան յարմարութեան համար մարդիկ սկսեցին ոսկին և արծաթը հաւասար կշիռ ունեցող կտորներէ բաժանել: Արծաթի կտրած մասերը սկսեցին ուրբ անուանել. (առաւելէն՝ РУБЛЬ. РУБИТЬ խօսքից է, որ նշանակում է կտրտել): Սկզբում աւել էին անուանում զանազան հասարակ կտորներ, յետոյ սկսեցին նրանց միատեսակ շինել. որպէս զի խաբերայութիւն չը լինի, և արծաթի հետ ուրիշ մետաղ չը խառնեն, վճռեցին դուրս տալ նոյն ուրբիները միմիայն պետական զանաքարանից, պետական արժէքով և առանձին մակագրութեամբ:

կտորներն անգամ մեծ գին ունեն, չեն փչանում և այլն. մի խօսքով, որ նա փոխանակութեան համար յարմար ապրանք է: Եթէ հողի տակից 4 զօլօտնիկ արծաթի մի կտոր հանելու համար պէտք է աշխատանքի մի օր, իսկ մի գլխարկ կարելու համար նոյնպէս մի օր,—այդ դէպքում գլխարկի արժէքը նոյնն է, ինչ որ 4 զօլօտնիկ արծաթի արժէքը: Այդ արծաթի կտորից շինում են մի մանեթանոց դրամ: Եւ ահա ասում են, որ գլխարկը արժէ մի կտոր արծաթ կամ մի ուրբ: Ահա թէ ինչպէս է ծագել փողը:

Սրանից պարզ է, որ փողը նոյնպիսի ապրանք է, ինչպէս են և այլ ապրանքները. փողի արժէքը նոյնպէս չափւում է աշխատանքի այն քանակութեամբ, որ հարկաւոր է գետնի տակից մետաղ հանելու և մշակելու համար: Իսկ որովհետեւ մետաղի արժէքը հաստատուն է, ուստի և նրա արժէքին վերածում են ուրիշ ապրանքների արժէքը,—և այդպիսով ապրանք մետաղը փող է դառնում: Երբ մենք ապրանքի արժէքը վերածում էինք ցորենի արժէքին, մենք ասում էինք, որ 20 արշին քաթանը կամ 5 արշին մահուղը, կամ մի զոյգ կօշիկները 4 փութ ցորեն արժեն: Իսկ երբ մենք ապրանքների արժէքը փողի արժէքին ենք վերածում, մենք ասում ենք, որ 20 արշին քաթանը կամ 5 արշ. մահուղը կամ մի զոյգ կօշիկը 4 ուրբի արժեն (4 կտոր արծաթ): Ուրեմն փողը այնպիսի ապրանք է, որ ուրիշ ապրանքների արժէքն է ցոյց տալիս, կամ փողը ապրանքների չափն է:

Փողը շուկայում ցոյց է տալիս ապրանքների արժէքը և բոլոր ուրիշ ապրանքների տեղն է բռնում փոխանակութեան ժամանակ (ինչ ապրանք ուզես, կարող ես փողովդ գնել), այսինքն փողը ծառայում է իբրև ապրանքների փոխանակութեան միջոց: Շատ բարի: Իսկ ի՞նչ է թղթադրամը: Թղթադրամ կտրելը հեշտ է,—մի օրում կարելի է տասնեակ հազարներ կտրել, իսկ շուկայում կարելի է նրանց միջոցով ստանալ ապրանքների մի այնպիսի խոշոր քանակութիւն, որը ստեղծելու համար ամբողջ տարիների աշխատանք պէտք կըլինի գործադրել:

Բանից դուրս է գալիս, որ փողի արժէքը ամենևին կախ-

ուած չէ նրա արտադրութեան վրայ գործադրած աշխատանքից: Դուրս է գալիս, որ թղթ է փողի մէջ կայ մի առանձին զօրութիւն, եթէ նրա փոխարէն կարելի է ուղածիդ չափ ապրանք ստանալ, չնայելով որ իրանք թղթերը գրօշի արժէք ունեն:

Բայց սպասեցէք, կարելի է որ մենք այստեղ էլ կարողանանք հասկանալ բանի էութիւնը: Նայենք, թէ բանը ինչո՞ւն է: Երբ ոսկին և արծաթը գետնից հանուած և ինչպէս հարկն է մշակուած են, բաժանում են նրանց հաւասար մասերի, կշռում են և շինում դրամներ—ոսկեդրամ, ուրբլիներ, և այլն: Եթէ, օրինակ, մի կտոր արծաթ հանելու լինենք ուրբլիանոց դրամ շինելու համար, մի օրուայ աշխատանք հարկաւոր կըլինի գործադրել. և եթէ թէնոցների կամ գլխարկի համար նոյնպէս մի օրուայ աշխատանք պէտք եղաւ, այդ դէպքում թէնոցների և գլխարկի արժէքը կը լինի մի ուրբլի արծաթ: Փոխանակութեան ժամանակ ուրբլիանոցը շրջանառութեան մէջ է շուկայում, ընկնում է հազար ու մի ձեռքեր, մտնում հազար ու մի ջեբեր. նա ման է գալիս մի տասը տարու չափ, և նայում ես, որ նա արդէն կորցրել է իր կերպաբանքը: Դրամը այլանդակուած, արծիւը մաշուած, իսկ հակառակ կողմում հաղիւ կը կարգաս «մի ուրբլի արծաթ» մակագրութիւնը: Կշեւքի վրայ կշռելով կը տեսնես, որ նա կորցրել է իր ծանրութեան քաւորը. Ուրեմն և մաշած ու տրորած ուրբլու արժէքը նոր ուրբլուց մի քառորդ պակաս է: Իսկ երբ դուրս կըզաս շուկայ, նոյն թէնոցները կամ գլխարկը կարող ես գնել մաշած ուրբլով էլ նոյնպէս, ինչպէս նորով: Այդ ի՞նչ է նշանակում: Ահա ինչ: Գլխարկ կարողը, որը գլխարկը ծախում է ինչ ուրբլով, լաւ գիտէ, որ այդ ուրբլու մէջ արծաթ աւելի քիչ կայ, քան նորի, և որ այդ պատճառով նա իր գլխարկի համար չի ստանայ նրա ամբողջ արժէքը (4 զօլօտնիկի փոխարէն միայն 3): Բայց գլխարկ կարողը դատում է այսպէս,—Ես խօսմ այդ արծաթից օղեր շինելու չեմ, ինձ համար միենոյն է ինչքան արծաթ կայ նրա մէջը: Ինձ համար բաւական է, որ նրա վըրայ կայ «մի ուրբլի» մակագրութիւն, իսկ ես նրանով կըգնեմ վաղը մի փութ ցորեն կամ թէնոցներ:

Որովհետև փողի գլխաւոր ծառայութիւնը կայանում է ար-

ժէք ցոյց տալու և փոխանակութեան միջոց ծառայելու մէջ, ուստի շուկայում մարդիկ կարծես մի խօսք արած ուշադրութիւն են դարձնում միմիայն փողի մակագրութեան վրայ, իսկ ի՞նչից կտրած լինելը հաշի չեն առնում: Միևնոյն չէ թէ «մի ուրիշ» քարի վրայ է փորագրուած թէ չթի մի կտոր է: Բաւական է, եթէ շուկայում բոլորը ճանաչեն, որ նա ուրբի է, բաւական է, որ նրա տեղ կարելի լինէր գլխարկ կամ թկնոցներ ստանալ: Եւ ահա այս է հիմքը թղթադրամների: Ահա այս պարզ հաշիւը աչքի առաջ ունենալով, կառավարութիւնը հրամայում է տպագրել թղթադրամներ՝ «մի ուրբի» արծաթ, «երեջ ուրբի» արծաթ և այլն մակագրութեամբ, իսկ շուկայում ամենքն էլ պիտի ընդունեն նրանց որպէս իսկական արծաթէ դրամներ: Այդ բոլորը հնարաւոր է միայն այն պատճառով, որ ապրանք-փողը ցոյց պէտք է տայ ապրանքների արժէքը. այդ ցոյց տալ կարող է հաւասարաչափ լաւ և՛ թուղթը, որքան և մի կտոր արծաթը:

Ահա այսպէս կամաց-կամաց շուկայում է ապրանք-փողից միայն նրա արժէքի մակագրութիւնը, որ տպագրուած է թղթի վրայ, այսինքն թղթադրամները: Իսկ մետաղէ փողերը մնում են պառկած պահեստներում, որպէս զի փոխանակութեան մէջ չըմաշուեն: Նրանց փոխարէն գործածութեան մէջ է մտնում թղթադրամը, որի վրայ դրուած է. թէ այս թղթադրամը ներկայացնելուն պէս պետական գանձարանի մանրացնող դրամարկից կարելի է ստանալ այսքան ուրբի արծաթ կամ ոսկի: Թղթադրամը այսպիսով իսկական արծաթէ կամ ոսկէ փողի վկայագիր է,—ահա թէ ինչու նա արժէք ունի:

Եթէ վաղը որ և է բռնապետ վատնէ այն բոլոր արծաթէ և ոսկէ փողերը, որոնք պահուած են պետական դրամարկիներում, դուր ստուած թղթադրամների փոխարէն,—այն ժամանակ դուք կըտեսնէք դժբախտութիւնը: Մեր վաճառականը արտասահմանում ապրանք պիտի գնէ, իսկ այնտեղ մեր թղթադրամներին հաւատ չեն ընծայում: Եթէ այնտեղ լսեն, որ մեր գանձարանում իսկական փող քիչ է մնացել, մեր ուրբու գինը իսկոյն և եթ կիսով չափ կիջնի: Արտասահմանում կըպահանջեն իսկական արծաթ և ոսկի, և մեր վաճառականը կըգիմէ պետական

գանձարանը, կը խնդրէ հազար ուրբու թղթադրամների փոխարէն տալ հազար ուրբու ոսկի:

Այսպէս կը վազէ պետական գանձարանը մէկը, միւսը, երրորդը, չորրորդը և այլն: Վերջիվերջոյ դուրս կըգայ, որ իսկական մետաղէ դրամ այլևս չըկայ: Խաբեբայութիւնը լոյս աշխարհ կենէ: Դուրս կը գայ, որ թղթադրամներ պատրաստել են չափից դուրս շատ,—չէ՞ որ նրանց գինը սաստիկ էժան է, իսկական փողերը վատնուած են, իսկ առանց փոխանակութեան իսկական դրամով թղթադրամները մի մի «քօռ» դրօշ էլ չարժեն: Գանձարանը պէտք է այդ դէպքում ստիպուած լինի խոստովանել, որ նրա գործերը վատն են գնում, որ նա դադարում է այլևս թղթադրամների փոխարէն տալ ոսկի և արծաթ այնքան, ինչքան նա պարտաւոր է տալ,—այլ տալիս է միայն 60 կամ 70 և նոյնիսկ 50 կոպէկ մի ուրբու փոխարէն: Այդ կըլինի նոյնը, ինչ որ պատահում է ահագին թւով մուրհակներ տուած և մնանկացած վաճառականի հետ...

Հասարակ ու խեղճ մարդիկ իսկի գլխի էլ չեն ընկնում, թէ ինչպիսի խորամանկ մեքենայութիւն է թագնուած այստեղ: Նրանք ախուժախ են անում և չեն հասկանում ամենևին, ի՞նչ պատահեց յանկարծ, որ բոլոր ապրանքները թանգացան: Իսկ դուրս է գալիս, որ ոչ թէ ապրանքներն են թանգացել, այլ փողը էժանացել է: Գանձարանը բաց է թողել խիստ շատ թղթադրամներ և դիւրահաւատ մարդիկ բոլորը գնել են,—իսկ յետոյ իմացել են, որ նա իր միջոցներից շատ աւելի է թղթեր դուրս թողել. արտասահմանում այդ բանի հոտն առնելով, թղթադրամի փոխարէն շատ քիչ են տալիս, քան առաջ. և բաւական է, որ արտասահմանի ապրանքները սկսեցին թանգանալ,—իսկոյն կը թանգանան և մերոնք:

Այսպէս շատ անգամներ է պատահել մեր Ռուսաստանում: Եթէ վերցնելու լինենք այժմ ոսկէ հին ուրբիները և համեմատենք նորերի հետ, մենք առանց դժուարութեան կը տեսնենք, որ հների մէջ ոսկի աւելի կայ, քան նորերի, և որ հները աւելի թանգ արժէին, քան նորերը, թէև նրանց վրայ նոյն գինն է տպուած: Իսկ եթէ մանրամասն քննենք, թէ ինչպէս երևան եկան իսկական և թղթէ դրամներ, և ինչպէս էր

նրանց արժէքը փոխուում մինչև մեր օրերը, մենք կը համոզուենք, որ այդ բոլորը սկզբից մինչև վերջը զեղծուում է, և ուրիշ ոչինչ:


Ուրեմն, մետաղէ փողը մի այնպիսի ապրանք է, որ ցոյց է տալիս բոլոր ապրանքների արժէքը, ծառայում է իբրև արժէքի չափ և փոխարինում է փոխանակութեան ժամանակ բոլոր ապրանքները, հետևապէս ծառայում է և որպէս ապրանքների փոխանակութեան միջոց: Իսկ թղթադրամները մետաղէ դրամների արժէքի նշանացոյցն են և ծառայում են ընդհանուրի համաձայնութեամբ որպէս փոխանակութեան միջոց: Սրանով կը վերջացնենք մեր խօսքը փողի մասին:

IV

ՊԱՀԱՆՁ ԵՒ ԱՌԱՋԱՐԿ. ՄՐՅՈՒՄ:

Մինչև այժմ մենք ենթադրուում էինք, որ շուկայում ապրանքները ծախուում կամ փոխանակուում են համաձայն իրանց արժէքի, այսինքն համաձայն աշխատանքի փոխանակութեան, որ գործադրուած է նրանց արտադրութեան համար: Իրօք այդպէս պէտք է լինէր: Սակայն շուկայում ապրանքները ծախուում են իրանց իսկական արժէքից կամ ցածր կամ բարձր:

Տեսնենք թէ ի՞նչպէս է այդ կատարուում: Կօշկակարը 2 օրուայ մէջ մի դոյզ կօշիկներ կարեց: Ծախելու ժամանակ նա պէտք է ստանայ կօշիկների փոխարէն 4 ուրբլի արծաթ, որի մէջ պարունակուում է նոյնպէս 2 օրուայ աշխատանք: Նա դուրս է բերում իր կօշիկները շուկայ, որտեղ պատահամբ այս անգամ շատ քիչ կօշիկներ կային, իսկ մուշտարի՝ շատ: Շուկայով անցնում էին զինուորներ, որոնք պատերազմ էին գնում. զինուորների կօշիկների ներքանը կաշւից չէր, այլ հաստ թղթից էր, ուստի նրանք ստիպուած էին սեփական կօշիկներ ձեռք բերել: Տեղական կօշկակարները չէին նախատեսել, որ այդպիսի դէպք կը պատահի և չէին պատրաստել անսպասելի հիւրերի



համար աւելորդ կօշիկներ: Զինուորները թափուեցան մեր կօշկակարի զլխին:

«Ի՞նչ արժեն կօշիկներդ».—4 ուրբլի: Զինուորներից մէկը վերցրել էր արդէն կօշիկները և ձեռքը շիջը կոխել փող հանելու համար, երբ յանկարծ մի ուրիշը բղաւեց կօշկակարին. «Ինձ տուր կօշիկներդ. տասը կոպէկ աւել կըսամ, բոլորովին բոբիկ եմ ախր».—Եթէ այդպէս է 25 կոպ. կաւելացնեմ, բղաւեց երրորդը: «4 և կէս».—Ստացիր 5 ուրբլի: Ամեն կողմից անդուկ բարձրացաւ. մեր կօշկակարը ապշած ու շշմած նայում էր շուրջը, ինչպէս մի գայլ, որին ոչխարների մէջ են բռնել: Պինդ սղմած 5 ուրբլիանոցը իր ձեռքում, մեր կօշկակարը վագրում է տուն: Նա ուրախ է, որ 4 ուրբլու տեղ անսպասելի կերպով յանկարծ 5 ուրբլի ստացաւ:

Այս դէպքի մասին լսում են միւս կօշկակարները և այսպէս դատում. «Իւրաքանչիւր դոյզ կօշիկների համար մի ուրբլի աւել կըստանանք,—լաւ կը լինի վրայ տալ և շուտ կարելի»: 5 ուրբլով ծախելու յուսով՝ նրանք հետեւալ տօնավաճառին ահագին քանակութեամբ կօշիկներ թափեցին շուկայ: Բայց զբարդաբար նրանք սխալուած էին,—զինուորների հետքն անգամ չէր մնացել. իսկ սովորական մուշտարիներին այդքան կօշիկ հարկաւոր չէր: Կօշկակարները քթերը կախեցին, իսկ մուշտարիները զլխի ընկան, որ այժմ նրանց գործը շատ լաւ է: Մօտենում է մուշտարին կօշկակարներից մէկին և հարցնում: «Ի՞նչ արժեն կօշիկներդ»: Կօշկակարը, տեսնելով որ այժմ յիմարութիւն կը լինի 5 ուրբլի ուզելն անգամ, պահանջում է իսկական արժէքը—4 ուրբլի: «Իսկ 3 ուրբլով չէս տայ»:—«Ինքդ գիտես, եղբայր, որ երկու օր եմ աշխատել,—համարեա լալով ասում է կօշկակարը,—Աստուած չէս ճանաչում, ինչ է, որ միայն 3 ուրբլի ես առաջարկում»: «Մի տես, թէ ինչպէս էլ կտորուհւում է», ծիծաղում է մուշտարին, «ձերոնցից էսօր շատ են եկել - 3 ուրբլով էլ կաղաչես. կըտաս»: Կօշկակարի միտքն ընկաւ, որ ընտանիքը տանը առանց հացի նստած նըրան է սպասուծ, և մտածեց, որ եթէ նա 3-ով չտայ, այն ժամանակ մի ուրիշը կըտայ, իսկ նա ինքը առանց հացի կը մնայ: Ծարը կտրած՝ նա տալիս է կօշիկները 3 ուրբլով: Նոյնը պիտի

անէին և միւսները, եթէ առանց հացի մնալ չէին ուզում իսկ ով առանը պաշար ունէր, նա պահեց կօշիկները:

Կօշկակարները տեսնելով, որ հափից դուրս շատ կօշիկ կայ շուկայում, մտածեցին, որ եթէ շարունակեն առաջուայ պէս աշխատել, ստիպուած պիտի լինեն մի զոյգը 3 ուրբով ծախել: Եւ ահա նրանք կրճատեցին կօշիկների արտադրութիւնը: Նըրանցից մէկը գնաց ուրիշ տեղ, միւսը աւելի ձեռնտու գործ գտաւ, և շուկայում ապրանքը քչացաւ: Կօշկակարները սիրտ առան և վճռեցին կօշիկները 3-ով չըզիջել: Մենք տեսնում ենք, որ կօշիկները մի անգամ իրանց իսկական արժէքից թանգ են ծախուում, միւս անգամ՝ էժան: Կօշիկները արժէքը մնում էր նոյնը (4 ուրբի կամ 2 օրուայ աշխատանք), իսկ նրանց վաճառանոցային գինը փոխուում էր.—մի անգամ 5 ուրբի, միւս անգամ՝ 3:

Խնչից էր այդ առաջ գալիս: Ահա թէ ինչից: Առաջին անգամ շուկայում կօշիկ քիչ կար, իսկ մուշտարի՝ շատ. կօշիկների պահանջը մեծ էր, իսկ կօշիկ քիչ էր բերուած, այսինքն՝ սուաջարկը փոքր էր: Ամեն մի մուշտարի աշխատում է ուրիշի ձեռքից ապրանքը խել և դրա համար գինը աւելացնում է, այդպիսով ապրանքի գինը բարձրանում է: Ամեն մի գինուոր էլ շատ լաւ գիտէր, որ կօշիկների իսկական արժէքը 4 ուրբի է, բայց նա տեսնում էր, որ մուշտարիները շատ են և կամայ աւկամայ գինը աւելացնում էր, որպէս զի իր ձեռքը ընկնեն կօշիկները: Ոտարորիկ խօս մարդը մանգալու չէ: Երկրորդ անգամ, ընդհակառակը, կօշիկ շատ կայ, իսկ մուշտարի՝ քիչ, առաջարկը մեծ է, իսկ պահանջը փոքր:

Վաճառողներից իւրաքանչիւրը մի ելք է որոնում և դրահամար իջեցնում է գինը ապրանքի արժէքից վայր: Կօշկակարը լաւ գիտէ, որ կօշիկների իսկական արժէքը 4 ուրբի է, բայց նա տեսնում է, որ մուշտարի քիչ կայ, իսկ կօշիկ՝ շատ. ինչ էլ լինի, նա պէտք է ծախէ, եթէ սովից մեռնել չի ուզում: Եւ ահա գինը մինչև 3 ուրբի է իջնում: Առաջին անգամ, երբ պահանջը մեծ էր և առաջարկը՝ փոքր, մուշտարիները ապրանքը իրարից էին խլում, կամ ինչպէս ասում են, մրցումը մուշտարիների միջեւ էր, և ապրանքի գինը բարձրացաւ: Երկրորդ

անգամ, երբ ընդհակառակը պահանջը փոքր էր և առաջարկը՝ մեծ, մրցումը վաճառողների միջև էր, ուստի և ապրանքի գինը ընկաւ: Երբ կօշիկների գինը բարձրացաւ մինչև 5 ուրբի, աւելացաւ և նրանց արտադրութիւնը. ուրեմն, երբ աւելացաւ պահանջը, աւելացաւ և առաջարկը: Իսկ երբ առաջարկը աւելացաւ, գինը արդէն չէր կարող 5 ուրբու վրայ կանգնած մնալ, որովհետև վաճառողների մրցում առաջացաւ, հետևապէս է գինը ընկաւ: Բայց երբ գինը ընկաւ մինչև 3 ուրբի, այսինքն՝ պահանջը քչացաւ, կրճատուեց և արտադրութիւնը. հետևապէս փոքրացաւ և առաջարկութիւնը, որովհետև մրցում առաջացաւ մուշտարիների միջև, և գինը կրկին բարձրացաւ:

Այդ բոլորը մեզ ցոյց են տալիս պարզապէս, որ մրցումը ապրանքի գինը մօտեցնում է նրա իսկական արժէքին (այսինքն՝ նրա վրայ գործադրած աշխատանքի քանակութեան): Գինը բարձրանալով արժէքից վեր, թուլացնում է վաճառողները մրցումը, իսկ ընկնելով արժէքից վայր, նա առաջացնում է մուշտարիների մրցումը: Մրանից կարելի է հետեցնել, որ եթէ շուկայում պահանջը և առաջարկը հաւասար են, վաճառանոցային գինը հաւասար կը լինի ապրանքի արժէքին: Եթէ շուկայ են բերել այնքան կօշիկ, որքան պէտք է, և եթէ մի զոյգ կօշիկի արժէքը 4 ուրբի է, մուշտարիները կարիք չունեն աւելացնելու գինը, քանի որ կօշիկ բոլորին էլ հերիք կը լինինոյնպէս և վաճառողները կարիք չունեն ապրանքի գինը պակասացնել, ուր ապրանքի պահանջ կայ: Պարզ է, որ մենք այստեղ գործ ունենք հասարակ փոխանակութեան հետ, այնպիսի փոխանակութեան, որ կատարուում է առանց մրցումի ներգործութեան:

Եւ այսպէս, ապրանքների փոխանակութիւնը առաջ է գալիս նրանից, որ մարդիկ առանձին տնտեսութիւններ են պահում. այդ է պատճառը, որ նրանք չեն կարող առաջուց իմանալ ունենալ և պէտք ապրանք և սրբանս՝ սրանից ծագում է պահանջի և առաջարկի անհաւասարութիւնը, իսկ պահանջի և առաջարկի անհաւասարութիւնից առաջ է գալիս մրցում՝ մերթ վաճառողների, մերթ մուշտարիների միջև: Մուշտարիները մրցումը բարձրացնում է ապրանքների գինը, իսկ վաճառող-

ներինը՝ իջեցնում: Առհասարակ, մրցումը ժառանգում է ապրանք-
ների վաճառանոցային գինը նրանց խակական արժեքին, այս-
ինքն ձգտում է հաւասարեցնել պահանջը և առջարկը: Յե-
տոյ մենք կը պարզենք թէ ի՞նչ ազդեցութիւն ունի մրցումը
հասարակական կարգերի վրայ, և ի՞նչպէս շարունակ նա գցում
է բանուորներին սովի, աղքատութեան և զանազան չարիքնե-
րի բերանը...

V

ԱՇԽԱՏԱԻՈՐ ՁԵՌՔԵՐ

Մեր բոլոր զրոյցներում, աշխատանքի փոխանակութեան
մասին, մենք միշտ անում էինք այն ենթադրութիւնը, որ փո-
խանակողները կամ վաճառողները իրանք այդ ապրանքների
արտադրողներն են: Ջուլհակը վաճառում է այն քաթանը, որ
ինքն է գործել իր սեփական դազգահի վրայ իր սեփական թե-
լով: Երկրագործը վաճառում է այն հողից ստացած ցորենը, որ
ինքն է վարել իր սեփական գութանով և ցանել իր սեփական
ցորենով, և այլն: Բայց մի՞թէ այդպէս է իրականութեան մէջ:
Մետաքս, չիթ ու մահուդ վաճառում են գործարանատէրերը
որոնք այդ ապրանքների արտադրութեան համար մատը մատ-
ներին անգամ չեն զարկել:

Յորենը ծախում է կալուածատէրը, որը գուցէ իր աչքե-
րով էլ չի տեսել, թէ ինչպէս է նա բուսել: Ո՞րտեղ են այդ
ապրանքների արտադրողները: Ո՞րտեղ են նրանք, «Աստու
աշխատաւորները», աշխատանքի այդ զինուորները, որոնց ար-
իւնով ու քրտինքով են ներկուած այդ հարստութիւնները:
Այստեղ են նրանք, այստեղ... Առանց նրանց ոչինչ առաջ չի
գնայ շուկայում: Նրանք էլ շուկայ դուրս եկան, բայց բերե-
ցին ոչ այն ապրանքները, որ իրանց ձեռքովն էին շինած, ո-
րովհետև գործարանատէրը և կալուածատէրը վաղուց արդէն
սեփականացրել էին նրանց արտադրած բարիքը... Բանուորնե-
րը վաճառելու էին բերել ուրիշ ապրանք, նրանք շուկայ էին

բերել իրանց «աշխատաւոր ձեռքերը», իրանց ոյժը ծախելու...
Այդ ի՞նչպէս պատահեց, որ բանուորների ձեռքից խլեցին նը-
րանց արտադրած արդիւնքները. ի՞նչպէս պատահեց, որ նրանք
շուկայ են բերում վաճառելու ոչ իրանց արդիւնքները, այլ
«աշխատաւոր ձեռքը»... Բանութեան ու արիւնհեղութեան, սո-
վի ու ստիկալի տառապանքների երկար ու սևումութ ճանա-
պարհով պիտի գնար մարդկութիւնը, որպէս զի այդ կարգերին
հասնէր: Կարգանք մարդկային պատմութեան այդ տխուր է-
ջերը...

Մեր առաջն է երկրագործական մի համայնք: Վաղուց է
արդէն, որ նստած է նա սև հողի վրայ, որը այնքան շատ հաց
է տալիս: Աշխատանքի բաժանումը ապահովում է ամբողջ հա-
մայնքը ամեն տեսակ անհրաժեշտ արդիւնքներով: Նա ստիպ-
ուած է ուրիշ համայնքներից գնել միայն գուցէ երկաթեղէն
ու պղնձեղէն: Ըստ երևոյթին համայնքը ապրում է հաշտ և ու-
րախ: Բայց բանը հէնց նրանումն է, որ բոլոր համայնքների
բաղդն էլ խօսմ այդքան լաւ չէ: Մէկը նստել է ճահճոտ մի
տեղում, աւելի լաւը չըգտնելով,—իսկ մի ուրիշը բնակութիւն
է հաստատել կուսական անտառում: Ինչ ասել կուզի, որ սրանց
ցանքը վատ է լինում, մինչդեռ ազգաբնակութիւնը շատանում
է տարեց-տարի: Գուցէ կարելի լինէր որ և է արհեստով պա-
րապել—գարբնութեամբ կամ մի ուրիշ յարմար արհեստով. սա-
սակայն այն հեռու ժամանակներում, ինչպէս և այժմ, ուրիշի
աշխատանքով ապրել ցանկացողներ շատ կային: Ով համարձակ
էր, նա միշտ հոտաւութեամբ էր խմանում, թէ սրտեղից կարե-
լի է օգտուել,—և այն ժամանակ վայ թոյլին: Դիցուք, որ և է
անտառային համայնքնի անդամները հացի և ուրիշ արդիւնք-
ների սաստիկ կարիք են զգում: Ի՞նչ անեն:

Սաղաղ բնաւորութեան տէր մարդիկ կասեն. «Տղերք, ան-
տառում թմբի ծառ շատ կայ. արիք, պոկենք կեղևը և չարուխ
ու խսիր գործենք, իսկ բնափայտից շինենք ամաններ, գղալ-
ներ, փեթակներ և այդ բոլորը փոխենք հարուստ համայնքում՝
հացի հետ»: Բայց արեւ գործելը ամենքի էլ դուրը չի կարող

գալ. կը գտնուեն շատերը, որոնք կուզեն ուրիշ կերպ ձեռք բերել հարկաւոր բարիքը: Եւ ահա ամենից խիզախն ու համարձակը վեր է ցատկուում և ասում. «Անտաշ գիւղացիք, ահա թէ ինչ. շատ արդեօք օգուտ կարող էք դուք ստանալ կեղեկից: Գուք ուզում էք հալալ աշխատանքով ամեն ինչ ձեռք բերել. բայց այդպէս ապրելով, դուք կարող էք սովից սատկել, էս աշխարհի լաւի համն էլ չտեսած: Տղերք, մենք ոյժ շատ ունենք, արիք գնան պատերազմի այդ հարուստ համայնքի դէմ և մի տարուայ պաշար խլենք բերենք: Իսկ ով կհոջ պէս վախկոտ է, թող նա տանը նստի, կեղև պոկի ու արեխ գործէ»:

Այս խօսքերը դուր եկան մեր անտառի բնակիչներին, և նրանք վճռեցին պատերազմի գնալ այս խիզախի յետևից: Փող են փչում և հաւաքուում են արշաւանքի համար. պայթում է չարիքը երկրագործական համայնքի գլխին: Նա լսեց անսպասելի հիւրերի գալուստը և դառն արցունքով պատրաստուեց բնգունել մահը, պաշտպանելով իր հայրենի հողը: Թշնամիները յարձակում գործեցին, և սկսուեց մահու կռիւը: Երկար ու կատաղի կռիւ էր այդ, բայց վերջ ի վերջոյ անտառի բնակիչները յաղթեցին, որովհետև նրանք և, թուով աւելի շատ էին, և՛ աւելի կատաղած էին սովից: Երկրագործներից շատերը սպանուեցին, շատերն էլ անտառ փախան: Իսկ յաղթողները վերցրին համայնքի ամբողջ բարիքը, վերցրին հետները կանանց ու երեխաներին և հարուստ աւարով տուն վերադարձան: Այն խիզախը, որը բոլորին պատերազմի տարաւ, կուում էր թշնամու հետ շատ քաջ, շատերին էլ միւս աշխարհը ուղարկեց: Այդ բանի համար իւր ընկերները կողմից նա պատուի ու յարգանքի արժանացաւ և աւարի բաւական մեծ մասը ստացաւ:

Նոր արհեստը անտառաբնակներին դուր եկաւ: Ոչ վարել, ոչ ցանել, — իսկ բարիքը միշտ կայ ու կայ... Երբ նրանք իրանց պաշարը պարպեցին, նորից պատրաստուեցան արշաւանքի գնալու: Այս անգամ էլ իրանց զօրավար ընտրեցին նրան, որը այնքան յաջող ու ճարպիկ կերպով առաջին անգամը գործը գլուխ բերեց: Այս անգամ էլ անտառի բնակիչների արշաւանքը յաջողութեամբ աւարտուեց և շնորհիւ զօրավարի խորամանկութեան, ճարպիկութեան ու քաջութեան, նրանք տուն վե-

րադարձան կրկին մեծ աւարով: Առաջնորդ զօրավարը այս անգամ աւելի մեծ բաժին ստացաւ և աւելի մեծ պատուի ու յարգանքի արժանացաւ: Կամաց-կամաց նա հրամանատար և կառավարիչ դարձաւ ոչ միայն պատերազմի, այլ նա և խաղաղ ժամանակ:

Ամեն մի կուից յետոյ զօրավարի մօտ մնում էր մեծ աւար. նա հաւաքում էր մտերիմ գլխուոր-ընկերներին, ռազմիկներին, և ուսնցնում, խմեցնում ու հագցնում էր նրանց իր հաշուով, — իսկ ռազմիկները նրան ի հարկէ հնազանդում էին միշտ կուրօրէն: Այդ ռազմիկները վրայ յենուած՝ զօրավարը ահագին իշխանութիւն էր ձեռք բերում համայնականների վրայ: «Հնազանդուեցէք ինձ ձեր բարի կամքով, թէ չէ վաճը եկել տարել է ձեզ» ասում է նա նրանց: Եւ ով մեղք է գործել զօրավարի առաջ, ռազմիկները խսեցն և եթ այդ մարդուն խելքի են բերում: Զօրավարը սկսում է իր ձեռքի տակ պահել ամբողջ համայնքը, ամեն բանի վրայ իր թաթն է դնում:

Ահա այսպիսի ձևով է, որ մեծ մասամբ ծագում է հասարակական իշխանութիւնը: Զօրավարների մէջ ով ամենից ուժեղն է, նա իր իշխանութեան տակ հաւաքած է շատ համայնքներ, կազմում է մեծ ռազմիկների խումբ և գնում է պաշար ձարելու: Ոչ մի երկրագործական համայնք չի կարող նրան դիմադրել, և որտեղ նա երևաց, այնտեղ տիրում է լացն ու աւեր: Աղէկտուր լալիս են գիւղացիները: Կարիքը, ասում են, շատ բան կը սովորեցնի: Երկար մտածելուց յետոյ գիւղացիները հետևեալ վճիռը կայացրին: Դաժան զօրավարի մօտ նրանք ուղարկում են դեսպաններ հետևեալ առաջարկութիւնը անելու. «Քաջ զօրավար, փոխանակ մեզ կողոպտելու, քարուքանդ անելու և կեանքից զրկելու, աւելի լաւ չի լինի, եթէ դու մեզանից տարեկան որոշ հարկ վերցնես: Վերցրու ինչքան ուզում ես, միայն թէ մեզ ձեռք մի տայ: Ախր քեզ համար էլ այդ աւելի ձեռնասու է, այժմ միանգամից դու կաւերես մեր տունն ու տեղը և էլ ոչինչ չես թողնի, որ կարողանաս առնել, իսկ եթէ մեր ասածի պէս վարուես՝ այն ժամանակ ամեն տարի քո հարկը կը ստանաս: Մենք կը լինենք քո հլու հպատակները»:

Զօրավարը տեսնում է, որ գիւղացիք իրաւ խելօք ու

շատ ձեռնտու բան են ասում. բայց բնաւ ցոյց չըտալով, որ հասկանում է, խրոխտ ձայնով պատասխանում է: «Թէև ձեզ, անպիտաններ, պէտք էր ոչնչացնել, որպէս զի ձեր շունչն անգաթի կտրէր աշխարհիցս, բայց իմ անսահման բարեհոգութեան շնորհիւ ես ձեզ խնայում եմ. այսուհետեւ ես էլ չեմ կողոպտի ու քարուքանդ անի ձեր տունն ու տեղը, իսկ դուք դրա փոխարէն ինձ մեծ հարկ պիտի տաք: Բայց չըմոռանաք, որ դուք իմ հլու ծառաներն էք,—կուզենամ՝ կըխնայեմ, կուզենամ՝ միւս աշխարհը կուղարկեմ»: Գիւղացիք զլուխ տուին և ուրախացած տուն վերադարձան:

Այսուհետեւ զօրապետի համար սկսուեց մի անընդհատ բարեկենդան, կերուխում (նա հրամայեց արգէն իրան իշխան անուանել): Իր խմբի հետ նա ման է գալիս մի համայրից միւսը, հարկ է հաւաքում և մեղր ու կարագի մէջ լրդում: Ամեն տեղ ընդունում են նրան մեծ պատուով ու շուքով, որ անում են բոլորը վախից. և իշխանը կամաց-կամաց մոռանում է, որ ինքն էլ նոյնպիսի մարդ արարած է, ինչպէս բոլորը: Նա մոռանում է, թէ ինչ ձևով նա ստացաւ իր իշխանութիւնը. նա հրամայում է իր հպատակներին հաւատալ, որ նա իր իշխանութիւնը ոչ թէ պատերազմի միջոցով և բռնութեամբ է ձեռք բերել, այլ Աստծուց: Նա պահանջում է բոլորից անպայման հնազանդութիւն և միամտօրէն կարծում է, թէ երկերն ու մարդիկ իրանց գոյքով միասին նրա սեփականութիւնն են կազմում,— և նա իրաւունք ունի վարուելու այդ բոլորի հետ, ինչպէս որ իր քէֆն է թելադրում:

Մօտաւորսպէս հազար տարի առաջ Ռուսաստանում շատ կային այդպիսի իշխաններ, որոնք ժողովրդի վզին ահագին հարկեր էին գնում և նրա տունը աւերում: Նուաճելով մի քանի համայնքներ՝ ամեն մի իշխան կազմում էր նրանցից իր իշխանութիւնը: Բայց շուտով Ռուսաստանում իշխանները զգացին, որ երկիրը նեղ է իրենց համար. սկսեցին իրար հետ կռուել: Նրանք կողոպտում և աւերում էին փոխադարձաբար միմիանց իշխանութիւնները, դաւաճանութեամբ սպանում էին իրանց թշնամիներին, մի խօսքով՝ նրանցից ամեն մէկը ոչինչ չէր խնայում միւսներին ոչնչացնելու և այն ժամանակի հա-



մայն Ռուսաստանի տէրը պատնալու համար: 400 տարուց աւելի կուում էին նրանք միմիանց հետ: Ժողովրդի արիւնը հոսում էր գետերով, մարդիկ փախչում էին աշխարհի չորս կողմը այդ անընդհատ աւերումներից: Վերջ է վերջոյ իշխաններից մէկին յաջողուեց միւս բոլորի իշխանութիւնները վրայ տէր դառնալ. մէկին սպանեց, միւսին քստր ուղարկեց, իսկ ինքը դարցաւ թագաւոր: Հէնց այդ ժամանակից սկիզբն առաւ Մոսկուայի պետութիւնը: Մոսկուայի թագաւորը իր սեփականութիւնն էր հաշուում ողոս ժողովուրդը իր ամբողջ երկրի հետ, որի վրայ ապրում էր վերջինս և որը նա իր արիւն ու քրտինքով մշակում էր: Իեւ հին ժամանակներից իշխանները սովորութիւն էին դարձրել ամբողջ համայնքներ իրանց ռազմիկներին բաժին տալ՝ վերջիններին հաւատարիմ ծառայութեան համար: Ընծայուած համայնքները իրանց նոր տէրերին հարկ պիտի տային. իսկ տէրերը իրանց կողմից արգէն պարտաւոր էին հարկ տալ իշխանին: Ինչ ասել կուզէ, որ հարկերը աւելի ծանր դարձան: Երբ ստեղծեց Մոսկուայի պետութիւնը, Մոսկուայի թագաւորը նախկին իշխանների նման շարունակում էր իր նախարարներին ու պալատականներին համայնքներ բաժանել նրանց հաւատարիմ հպատակութեան համար: Նախարարները դրա փոխարէն պարտաւոր էին պատերազմի ժամանակ իրանց կալւածներից զինուորները որոշ քանակութիւն դուրս բերել և հարկեր վճարել պետական գանձարանին, նախարարները և ուրիշ ազաները, ի հարկէ, աշխատում էին իրանց գիւղացիներից որքան կարելի է շատ եկամուտ ստանալ և չսփազանց կեղեքում էին նրանց:

Այն բոլոր գիւղական համայնքները, որոնք նախարարների ու զանազան ազաների ձեռքում չէին, կազմում էին թագաւորի սեփականութիւնը, որ կառավարում էին նրա գործակատարները: Եւ որովհետեւ գիւղացիները ազաների ձեռքից սաստիկ ծանր զրկանքներ էին կրում, սկսեցին նրանք փախչել իրանց նախկին տեղերից և նորերը վնասել, որտեղ ոչ ազաներ, ոչ էլ թագաւորի վարձկաններ կային: Նախարարների և ազաների համայնքները սկսեցին դատարկուել. այդ բանը ի հարկէ ազաներին դուր չեկաւ, և նրանք սկսեցին գան-

գատուել թագաւորն, որ ժողովուրդը հողի վրայից փախչում է, և այդ պատճառով նրանք չեն կարող իրանց պետական ծառայութիւնը կատարել: Թագաւորները լսեցին նախարարների աղերսանքները և կամաց-կամաց սկսեցին սահմանափակել գիւղացիների կամքը և իրաւունքը մի համայնքից միւսը տեղափոխուելու վերաբերմամբ: Սկզբում ինչլ տուին նրանց աւրուայ մէջ միայն երկու անգամ անդափութել,— իսկ յետոյ թագաւորներից մէկը բոլորովին վերջ գրեց գիւղացիների ազատութեան և առհիշա կպցրեց նրանց իրանց հողին, Գիւղացիները հոգով և ժարմնով ընկան կալւածատէրերի իշխանութեան տակ: 300 տարի տեւց ժողովրդի ճորտութիւնը. աւելորդ է յիշել անգամ թէ ինչպիսի տառապանքներ, ցաւ ու վիրաւորանքներ կրեց ժողովուրդը կալւածատէրերից՝ այդ ճորտատիրութեան ընթացքում. այդ բոլորը ամեն մի ազնիւ ոռումարդու սրտում պիտի գրւած լինի արիւնոտ ու բոցեղէն տաւերով:

Շատ անգամներ է ապստամբել ամբողջ ժողովուրդը իր հարստահարիչների դէմ: Բայց համերաշխ չէր գործում, և հարստահարիչները յաղթող հանգիստացան: Նրանք թափեցին գիւղացիների արեան մի ամբողջ ձով և նրա մէջ խնդրեցին գիւղական ապստամբութիւնը: 1861 թ. կատարուեց գիւղացիների ազատութիւնը ճորտային լուծից: Ճանաչեցին, որ գիւղացիները տգատ մարդիկ են, որ թէ աստուածային և թէ մարդկային օրէնքներին հակառակ էր պահել նրանց այդքան ժամանակ ճորտութեան մէջ, նմանեցնելով նրանց անասունների, որոնց հետ կարելի էր անել ինչ կուգիս: Տօն էր ամբողջ Ռուսաստանի համար: Չէ որ գիւղացիներին շնորհուեց ազատութիւն, որից նրանք այնքան ժամանակ անիրաւացի կերպով զրկւած էին: Գովում ու փառաբանում էին ապստարար թագաւորին, որ նա վերադարձրեց գիւղացիներին նրանց նախկին ազատութիւնը:

Բայց հողը ինչ եղաւ ուր մնաց... Այն հողը, որ ժողովուրդը ամբողջ հազար տարի ողողել էր իր արիւն-քրտինքով. այն հողը, որ դարերից ի վեր գիւղացիների սեփականութիւնն էր և պէտք է լինէր: Ազատեցին արգեօք հողը կալու-

ածատէրների ձեռքից և տւին այն գիւղացիներին: Ո՛չ: Հողը ճանաչուեց կալուածատէրերի սեփականութիւն և միայն իրաւունք արուեց յետ գնել նրան. Գոնէ ամբողջ հողը, որ գիւղացիները մշակում էին, տային նրանց յետ գնելու: Բայց ինչից ստիպուած այդպէս պիտի անէին. չէ որ այդ այնքան էլ ձեռնտու չէր կալուածատէրերին: Գործը աւելի ճարպիկ կերպով գլուխ բերին: Կալուածատէրերը թողին գիւղացիներին ամենալատ հողերը, ստիպեցին նրանց յետ գնել այդ հողերը, իսկ իրանց համար թողին ամենալաւը:

Գիւղացիների հողաբաժինները այնպէս էին բաշխուել, որ նրանք ոչինչ էլ չէին կարող անել այդ հողերի վրայ, որովհետև հողաբաժինները փոքր էին և գիւղացիները ստիպուած եղան էլի նոյն աղաներից հող կապալով վերցնել: Իրօք, ինչ կարող էր անել գիւղացին Չ գեսեստին հողի վրայ, երբ վերջինս երբեմն նոյնիսկ մի տեղում էլ չէր գտնուում, այլ մաս-մաս էր արուած: Շնորհիւ ազգաբնակչութեան աճման՝ գիւղացիների հողաբաժինները աւելի փոքրացան: Իսկ որովհետև վճարումները անհամեմատ մեծ էին, այլևս ձեռնտու չէր հող պահելը: Ինչ որ գիւղացին իր հողաբաժնից էր ստանում, ընկնում է գանձարանը, իսկ նա ինքը սովին էր մատնուած: Եւ անա նորից ինչպէս և առաջ ժողովուրդը ստիպուած է փախչել իր հողի վրայից, որը իւրացնում են գանազան վաշխատուներն ու մարգակերները: Բայց ինչով պարապեն նրանք, որոնք թողին իրանց հողը: Ազատ հողեր էլ չըկան, որ նրանք առաջւայ պէս գիւղական համայնքներ կազմեն: Ո՛ւր փախչեն խեղճերը կալուածատէր ազաների ձեռքից:

Այն հող գիւղացիները ուզին-չուզեն նորէն պիտի հողատէր ազաների ճորտը դառնան, կամ, եթէ բողոքերը բերեց, որ և է գործարան մտնեն: Սով-թագաւորի սարսափելի ուրուականը անհող գիւղացու զլխին է կանգնած, նա հալածում է նրան և գցում կալուածատիրոջ կամ գործարանատիրոջ թափի մէջ, աղաների, որոնք հէնց դրան էլ սպասում են: Ընկնելով աղայի ձեռքը, գիւղացին մշակում է իր պապական հողը նոյն նահապետական գութանով: Սակայն ճորտի աշխատանքի արդիւնքը ընկնում է ոչ իր՝ ճորտի ձեռքը, այլ կալուածատէր աղայի ամ-

բարը: Ճորտը ստանում է միայն սղորմելի աշխատավարձ, որով հազիւ նա կարողանում է իր գլուխը և իր ընտանիքը պահել: Ահա թէ ինչու շուկայում կալուածատէրը ծախում է այն ցորենը, որը ուրիշների աշխատանքի արդիւնք է, իսկ ճորտ հողագործը ծախում է նոյն կալուածատիրոջ «իր ձեռքերը», որոնք այնքան ցորեն են ցանում նոյն կալուածատիրոջ համար...

Մենք տեսանք, թէ ի՞նչպէս արտադրող-երկրագործը հողատիրոջ համար «աշխատաւոր ձեռքեր» դարձաւ: Այժմ տեսնենք, թէ ո՞ր մնաց արտադրող-արհեստաւորը:

Հին ժամանակներում փոքրիկ համայնքի զբուծիչներ բաւական ծանր էր: Այսպէս թէ այնպէս նա կարող էր մի կերպ իր ապրուստը հայթայթել: Իսկ կեանքի ապահովութեան կողմից նրա կացութիւնը վատ էր: Յաճախ թշնամին յայթում էր նրան և մեծամեծ վնասներ հասցնում: Այդպիսի յարձակումներից քիչ-շատ ապահովուած լինելու համար, փոքր համայնքները ստիպուած էին աշխատակցութեան դիմել, ինչպէս մի ժամանակ վայրենիները: Աշխատակցութիւնը միացնում էր վայրենիներին՝ համայնքների, իսկ այժմ միացնում է մի քանի փոքր համայնքներ ի մի մեծ համայնք, որ կազմուծ է քաղաք: Երբ բնակիչները շատ են, ի հարկէ, աւելի հեշտ է պաշտպանուել թշնամիների դէմ, քան երբ համայնքները առանձին են ապրում:

Քաղաքի շուրջը կազմուծ են արուարձաններ, փոքր համայնքներ, որոնց բնակիչները վտանգի ժամանակ ապաստան են գտնում քաղաքում: Աշխատանքի բաժանումը համայնքերում առաջ է բերում արհեստաւորների՝ կոշկակարների, դերձակների, դարբինների և այլոց երևան գալը: Բայց փոքր համայնքներում արհեստաւորների թիւը կամայ-ակամայ սահմանափակ է լինելու: Եթէ, դիցուք, համայնքի համար մի դարբինն էլ բաւական է, այդ դէպքում իւրաքանչիւր աւելորդ դարբին ստիպուած է հեռանալ համայնքից կամ մի ուրիշ արհեստով պարտապի:

Այդպէս չէ քաղաքում. այստեղ բնակիչներ էլ շատ կան և շրջակայ համայնքներից էլ գալիս են քաղաքի շուկան իրանց ապրանքները փոխանակելու համար: Այստեղ արդէն ամեն տեսակ արհեստաւորի ապրանքների մեծ պահանջ կայ, այս է պատ-

ճառը, որ բոլոր արհեստաւորներն էլ քաղաքում ապրել են ձգտում, և միայն քաղաքումն է, որ ծագելու են ամեն տեսակ արհեստագիտական արտադրութիւններ: Իւրաքանչիւր արհեստաւոր պէտք է ունենայ այն բոլոր գործիքները, որոնք անհրաժեշտ են նրա աշխատանքի համար. նա պէտք է այնքան փող ունենայ, որ կարողանայ իր արդիւնքի համար հարկաւոր նիւթերը գնել,—մի խօսքով, նա պէտք է ունենայ այն, ինչ արդիւնաբերութեան միջոցներ են անուանում:

Դիցուք, քաղաք եկաւ մի փոկանագործ. նա ունի հարկաւոր բոլոր գործիքները, իսկոյն սարքում է իր արհեստանոցը և սկսում է աշխատել: Նա վատ աշխատուոր չէ, և ապրում է բաւական լաւ: Բայց ահա նրա հետ զժբաղդութիւն է պատահում. նա սայթաքեց, ընկաւ և ոտը կոտրեց: Աշխատելու հնար չըկայ այլևս, սակայն պէտք է ապրել, թէ չէ: Սկզբում նա ուտում վերջացնում է իր՝ սե օրի համար պահածը, բայց աշխատել դեռ անկարող է: Ի՞նչ անի խեղճը. ճարահատեալ սկսում է իր գործիքներ ծախել: Ճիշտ է, սրտի խորը կեկիծով է նա բաժանուում նրանցից բայց ի՞նչ արած—ուրիշ ելք չըկայ: Մի քանի ամիս պառկած մնալուց յետոյ՝ նա վերջապէս վեր կացաւ, բայց գործիքների հետքն անգամ չէր մնացել, Մեր փականագործը գնում է իր հարևան փականագործի մօտ, որպէս զի նրանից ժամանակաւորապէս գործիքներ վերցնի և որ և է աշխտանքը խնդրի, որովհետև նա միշտ շատ պատուէրներ է ունենում: Դժբաղդաբար այդ հարևանը «խելքը գլխին» մարդ էր և իսկոյն հասկացաւ, թէ բանը ինչու մն է: «Ոչ, սիրելիս, ասում է նա խեղճ փականագործին, «ես քեզ գործիքներ չեմ կարող տալ, այլ աւելի լաւ է այսպէս անենք,—ես պատուէրները շատ ունիմ, եթէ ուզում ես, կանգնիր տյստեղ ու աշխատիր: Ես քեզ կը վճարեմ, ինչքան հարկաւոր է, բայց պատրաստածդ ապրանքը իմը կըլինի»: Շատ լաւ հասկացաւ մեր փականագործը թէ ի՞նչն էր «խելքը գլխին» մարդու ասածը, բայց ի՞նչ պիտի անէր—խօսմ կորչելու չէր:

Եւ սկսում է աշխատել մեր բարեկամը իր ճարպիկ հարևանի արհեստանոցում: «Սեղքը գլխին» մարդը իզուր չարեց այդ ամբողջ միջոցաւորութիւնը. նա իր աշխատաւորից օգուտ

էր ստանում, և, ինչպէս ասում են, համը բերանը մնաց: Եւ նա սկսում է փնտրել գործիքներից զուրկ փականագործներին և նրանց իր մօտը քաշել: Ինչ ասել կուզէ, որ այդպիսիները միշտ գտնուում են, որովհետեւ միթէ քիչ են դէպքերը, երբ արհեստաւոր մարդը փողոց է շարաւում... Մէկը հրդեհի դո՛հ դարձաւ և «չփլախ» մնաց, միւսը իշխանի աւերած համայնքից փախու, և այլն: Եւ «խելքը գլխին» փականագործը այդ բոլորին էլ իր մօտ է հաւաքում և աշխատանք տալիս. նա լայնացնում է իր արհեստանոցը, աւելացնում է գործիքների թիւը, — և աշխատանքը ետում է նրա մօտ: Վաղուց է արդէն, որ նա ինքը թողել է աշխատելը, որովհետեւ ժամանակ չըկայ զրա համար, — չէ՞ որ արհեստանոցը պիտի կառավարէ: Նա դիտէ, որ այդ արհեստանոցին «մանուֆակտուրայ» անունը պիտի կպցնել, և հրամայում է իր ապրանքների վրայ դրօշմել, դիցուք, Պետրոս Մարկոսեանի մանուֆակտուրա» կնիքը:

Մանուֆակտուրան ապրանքների արտադրութեան այն ձևն է, երբ որոշ թիւ աշխատաւոր արհեստաւորներ մանուֆակտուրայի տիրոջ արհեստանոցում արտադրում են ապրանքների՝ տիրոջ գործիքներով և տիրոջ տուած նիւթերից, երբ նըրանց աշխատանքի արդիւնքը լիովին տիրոջ գրպանն է մըտնում, իսկ արհեստաւորները աշխատավարձ են ստանում:

Մանուֆակտուրայի տէրը արդէն կապիտալիստ է (կապիտալ խօսքից: որ նշանակւում է առօրեայ լեզուում զրամագլուխ, իսկ տնտեսագիտութեան մէջ առանձին և շատ որոշ նըրշանակութիւն ունի): Նա ծախսում է կապիտալ, վարձում է արհեստանոց, գնում է նիւթեր ու գործիքներ, որպէս զի ուրիշի աշխատանքի միջոցով ստանայ աւելի շատ կապիտալ, աւելի մեծ օգուտ:

Արհեստային աշխատանքն այն բոլոր շըջաններում, որ տեղ թանգ գործիքներ են պէտք (փականագործի, զարբնի և այլոց համար), առաջ է գալիս մանուֆակտուրան, որովհետեւ ամեն տեղ էլ կը գտնուեն բաւականաչափ «խելքները գլխին» մարդիկ, որոնք միշտ պատրաստ կլինեն դժբաղդութեան ժամանակ իրանց մերձաւորի տրիւն-բրտինքը քամել:

Մանաւանդ շատ են դուրս գալիս այդպիսի խելքները

գլխներին» մարդիկ չարչիների և վաճառականների միջից: Միայն արհեստաւորների չնչին մասը կարող է պատուիրատուների համար աշխատել: Առհասարակ լինում է այնպէս, որ այսօր ոչինչ պատուէր չունես ու ձեռքերդ ծալած պիտի նըստես ու սպասես, իսկ վաղը մէկ էլ տեսար եկան, — հացը լաւ է բուսել հարեան գիւղերում, գիւղացիների ձեռքը աւելորդ կոպէկ ընկաւ և նրանք ուզում են տրեխների և պատառոտած ոտնամանների տեղ կօշիկներ գնել: Ուրեմն եթէ չես ուզում տարուայ մի մասը ձեռներդ ծալած նստել, և ուզում ես հարկաւոր դէպքում պատրաստի ապրանք ունենալ, — չպէտք է պատուէրների սպասես, այլ անդադար պիտի աշխատես վաճառքի համար:

Նախօրօք ծախու համար ապրանք պատրաստելու այս ձևը կոչւում է անայնագործութիւն, որը զանազանւում է սովորական արհեստից նրանով, որ այստեղ ապրանքը պատրաստւում է առանց պատուիրոգների: Միջին Ռուսաստանի նահանգներում կան շատ գիւղեր, որոնք ամբողջապէս անայնագործութեամբ են պարապում: Մի գիւղի բնակիչները գամեր շինողներ են, միւսինը՝ հիւսններ, երրորդինը՝ կօշիկարներ և այլն: Նախօրօք պատրաստում են ահագին քանակութեամբ ապրանքներ և յետոյ գնաւզան շուկաներում և տօնավաճառներում ծախում են: Իսկ որովհետեւ ապրանք ծախելը գլուխ ցաւեցնող մի գործ է, որ հմտութիւն և շըջանառութեան մէջ գտնուող զրամագլուխ է պահանջում, — անայնագործները զանազան չարչի — ճիւղների ձեռքն են ընկնում: Վերջիններս ընդունում են անայնագործներից պատրաստի ապրանքը, վըճարում են փողը և երբմն նոյնիսկ ապագայում պատրաստուելիք ապրանքի համար «բէհ» (զրաւ) են տալիս: Իրա փոխարէն անայնագործը աշխատում է չարչու համար ճիշդ այնպէս, ինչպէս քաղաքի բանուորը գործարանատիրոջ համար:

Միայն անունով է անայնագործը իր գլխի տէրը, բայց իրօք նա այնքան է ստրկացած, որ առանց չարչու մի քայլ անգամ չի կարող անել: Ամբողջ առևտուրը չարչիների ձեռքում է գտնուում, չարչիները բէհ են տալիս աշխատանքի համար, նրանք տալիս են անայնագործին յաճախ և նիւթեր: Ա-

դա-չարչուն նեղացնելը մեծ անբաղդութիւն է. նա կարող է այլևս չընդունել քո ապրանքը և կըթողնէ, որ դու սաստիկս սովից: Պարզ է, որ ամբողջ օգուտը վաշխառու վաճառականի ջերն է մանուկ, իսկ տնայնագործի բաղդը ստրկական աշխատանքը և աղքատութիւնն է միայն: Վատ է գիւղական տնայնագործների կացութիւնը, բայց նախանձելի չէ և քաղաքի արհեստաւորների վիճակը: Այստեղ նրանց ստրկացնում են պատրաստի ապրանքների խանութներն և կապալառուները:

Ճարպիկի մէկը ինքը մի հատ կօշիկ անգամ կարել չըզիտէ, բայց քաղաքային խորհուրդից կամ ինտենդանտային վարչութիւնից հազարաւոր կօշիկների պատուէր է վերցնում, գրաւ է տալիս,— իսկ ամբողջ աշխատանքը կօշկակարների միջև է բաժանում: Մտաւ մասին չըզարկած, նա ստանում իւրաքանչիւրի կօշիկից բաւական օգուտ, և նոյնիսկ իր գլուխն էլ գովում է. «Նս, ասում է նա պարծենկոտութեամբ, ձեր բարեբարն եմ, ես ձեզ աշխատանք եմ տալիս. առանց ինձ դուք սովից կը սատկէք»: Իսկ կօշիկների խանութը յայտարարութիւն է անում, որ պատուէրներ է ընդունում. և սակայն նոյնպէս վարձովի կօշկակարների մէջ է բաժանում ստացած պատուէրները: Այսպէս ամեն տեղ անկախ արհեստաւորը ընկնում է իր հարեան արհեստաւորի լուծի տակ: Մա էլ երեկ գուցէ նրա նման հասարակ մշակ էր և մէջքը երկուտակ արած անդադար աշխատում էր, բայց այժմ որքան հետու են նրանք միմիանցից իրանց դիրքով: Ի՞նչպէս նա սովորեց ուրիշի աշխատանքով ապրել, ի՞նչպէս նա իր ձեռքի տակ հաւաքեց իր հոբբայր-արհեստաւորներին և ստիպեց նրանց իր համար աշխատել...

Վերազանանք մեր «խելքը գլխին» փականագործին, որը իր համար մանուֆակտուրայ բացեց: Նրա գործերը լաւ են գնում, Շնորհիւ «հալալ» աշխատանքին նրա փորը զգալի կերպով հաստացաւ, նա ինքը պատկառել և վայելուչ կերպարանք ստացաւ, և այժմ նրա անունը «Մարկոս աղա» է: Նա շուտ-շուտ է յաճախում Աստու տաճարը, սրբերի առաջ փթանոց մոմեր է վառում, և այդ բոլորը անում է իբրև շնորհակալութիւն այն բանի համար, որ այդ սրբերը ողորմած են դէպի

նա և պարգևում են նրանց՝ անարժանին՝ հարստութիւն. իսկ այն, որ նրա մօտ աշխատող բանւորները անիծում են այն օրն ու ժամը, Երբ նա լոյս աշխարհ է եկել, այն որ նրանք աշխատելուց ուժասպառ են լինում և սովից քիչ է մնում մեռնեն, — այդ բոլորը ոչինչ... Չէ՞ նրանք հարիւրապատիկ կը վարձատրուեն միւս աշխարհում...

Այժմ նայենք, թէ ի՞նչպէս պիտի ազդէր մեր «խելքը գլխին» մարդու մանուֆակտուրան առանձին աշխատող ինքնուրոյն փականագործների վրայ: «Սեղը գլխին» փականագործի մանուֆակտուրայում աշխատում են, դիցուք, 10 մարդ: Նրանց բոլորի համար նա պահում է մի արհեստանոց: Իսկ անկախ փականագործները ստիպուած են ամեն մէկը իր համար մի առանձին արհեստանոց ունենալ: 10 փականագործները աշխատում են մի արհեստանոցում, իսկ 10 անկախ փականագործները 10 հատ արհեստանոց պիտի պահեն:

Ուրեմն մանուֆակտուրայի տէրը անկախ փականագործների հետ համեմատած ունի այն առաւելութիւնը, որ շահում է արհեստանոցի վարձ, վտակիքի և լուսաւութեան մէջ: Բայց այդքան դեռ բոլորը չէ: Իւրաքանչիւր ազատ փականագործ, եթէ ուզում է կարգին աշխատել, պէտք է իր արհեստի համար հարկաւոր բոլոր գործիքները ունենայ, չը նայելով, որ նրա գործիքների մի մասը միշտ առանց գործադրութեան է մնում. եթէ, դիցուք, նա բանում է դնդանի վրայ, խարտոցները նրան պէտք չեն: Ուրեմն գործիքների մէջ էլ մանուֆակտուրայի տէրը բաւական օգուտում է՝ համեմատելով առանձին փականագործների հետ: Մանուֆակտուրայում մէկը մի բան է անում, միւսը՝ ուրիշ. այդպիսով՝ այդտեղ գործիքներն էլ պարապ չեն մնում. Այս նշանակում է, որ գործիքների վերարբերմամբ էլ մանուֆակտուրայի տէրը առաւելութիւններ ունի՝ անկախ արհեստաւորի հետ համեմատելով: Բայց այդ էլ դեռ բոլորը չէ: Փականագործը, որ կողպէքներ է շինում մենակ իր արհեստանոցում, ինքը պէտք է կոճ-կոփէ կողպէքի մասերը, յետոյ էլ ինքը պէտք է դրստէ ու մաքրէ վերջացնէ, և վերջապէս ինքը պիտի ի մի հաւաքէ կողպէքի մասերը: Այդ պատճառով նա ստիպուած է մի գործիքից միւս դիմել և

կողմը անդ ժամանակ կորցնել: Եթէ մարդ մի գործիքով է աշխատում, նա կարող է շատ աւելի արագ ու լաւ աշխատել, քան եթէ մարդ ստիպուած է յաճախ փոխել իր գործիքները, որովհետեւ ամեն մի գործիքի «սամթը» պէտք է առնել,—մի բան, որ ամեն անգամ շատ ժամանակ է խլում: «Խելքը գլխին» փականագործը տեսնում է, որ մի գործիքից միւսին անցնելը ունի շատ մեծ անյարմարութիւններ. և նա մտցնում է իր մանուֆակտուրայի մէջ աւելի օգտակար կարգ. «Բաւական է, որ քան դուք դարձանոցից արհեստանոց գնացիք եկաք», ասում է նա իր աշխատաւորներին, «թող ձեզանից երկուսը դարբնոցում կողպէքների մասերը կռեն, հինգը թող այդ մասերը զբտտեն ու սարքեն, իսկ երկուսը թող մասերը ի մի հաւաքեն»: Ուրիշ խօսքով, իր մանուֆակտուրայի մէջ նա մտցնում է ածխասնկի բաժանում:

Աշխատանքի բաժանման ժամանակ համայնքում իւրաքանչիւր մարդ մի ուր և է արդիւնք է արտադրում. այս ձևը կոչւում է աշխատանքի հասարակական բաժանում: Աշխատանքի մանուֆակտուրային բաժանման ժամանակ իւրաքանչիւր բանուոր արտադրում է ոչ ամբողջ արդիւնքը, այլ արդիւնքի միայն մի մասը, Պարզ է, որ աշխատանքի մանուֆակտուրային բաժանումը աշխատանքը աւելի արդիւնատու է դարձնում, քան հասարակական բաժանումը: Նախ, որ իւրաքանչիւր բանուոր մի գործիքից միւսին անցնելու համար ժամանակ չի կորցնում, և երկրորդ՝ շարունակ մի գործիքի վրայ աշխատելով, բանուորը նրա «սամթն» է առնում և աւելի արագ է աշխատում, քան եթէ նա յաճախ փոխէր գործիքները:

Աշխատանքի մանուֆակտուրային բաժանման հէնց այդ առաւելութիւններից և շահաւէտութիւնից զուրկ են աշխատող փականագործները: Եւ այդ է պատճառը, որ նրանց աշխատանքը մանուֆակտուրային աշխատանքի հետ համեմատած աւելի քիչ արդիւնատէտ է: 10 ազատ փականագործներ եթէ իւրաքանչիւրը օրական 5 կողպէք շինի, միասին 50 կողպէք կը պատրաստեն,—իսկ 10 մանուֆակտուրային փականագործներ, որոնք միասին են աշխատում, իրանց տիրոջ համար օրական 70-կան կողպէք կը պատրաստեն:

Այսպէս ուրեմն մանուֆակտուրայի տէրը համեմատած անկախ բանող փականագործի հետ ունի այն առաւելութիւնը, որ բանուորների նոյն քանակութեամբ ստանում է շատ աւելի արդիւնքներ: և բացի այդ՝ արհեստանոցի և գործիքների համար նա շատ աւելի քիչ է ծախսում: Հարկաւոր նիւթերը նա ձեռք է բերում միշտ մեծ քանակութեամբ և ուրեմն՝ աւելի էժան: Իսկ ծախելու ժամանակ նա հնարաւորութիւն ունի սպասելու, որպէսզի ապրանքը թանկանայ,—քանի որ նա ունի աւելուրդ փող. — մի խօսքով ամեն տեղ էլ նա աւելի ձեռնտու պայմանների մէջ է դրուած, քան հասարակ արհեստաւորը:

Մանուֆակտուրիստը իր ապրանքները շուկայ է դուրս բերում, իսկ աղքատ արհեստաւորը՝ նոյնպէս իր ապրանքները. նրանց ապրանքները միատեսակ են, բայց արժէքը՝ տարբեր: Մանուֆակտուրիստի մօտ ամեն մի բանուոր օրական 7 կողպէք է պատրաստում. իսկ ազատ փականագործը միայն 5 հատ: Պարզ է, որ մանուֆակտուրիստը կարող է իր ապրանքները աւելի էժան ծախել: Առաջ է գալիս մրցում մանուֆակտուրիստների և ինքնազուխ փականագործների միջև (վաճառողների մրցում), որը իջեցնում է կողպէքների գինը (7 կողպէքը—աշխատանքի I օր): Թէև ինքնազուխ փականագործները օրական միայն 5 կողպէք են շինում, սակայն նրանք ստիպուած են ծախել նոյն գնով, ինչ գնով որ ծախում են մանուֆակտուրիստները: Այլապէս ոչ ոք էլ նրանցից ապրանք չի գնի: Պարզ է, որ վերջ ի վերջոյ նրանք պէտք է մտանկանան և թողնեն իրանց ինքնուրոյն արհեստը: Ունենալով վերում յիշւած առաւելութիւնները, մանուֆակտուրիստը մրցման միջոցով մեղցնում է մանր արհեստը, զրկում է արհեստաւորներին նրանց արդիւնաբերութեան գործիքներից, ազատ արհեստաւորներին ուրիշի ստրուկներ է դարձնում:

Բայց մանուֆակտուրաները մրցում են ոչ միայն մանր արհեստի, այլ և միմիանց հետ: Որքան աւելի մեծ է մանուֆակտուրան, այնքան աւելի ձեռնտու է նրա դիրքը մանր մանուֆակտուրայի հետ համեմատած, այնքան աւելի քիչ է ծախսում արդիւնաբերութեան գործիքների վրայ և այնքան աւելի օգտուած է աշխատանքի աւելի մեծ բաժանումից: Հետևա-

պէս որքան աւելի մեծ է մանուֆակտուրան, այնքան նրա աշխատանքը աւելի արդիւնաւէտ է, այնքան աւելի էժան կարող է նա ծախել իր ապրանքները: Սոշոր և մանր մանուֆակտուրաների միջև միշտ տիրում է անընդհատ մրցում, և խոշոր մանուֆակտուրան պէտք է ոչնչացնէ մանրը ճիշտ այնպէս, ինչպէս մանր մանուֆակտուրան ոչնչացնում է մանր արհեստի արդիւնաբերութիւնը:

Մանուֆակտուրաների մրցումը արտայայտւում է նրանով, որ իւրաքանչիւր մանուֆակտուրայ աշխատում է տիրել շուկային: Այդ նպատակին հասնելու համար նա ծախում է ապրանքները որքան կարելի է էժան: Իսկ աւելի էժան ծախել նա կարող է միայն այն ժամանակ, երբ նրանց արտադրութիւնը պահանջում է աւելի քիչ մարդկային աշխատանք: Երևան են գալիս մեքենաները: Մեքենան, կարելի է ասել, ուղղակի փոխարինում է արհեստաւորի աշխատանքը: Մեքենան արտադրում է մեքենայաբար և տալիս է շատ արդիւնք, որի արտադրութիւնը պահանջում է արհեստաւորից շատ հմտութիւն և երկարատե նախապատրաստութիւն. լաւ ջուլհակ լինելու համար պէտք է երկար սովորել, — այս է պատճառը, որ ջուլհակի աշխատանքը աւելի շատ է վարձատրւում, քան զիցուք մշակի աշխատանքը, որ բոլորովին սովորելու կարիք չկայ: Այն կապիտալիստը, որը ուստայնագործարան է ուզում բաց անել, պէտք է գտնի արդիւնաբերութեան գործիքներից զուրկ արհեստաւոր — ջուլհակներին և ստիպէ նրանց վարձով աշխատել իր համար: Այդ վարձը անշուշտ հասարակ բանուորի վարձից աւելի մեծ կը լինի: Բայց անա մարդիկ հնարեցին ուստայնագործութեան շոգեմեքենան, որ աւելի արագ և աւելի լաւ է գործում, քան ջուլհակը: Այն մանուֆակտուրիստը, որ շոգեմեքենայ է դրել իր արհեստանոցում, արդէն բոլորովին կարիք չունի ջուլհակի ճարպիկութեան և փոխարինում է նրան հասարակ բանուորով, որովհետև շոգեմեքենայի վրայ աշխատել մի մեծ գործ չէ, իսկ հասարակ բանուորին անշուշտ աւելի քիչ պէտք է տալ, քան արհեստաւորին: Հետևապէս մեքենան փոխարինելով արհեստաւորների ճարպիկութիւնը, կապիտալիստին հնարաւորութիւն է

տալիս ետլայ գնալ առանց արհեստաւորի, նրա փոխարէն բանեցնել հասարակ աշխատաւորներ:

Այսպէս առաջ է գալիս գործարանը: Նշանակում է, որ արհեստաւորների ձեռքով կատարուող և նրանցից երկարատե նախապատրաստութիւն պահանջող աշխատանքը գործարանում կատարւում է մեքենայի միջոցով, որի գործադրութիւնն էլ յանձնւում է անուս բանուորներին, որոնցից չէ պահանջւում ոչ մի նախապատրաստութիւն: Աշխատանքի արդիւնաւորութիւնը գործարանական արդիւնաբերութեան մէջ շատ աւելի մեծ է. քան ուրիշ որ և է արդիւնագործութեան մէջ: Որ և է արհեստաւոր-գարբին օրական դիցուք 600 հատ մեխ կը շինի, իսկ գործարանում հասարակ բանուորը՝ մի քանի հազար: Պարզ է, որ մեքենայի պատրաստած մեխերը արհեստաւորի շինած մեխերից շատ աւելի էժան կը լինեն: Առհասարակ գործարանը մահացու հարուած է տալիս մանր արհեստին և մանուֆակտուրային, և բաց է անում իր դռները հասարակ բանուորի առաջ, ոչնչացնում է կարիքը արհեստաւորի արտադրութեան մէջ: Իսկ իրանք արհեստաւորները կամ կամաց-կամաց սովից են մեռնում, կամ դառնում են գործարանական հասարակ բանուորներ, գործարանատիրոջ համար «աշխատաւոր ձեռքեր»:

Ամփոփենք մեր ասածները արտադրող-երկրագործների և արտադրող-արհեստաւորների՝ կապիտալիստի համար «աշխատաւոր ձեռքեր» դառնալու մասին: Հին ժամանակներում զինուորական պահանջները համայնքներում (պաշտպանութիւն թշնամիներին և յարձակում) համայնքի ամենաուժեղ և ամենաբաշ անգամների ձեռքը իշխանութիւն են տալիս և դարձնում նրանց զօրապետներ: Այդ զօրապետները կամաց — կամաց հպատակեցնում են իրանց՝ հայրենի համայնքները և նրանց տէրը դառնում: Նրանք դադարում են իրանց գոյութեան համար միջոցներ հայթայթել, և ապրում են իրանց ռազմիկների հետ այն հարկով, որ վերցնում են նրանք իրանց հպատակներից, նոյնպէս և այն աւարով, որ թալանում են նրանք օտար համայնքներից: Համայնքների միջև սեղի ունեցող մշտական կռուիները վերջանում են նրանով, որ ամենաուժեղ համայնքների զօրապետը հպատակեցնում է բոլոր թոյլ համայնքները և

նրանց վրայ հարկեր է նշանակում: Այնուհետև ամենից ուժեղ զորապետները, որոնք հպատակեցրել են թոյլ համայնքները, շարունակում են պատերազմել իրար հետ, մինչև որ վերջիվերջոյ որոշ շրջանում զորապետներից մէկը յաղթում է միւս բոլոր զորապետներին և նրանց համայնքները իրան հպատակ դարձնում: Առաջ է գալիս պետութիւնը, որի գլուխն է կանգնած զորապետը կամ իշխանը:

Այսպէս առաջ եկաւ և ուրոսաց պետութիւնը: Ռուս իշխանները և թագաւորները բաժանում էին իրանց ռազմիկներին, իրանց բօնարներին (նախարարներին) ամբողջ համայնքները: Նախարարները քամում էին համայնքների եկամուտը, բայց հողը մնում էր իբրև համայնական սեփականութիւն և նախարարները չէին խառնուում համայնքների հողային կարգերի մէջ: Իսկ երբ ժողովուրդը շնորհիւ զաժան ճնշումների ըսկսեց փախչել, թագաւորները նրան կապեցին հողի հետ: Բօնարները, կալուածատէրերը գիւղացիների տէրը դառան, իսկ հողը այնուամենայնիւ էլի մնում էր իբրև համայնքի սեփականութիւն: Բայց յետոյ, երբ եկաւ գիւղացիների ազատութիւնը, կալուածատէրերին ճանաչեցին ոչ գիւղացիների հողիների սեփականատէրեր (այդ հակառակ է աստուածային օրէնքներին), այլ այն հողի, որ գիւղացիները մշակում էին դարերից ի վեր:

Գուրս եկաւ համարեա, միևնոյն բանը, որովհետև այն գիւղացիները, որոնք շատ չնչին հողաբաժին էին ստացել, ստիպուած էին կամ հողը կալուածատիրոջից կապալով վերցնել, կամ գնալ կրկին նրա մօտ ճորտութիւն անելու: Կալուածատէրը առաջուայ պէս էլի նստած է գիւղացու մէջքին և ծծում է նրա արիւնը: Այսպէս արտագրող-երկրագործը, որ զրկուեց հողից, «աշխատաւոր ձեռքերը» դառաւ: Արտագրող-արհեստաւորները հաւաքուեցան քաղաքներում: Ով աւելի ճարպիկ ու խելացի է, նա ունի շատ առաւելութիւններ թոյլերի հանդէպ: Թոյլերը վաղ թէ ուշ զրկուում են արդիւնաբերութեան գործիքներից և մասնում են ուժեղների մօտ իբրև բանուորներ:

Առաջ է գալիս մանուֆակտուրան: Բաւական է որ նա առաջ եկաւ և նա մրցումի միջոցով ոչնչացնում է մանր արտագրողներին և անդիմադրելի կերպով ձգտում է իր ձեռքը պցել

արհեստի ամբողջ արդիւնաբերութիւնը: Արդիւնաբերութիւնը լայնացնել և ապրանքները էժանացնել ձգտելով՝ մանուֆակտուրաների մրցումը առաջ է բերում մեքենաներ և գործարանական արդիւնաբերութիւն, որի մէջ մեքենան փոխարինում է մարդկային ճարպիկութեանը, իսկ հասարակ բանուորը՝ արհեստաւորին:

Մրցումի միջոցով գործարանը ոչնչացնում է մանուֆակտուրան և մանր արհեստը, իսկ արդիւնաբերութեան գործիքներից զրկուած արհեստաւորին դարձնում է հասարակ բանուոր, «աշխատաւոր ձեռքեր» մեքենաների համար: Հասարակական կեանքի արշալոյսին աշխատանքի բաժանումը մարդկանց երկու մեծ մասի է բաժանում արտագրող-երկրագործներն և արտագրող արհեստաւորներին: Երկար դարեր իւրաքանչիւր մասը կատարում և հանրամարդկային աշխատանքի իրան սահմանած շրջանը: Արտագրող-երկրագործը իր դարերը չարչարանքները կրում է նախարարների և կալուածատէրերի ձեռքից, իսկ արտագրող-արհեստաւորը՝ մանուֆակտուրայից և գործարանից: Եւ ահա, վերջի-վերջոյ, այդ երկու արտագրողներն աշխատանքի գործիքներից զրկուած՝ կրկին պատահում են միմիանց գործարանական մեքենայի առաջ: Բայց նրանց մէջ տարբերութիւն չըկայ—նրանք միայն «աշխատաւոր ձեռքեր» են,

Սկզբնական ժամանակներում վայրենիները, որոնք ծանօթ չէին աշխատանքի բաժանման հետ, չէին կարող ունենալ այն գիտելիքները, այն մտաւոր զարգացումը, որ ունէր յետոյ երկրագործը և արհեստաւորը: Իսկ երբ երկրագործն ու արհեստաւորը իրանց բոլոր տառապանքները կրելուց յետոյ գործարան ընկան, նրանք արդիւնաբերութեան գործիքների հետ միասին կորոբին և այն գիտելիքները, մտաւոր այն զարգացումը, որ պահանջում էր արդիւնաբերութիւնը:

Այդ բոլորը փոխարինում է մեքենան, իսկ աշխատաւորից ոչ խելք, ոչ զուլխ է պահանջում. մարդ արտագրողը կապիտալիստի համար «աշխատաւոր ձեռքեր» է դառել: Հետևապէս, արտագրողը վերջացնում է նրանով, ինչով որ սկսել էր, այսինքն դառնում է վայրենի: Եթէ ամեն ինչ կապիտալիստի կամքին թողնէիք այդ այդպէս էլ կը լինէր: Բայց ոչ ամեն

բան, բարեբաղդաբար, նրանցից է կախուած: Չը նայելով որ ամեն ձիգ գործ են դնում կապիտալիստները, սակայն ոչ մի տեղ չեն թագաւորում անսպասան նրանց սրտին հաճելի կարգերը:

Ամենուրեք գործարանի կողքին կը պատահեն մանուֆակտուրայ և մանր արհեստ: Մրցումը դեռ ևս չի զարգացել ինչպէս հարկն է, մանր կապիտալիստն էլ դեռ կուռում է անյող-դողգ խոշոր կապիտալիստի վայրենի խնորժակի դէմ: Ծանր է արտադրողի համար իր ազատութիւնից զրկուելը, մարդուց «աշխատաւոր ձեռքեր» միայն դառնալը: Այդ է պատճառը, որ գիւղացին աշխատում է յաճախ ծղօտի համար, միայն թէ իրան զգայ մարդ, տէր իր սեփական գործի մէջ:


Չնայած դրան, գիւղացիների հողագուրդ լինելը աճում է ոչ օրերով, այլ ժամերով: Արդէն այժմ մենք ունենք 7 միլիոնի չափ հողագուրդ գիւղացիներ, և եթէ մեր անտեսական կարգերում ոչինչ յեղափոխութիւն չըլինի, այն ժամանակ մենք կը տեսնենք շուտով այն, ինչ այնքան սրտանց ուզում են կապիտալիստները, որոնք այնքան արցունքներ են թափում Ռուսաստանում «աշխատաւոր ձեռքերի» քշութեան համար,— մենք կը տեսնենք, որ հողագուրդների թիւը կը կրկնապատկուի, կը եռապատկուի և այլն:

Նայենք այժմ, ինչպէս են գործադրում կապիտալիստները այն «աշխատաւոր ձեռքերը», որոնք ընկնում են նրանց իշխանութեան տակ: Նայենք, ինչպէս են նրանք դուրս քաշում նրանցից այն շահերը, զէպի որը նրանցից ամեն մէկը անյագ ազահուութիւն է ցոյց տալիս:

IV

ՅԱԻՆԵԼԵԱԼ ԱՐԺԷՔ

Իւրաքանչիւր կապիտալիստ, որ ծախսել է կապիտալ որ և է ձեռնարկութեան համար, ի հարկէ աչքի առաջ ունի միմիայն մի նպատակ— շահ ստանալ: Եթէ այդ շահը չլինէր, ոչ



մի կապիտալիստ ոչ մի ձեռնարկութիւն չէր սկսիլ: Իսկ որովհետեւ մենք տեսնում ենք, որ կապիտալիստական ձեռնարկութիւնները աճում են սուսկի նման,— պարզ է, որ կապիտալը քիչ շահ չի տալիս, շահ, որին այնքան սիրահար են կապիտալիստները: Որտեղից է առաջ գալիս կապիտալի այդ շահը: Տարածուած կարծիքը ասում է որ շահը առաջ է գալիս առուտուրից,— գնում են էժան, իսկ ծախում թանկ,— այսինքն՝ թէ կապիտալի շահը առաջանում է շուկայում՝ փոխանակութիւնից: Տեսնենք, որքան այդ ճշմարիտ է: Դիցուք չի գործարանատէրը պէտք է գնէ ոստանագործութեան մի շոգեմեքենայ: Նա դուրս է բերում շուկայ չիթեր, որոնք իրանց մէջ պարունակում են 500 օրուայ աշխատանք և որոնց իսկական արժէքը, օրինակ, 500 ուրլի է: Արդեօք մի նոր արժէք առաջանում է նրանից, որ գործարանատէրը ունէր 500 ուրլու ապրանքային արժէք, իսկ գնողը 500 ուրլու փողային արժէք: Փոխանակութիւնը կայանալուց յետոյ շուկայում կրկին առաջուայ պէս 1000 ուրլու արժէք մնաց, և փոխանակութիւնը ոչ մի գրօշ չ'աւելացրեց այդ 1000 ուրլուն: Սակայն որտեղից դուրս եկաւ ֆարբիկանտի շահը: Ենթադրենք այժմ, որ իւրաքանչիւր ֆարբիկանտ ծախում է իր ապրանքը նրա իսկական արժէքից թանկ, մեր ֆարբիկանտը իր շիթերը ծախում է ոչ թէ 500 ուրլու, այլ 600 ուրլու: Ծախելուց յետոյ այնուամենայնիւ ոչ մի նոր արժէք չի աւելանայ շուկայում: 1100 ուրլու արժէք կար 500 ուրլու ֆարբիկանտի մօտ, և 600 ուրլու փող գնողի մօտ, այդքան էլ մնաց կրկին: Միայն այժմ ֆարբիկանտը 600 ուրլու արժէք ունի իր ձեռքում, իսկ գնողը 500 ուրլու: Մի գրօշի արժէք անգամ չ'աւելացաւ, սակայն ֆարբիկանտը 100 ուրլու աւելորդ արժէք ստացաւ: Գուցէ այդ հենց 100 ուրլու ֆարբիկանտի շահն են կազմում. բոլորովին ոչ: Եթէ իւրաքանչիւր ֆարբիկանտ ծախում է իր ապրանքը նրա իսկական արժէքից թանկ, վերջի վերջոյ նրանցից ոչ-որ ոչինչ շահ չի ստանում: Մեր ֆարբիկանտը չիթի համար 600 ուրլու ստացաւ, մինչդեռ այդ չիթը միայն 500 ուրլու արժէք: Նա ուզում է գնել ոստանագործութեան մի մեքենա, որի արժէքը 500 ուրլու է: Բայց մեքենաների ֆարբիկանտը մեքենան կը ծախէ նը-

րա իսկական արժեքից թանկ, այսինքն ոչ 500 ուրբով, այլ 600: Մեր չթի գործարանատէրը, որ 100 ա. շահ էր ստացել չթի համար, այժմ պէտք է կորցնէ այդ փողը մեքենան գնելու ժամանակ, առանց որին նա չի կարող եօլայ գնալ:

Այսպէս, մենք տեսնում ենք, որ փոխանակութիւնից չեն կարող նոր արժեքներ առաջանալ, որ փոխանակութիւնը չի կարող կապիտալիստին շահ տալ կապիտալի համար: Այնուամենայնիւ չթի գործարանատէրը պէտք է ախր իր ապրանքը մի տեղ ծախէ և ստանայ իր շահը: Այլպէս ի՞նչի համար նա պիտի սկսէր այն գործը: Եւ իրաւ, Փաբրիկանտը շահը ստանում է իր ապրանքը ծախելու ժամանակ, բայց ոչ ծախելուց (փոխանակութիւնից): Ուրեմն կապիտալի համար տրուող շահը առաջանում է ծախելուց կամ փոխանակութիւնից առաջ: Բայց որովհետեւ կապիտալիստի գլխին չի կարող աւելորդ արժեքը (շահը) ընկնել երկնքից, մնում է միայն ենթադրել, որ կապիտալի համար ստացուող շահը առաջանում է ապրանքների հենց արտադրութեան ժամանակ: Բայց ապրանքների արտադրութեամբ պարապում են միայն «աշխատաւոր ձեռքերը», հետևապէս միայն այդ բազմաչարչար ձեռներն են, որ արտադրում են և տալիս են կապիտալիստին շահ:

Տեսնենք թէ ի՞նչպէս է այդ կատարուում: Կապիտալիստը չթի գործարան էր ուզում շինել: Նա կառուցեց շինութիւնը, գնեց մեքենաները, բերել տուեց բամբակ: Բայց նրան հարկաւոր են բացի դրանից «աշխատաւոր ձեռքեր»: Առանց նրանց թէկուզ բոլոր մեքենաները միասին վերցրած ոչինչ են կապիտալիստի համար: Մենք արդէն գիտենք, որ «աշխատաւոր ձեռքերը» կարելի է շուկայում ձեռք բերել ճիշտ այնպէս, ինչպէս և միւս ապրանքները: Այնտեղ էլ ուզուում է կապիտալիստը իր քայլերը: Նա վարձում է «աշխատաւոր ձեռքեր»: Այդ ի՞նչ է նշանակում: Այդ նշանակում է, որ նա գնում է բանուորներից նրաց աշխատաւոր ոյժը որոշ ժամանակամիջոցով՝ մի օրով կամ մի ամսով և այլն: Ո՞րքան է նա վճարում այդ ոյժի համար: Որովհետեւ աշխատաւոր ոյժը ծախուում է շուկայում և նա ապրանք է, ուստի աշխատաւոր ոյժի արժեքը, ինչ-

պէս և ամեն մի ապրանքի արժեքը չափւած է աշխատանքի այն քանակով, որ անհրաժեշտ է նրա արտադրութեան համար:

Աշխատաւոր ոյժը՝ հակառակ միւս բոլոր ապրանքներին, արտադրում է մարդու հէնց մարմնի մէջ: Աշխատաւոր ոյժ ունենալու համար մարդս պէտք է ուտէ, խմէ, շոր ու բնակարան ունենայ. իսկ այդ բոլորը ձեռք բերելու համար անհրաժեշտ է որոշ աշխատանք: Հետևապէս, աշխատաւոր ոյժի արժեքը չափուում է աշխատանքի այն քանակով, որ անհրաժեշտ է բանուորի կեանքը պահպանելու միջոցների արտադրութեան համար: Բայց բանուորը անմահ չէ, իսկ աշխատաւոր ոյժը միշտ պէտք է: Բանուորի մահուան հետ ընդհատուում է և նրա աշխատաւոր ոյժը, իսկ կապիտալիստը կարող է մնալ առանց «աշխատաւոր ձեռքերի»: Ուրեմն, բանուորը պէտք է որ և է փոխարինող ունենայ, որը կապիտալիստին կըտայ անընդհատ աշխատաւոր ոյժ: Ուստի և աշխատաւոր ոյժի արժեքը չափուում է աշխատանքի այն քանակով, որ անհրաժեշտ է բանուորի և նրա ընտանիքի կեանքը պահպանելու միջոցների արտադրութեան համար: Այդ արժեքը նա ստանում է աշխատավարձի միջոցով:

Այսպիսով, կապիտալիստը, չթի ապագայ գործարանատէրը, պէտք է վճարէ բանուորներին նրանց աշխատաւոր ոյժի արժեքը: Ի՞նչ է նա ստանում նրանցից դրա փոխարէն: Վարձելով շուկայում «աշխատաւոր ձեռքերի» մի մեծ քանակութիւն, նա տանում է նրանց գործարան և ստիպում է աշխատել: «Աշխատաւոր ձեռքերը» սկսում են արտադրել նրա համար չիթ: Փաբրիկանտը պէտք է վճարէ բանուորներին նրանց որոշ ժամանակի աշխատաւոր ոյժի արժեքը, իսկ ինքը ստանում է բանուորները՝ նոյնքան ժամանակի աշխատանքը:

Մենք արդէն գիտենք, որ աշխատանքի բաժանումը աշխատանքը արդիւնաւէտ է դարձնում, այսինքն որ իւրաքանչիւր արտադրող արտադրում է, օրինակ, մի օրուայ մէջ աւելի արդիւնք, քան անհրաժեշտ է նրան մի օրուայ ապրուստի համար: Բանուորը, ուրիշ խօսքով, աւելի արժեք է արտադրում, քան արժէ նրա մի օրուայ աշխատաւոր ոյժը: Եթէ կերակրի, շորի և այդ արտադրութեան համար բանուորը օրա-

կան 6 ժամ պէտք է աշխատի, այդ 6 ժամուայ աշխատանքը անհրաժեշտ աշխատանք կարող ենք անուանել: Օրական 6 ժամ հարկաւոր է աշխատել բանուորին իրան պահելու, իր աշխատաւոր ոյժի արժէքը ստանալու համար: Եթէ նա օրական 6 ժամից աւելի է աշխատում, այդ դէպքում նրա աշխատանքը 6 ժամից յետոյ յաւելեալ աշխատանք պէտք է անուանել: Այսպէս ուրեմն, աշխատանքի օրը պարունակում է իր մէջ անհրաժեշտ (աշխատաւոր ոյժի արժէքը) և յաւելեալ աշխատանք:

Մեր չիթի գործարանատէրը վարձում է բանուոր և պէտք է վճարէ նրանց՝ իւրաքանչիւր օրուայ աշխատաւոր ոյժի արժէքը, այսինքն նա վճարում է ամեն օր միմիայն անհրաժեշտ աշխատանքի համար (6 ժամ): Եթէ բանուորները օրական միայն 6 ժամ աշխատէին, նրանք կ'արտադրէին այնքան, որքան արժէ նրանց ապրուստը, և կապիտալիստը ոչ մի շահ չէր ստանայ: Սակայն նա ստիպում է բանուորներին օրական 12 ժամ աշխատել: Այսպիսով նա ստանում է բանուորներից օրական 6 ժամուայ աւելորդ աշխատանք, այսինքն 6 ժամուայ յաւելեալ աշխատանք, որի համար նա ոչինչ չի վճարում նրանց: Ամեն օր բանուորները առաջին 6 ժամուայ ընթացքում արտադրում են իրանց աշխատաւոր ոյժի արժէքը (անհրաժեշտ աշխատանք), որ նրանք ստանում են կապիտալիստից աշխատավարձի միջոցով,—իսկ մնացած 6 ժամուայ յաւելեալ աշխատանքի ժամանակ նրանք արտադրում են այն յաւելեալ արժէքը, որի համար ֆաբրիկանտը նրանց մի գրօշ անգամ չի տալիս: Այդ յաւելեալ արժէքը կապիտալիստի շահն է:

Վերջնենք մի օրինակ: Ֆաբրիկանտը վճարում է բանուորներին օրական 50 կոպ: Իւրաքանչիւր բանուոր օրական կարող է 10 արշ. չիթ գործել, որի արշինը ծախւում է 20-ական կոպէկով: Ընդունենք, որ մի արշին չիթի համար 5 կոպէկի թել է գնում, և որ մեքենաների շինութեան և այլն ծախսը ամեն մի արշինի վրայ 5 կոպէկ է գնում,—այնպէս որ մի արշին չիթի ամբողջ նիւթը (մատերիալ) գործարանատիրոջ համար արժէ 10 կոպ.: Բանուորը սկսեց աշխատել և աշխատեց կէս օր (6 ժամ), և այդ ժամանակուայ մէջ 5 արշ. չիթ գործեց: Ո՞րպիսի արժէք նա արտադրեց. 5 արշ. չիթ 20-ական

կոպէկով արժէ մի ուրբի: Բայց ֆաբրիկանտի վրայ նստել է ամեն մի արշինի նիւթը 10-ական կոպ., իսկ 5 արշ.—50 կոպ.: Ուրեմն կէս օրուայ մէջ բանուորը արտադրեց 50 կոպէկի մաքուր արժէք: Այդ հէնց նոյնքան է, որքան նա ստանում է կապիտալիստից իր՝ ամբողջ օրուայ աշխատաւոր ոյժի համար: Բանուորի աշխատած 6 ժամը նրա համար անհրաժեշտ աշխատանք է: Նրա արտադրած 50 կոպէկը նրա համար անհրաժեշտ արժէք է: Եթէ բանուորը 6 ժամից յետոյ գործաթող անէր, ֆաբրիկանտը՝ ոչ մի շահ չէր ստանայ: Նա ծախսել էր մի ուրբի (50 կոպ.) բանուորներին, 50 կոպ. նիւթ 5 արշինի համար) և կըստանար մի ուրբի: Բայց բանուորը 6 ժամ էլի է աշխատում,—այդ նրա յաւելեալ աշխատանքն է, և արտադրում է կրկին 5 արշ. չիթ: Ո՞րպիսի արժէք նա այժմ արտադրեց. 5 արշ. չիթը 20-ական կոպ. արժէ մի ուրբի: Դուրս գալով նիւթի համար ծախսուած 50 կոպ., կը մնայ մաքուր 50 կոպ.: Իր յաւելեալ աշխատանքով բանուորը արտադրեց 50 կոպէկի յաւելեալ արժէք, որը ընկնում է ուղղակի ֆաբրիկանտի ջեբը: Այդ է հէնց շահը:

Ուրեմն, մեր ֆաբրիկանտը ստանում է օրական իւրաքանչիւր բանուորից 50 կոպէկի յաւելեալ արժէք կամ շահ: Այժմ մեզ համար հասկանալի է, թէ ինչո՞ւ են լաց լինում կապիտալիստները, երբ «աշխատաւոր ձեռքեր» քիչ ունեն: «Աշխատաւոր ձեռքեր» նրանց պէտք են յաւելեալ արժէք քանելու համար: Յաւելեալ արժէքի մեծութիւնը կախուած է՝ նախ՝ կապիտալիստի համար աշխատող բանուորների քանակից, երկրորդ՝ աշխատաւոր օրուայ երկարութիւնից, և երրորդ՝ աշխատանքի արդիւնաւէտութիւնից: Որքան աւելորդ զբաղուած «ձեռքեր» ունի կապիտալիստը, այնքան աւելի մեծ է յաւելեալ աշխատանքը, այնքան աւելի մեծ յաւելեալ արժէք կը ստանայ կապիտալիստը: Եթէ մեր ֆաբրիկանտը մի կերպ կարողացաւ ստիպել բանուորներին աշխատել օրական ոչ թէ 12 ժամ, այլ ամբողջ 18 ժամ, այն ժամանակ իւրաքանչիւր բանուոր կը գործէ օրակար 18 արշ. չիթ, տալով ոչ 6 ժամուայ, այլ 12 ժամուայ յաւելեալ աշխատանք, և կապիտալիստը կը ստանայ ոչ թէ 50 կոպ. այլ մի ուրբու յաւելեալ արժէք:

Որքան աւելի արդիւնաւէտ է բանուորի աշխատանքը, այնքան քիչ կը լինի նրա աշխատանքը իր համար, այսինքն անհրաժեշտ աշխատանքը, և այնքան աւելի մեծ կը լինի նրա աշխատանքը կապիտալիստի համար, այսինքն յաւելեալ աշխատանքը և յաւելեալ արժէքի արտադրութիւնը: Մեր ֆաբրիկանտի մօտ բանուորը ստանում է օրական 50 կոպ. և դորժում է 10 արշ. չիթ. ուրեմն, ամեն մի արշինի համար նրան 5 կոպ. է դալիս: Փաբրիկանտը ծախում է չիթի արշինը 20-ական կոպ.: Այս գումարից 10 կոպ. պէտք է դուրս գալ նիւթի համար: Մնում է 10 կոպ. ֆաբրիկանտի և բանուորի բաժինը՝ 5 կոպ. ստանում է բանուորը (աշխատավարձ մի արշինի համար), իսկ 5 կոպ.՝ կապիտալիստը (նրա շահը): Այսինքն ապրանքի մաքուր արժէքը (առանց նիւթի) բաղկացած է աշխատավարձից և կապիտալիստի շահից:

Սրանից կարելի է հետևցնել, թէ որքան աւելի մեծ է աշխատավարձը, այնքան աւելի քիչ է շահը, և ընդհակառակը: Եթէ աշխատավարձը բարձրանար մինչև 70 կոպ. օրական, կապիտալիստի շահը կընկնէր մինչև 30 կոպ. մի արշին չիթի մաքուր արժէքից բանուորը կըստանար 7 կոպ. իսկ կապիտալիստը՝ 3 կոպ. Սրանից պարզ երեւում է, որ կապիտալիստի և բանուորի միջև շարունակ պիտի տեղի ունենայ անընդհատ կռիւ: Կապիտալիստը ամեն կերպ ձգտում է երկարացել աշխատանքի օրը և պակասեցնել աշխատավարձը, իսկ բանուորը՝ կարճացնել աշխատանքի օրը և աւելացնել աշխատավարձը:

Յետոյ մենք կըտեսնենք, ի՞նչ առաւելութիւններ ունի կապիտալիստը բանուորի հետ ունեցած իր այդ կուր մէջ, առաւելութիւններ, որոնք շղթայում — կաշկանդում են բանուորի ձեռքն ու ոտքը և զցում կապիտալիստի իշխանութեան տակ: Քիչ առաջ մենք ասացինք, թէ որքան աւելանում է աշխատավարձը, նոյնքան էլ պակասում է ֆաբրիկանտի շահը: Բայց գուցէ նա կարող է կորցրածը յետ բերել, եթէ բարձրացնէ ապրանքի գինը և ծախէ, դիցուք, չիթի արշինը 22 կոպէկով: Ո՛չ, կապիտալիստի առաջ սահման է դրուած: Եթէ նա ուզենայ իր չիթի գինը բարձրացնել, այդ դէպքում ուրիշ ֆաբրիկանտները մրցումը թոյլ չի տայ նրան այդ անելու: Սրանք կը ծախեն

չիթը 20-ական կոպէկով, իսկ մեր ֆաբրիկանտը պէտք է բաւականանայ այն շահով, որ մնում է նրան ապրանքի մաքուր արժէքից, դուրս եկած աշխատավարձը և այլ ծախսերը:

Այժմ մենք տեսնում ենք, որ ֆաբրիկանտը իր շահը ստանում է ոչ իր ապրանքի վաճառքից: Շահը արտադրում է վաճառքից առաջ, շուկայից դուրս առաջանում է բանուորի յաւելեալ աշխատանքը յաւելեալ արժէքի ձևով: Սակայն միայն ապրանքը ծախելու ժամանակ է երևան գալիս կապիտալիստի շահը: Միայն այժմ է յայտնւում այն, որ ֆաբրիկանտը իր ապրանքների միջոցով վաճառում է բանուորների՝ որոշ ժամանակամիջոցում գործադրած աշխատանքը. իսկ բանուորներին նա վճարեց ոչ թէ այն ամբողջ աշխատանքի համար, որ նա ստացուեց նրանցից, այլ միայն այնքան աշխատանքի համար, որ անհրաժեշտ է նրա ապրուստի համար, այսինքն աշխատաւոր ոյժի արժէքը:


«Աշխատաւոր ձեռքերից» յաւելեալ արժէք դուրս կորզելու այս դէպքը, որ մենք քննեցինք վերևում, ամենախիստ և ամենապարզ ձևն է այն շահագործման, որ կապիտալիստները կատարում են բանուորների վերաբերմամբ: Եւ իրաւ, ինչ կարող է սրանից աւելի լարդ լինել. մի կողմից — կապիտալիստը, որի տրամադրութեան տակ են գտնւում արդիւնաբերութեան բոլոր միջոցները: Հասկանալի է, որ դաժան անհրաժեշտութիւնը զցում է բանուորին կապիտալիստի ճանկը, կապիտալիստի, որը քամում է նրանից, ինչ որ կարելի է: Որքան էլ դաժան, անարգար լինէր իրերի այսպիսի դրութիւնը, իրողութիւնը սակայն այն է, որ նրա ժամանակ կապիտալը ներգործական և ուղղակի դեր է կատարում արդիւնաբերութեան մէջ. կապիտալի օգնութեամբ են գործարաններ շինւում, մեքենաներ գնւում, հում նիւթ է պատրաստւում, բաժանւում է աշխատանքը, ապրանքները ծախելու համար շուկայ է փնտրւում, — և կապիտալն է, որ ձգտում է աւելացնել աշխատանքի արդիւնաւէտութիւնը. Որքան որ կապիտալի տէրը ուղղակի կերպով մասնակցում է արդիւնաբերութեան մէջ, այնքան էլ նա, ինչպէս և բանուորը, իրաւունք ունի ընդհանուր աշխատանքով արտադրած աշխատանքից բաժին ստանալու: Սակայն ցան

այն է, որ շնորհիւ իր դիրքին կապիտալիստը կարող է վերցնել իր համար առիւծի բաժինը:

Բայց կան կապիտալիստի՝ բանուորներին շահագործելու այնպիսի ձևեր, երբ ինքը կապիտալիստը ոչինչ առնչութիւն չունի դէպի արտադրութեան պրօցէսը, որը սակայն ամենևին չի խանգարում նրան ստանալ բանուորների աշխատանքով արտադրած յաւելեալ արժէքը:

Ինչպէս վերևում ասացինք, Ռուսաստանում կան ամբողջ դիւզեր, որոնք տնայնագործութեամբ են պարապում: Տնայնագործները մանր արհեստաւորներ են՝ փականագործներ, կօշկակարներ և այլն, որոնք աշխատում են իրանց տանը, ունեն իրանց գործի համար անհրաժեշտ գործիքները, բայց մեծ մասամբ միջոցներ չունեն հում նիւթ՝ երկաթ, կաշի և այլն ձեռք բերելու, հում նիւթ, օրից նրանք իրանց արդիւնքներն են արտադրում: Այստեղ հէնց երևան է գալիս կապիտալիստը՝ ի դէմս քաղաքային վաճառականի կամ գիւղական վաշխառուի: Նա ասում է չարբաստիկ տնայնագործին. «Դու ունես աշխատելու գործիքներ, բայց չունես հում նիւթ, որից կարողանայիր բան շինել: Ես քեզ կըտամ հում նիւթ գնելու համար փող, բայց դրա փոխարէն, ինչ ուզում ես արա, միայն ապրանքդ ձեռնտու գնով ինձ տուր»: Դառն փորձից գիտէ տնայնագործը, թէ ի՞նչ է նրա շանակում «ձեռնտու» գինը: Սա լաւ գիտէ, որ իր ապրանքի համար նա կըստանայ միքիչ աւել, քան արժէ հում նիւթը, բայց ի՞նչ արած. ճարահատեալ նա վերցնում է վաճառականից փողը, գնում է հում նիւթը և առ ժամանակ կարծես դառնում է ինքնուրոյն—արտադրող: Սակայն այդ բաղդի դառն հեզնանքն է միայն. երբ նա իր ապրանքը կըշինէ—վերջացնէ և կըտանի վաճառականի մօտ, որին նա պարտք է,—դուրս կըգայ, որ նրա եկամուտը ոչնչով էլ աւել չի լինի (եթէ ոչ պակաս) առաջին պատահած գործարանական բանուորից, որը ոչինչ չունի բացի իր «ձեռքերը»:

Մեր վաճառականը արտադրութեան պրօցէսին բոլորովին չէր մասնակցում: Նրա ի՞նչ գործն է, թէ ինչ գործիքներով է բանում տնայնագործը և որքան ժամանակ է կորցնում փակասագործը մի կողմէք շինելու համար, կամ սրբան ժամանակուայ



ընթացքում է կօշկակարը մի զոյգ կօշիկներ կարում: Նա կարիք չունի գլուխ կոտրելու արդիւնաբերութիւնը՝ կատարելագործելու և աշխատանքը աւելի արդիւնաւէտ դարձնելու համար: Նա գիտէ, որ իր բաժինը կըստանայ: Եթէ գործարանական մրցման շնորհիւ կողմէքների գինը իջաւ, նա աւելի կը սղմէ տնայնագործին և նրանից կըքամէ ոչ միայն նրա աշխատանքով արտադրած յաւելեալ արժէքը, այլ և անհրաժեշտ արժէքի մի մասը:

Ինչ դրութեան մէջ որ է տնայնագործը վաճառականի վերաբերմամբ, ճիշտ նոյն վիճակի մէջ է և գիւղացի-երկրագործը կալուածատիրոջ վերաբերմամբ: Մենք արդէն առաջ յիշատակեցինք, որ գիւղացիները՝ դարերից ի վեր մշակած հողը կալուածատիրոջ սեփականութիւն դառաւ, և որ ճորտութիւնը վերջանալուց յետոյ գիւղացիներին տուին այնպիսի հողաբաժիններ, որոնք բաւական չէին նրանց ընտանիքների ապրուստի համար: Այդ բանը արին այն նպատակով, որպէս զի գիւղացիները ստիպուած լինեն կալուածատէրերի հողով օգտուել, և օգտուել, ի հարկէ, ոչ ձրիաբար:

Կալուածատէրը տալիս է հողը գիւղացուն՝ կամ կապալով կամ բերքի մի մասի փոխարէն: Գիւղացին վարում է հողը իր գութանով, իր անասուններով, ցանում է իր հացահատիկները, պարարտացնում է հողը, երբ պէտք է. մի խօսքով՝ կատարում է իր պատասխանատուութեամբ այն բոլոր գործողութիւնները, որոնցից է կախուած հացի արտադրութիւնը: Կալուածատէրը ամենևին չի խառնուում այդ արտադրութեան մէջ. բայց նրա գործն է աշխատավարձի կամ բերքի մի մասի միջոցով ստանալ երկրագործի արտադրած յաւելեալ արժէքը:

Մեր ասածից պարզ է, որ կապիտալը դուրս է քաշում արտադրողից յաւելեալ արժէքը ոչ միայն այն ժամանակ, երբ վերջինս արդէն զրկուել է արդիւնաբերութեան միջոցներից և «աշխատաւոր ձեռքեր» դառել, այլ և այն ժամանակ, երբ արտադրողը կիսաինքնուրոյն տիրոջ դրութեան մէջ է գտնուում: Այն կապիտալիստը, որը բանեցնում է «աշխատաւոր ձեռքերը», ինքը պէտք է կարգի բերէ արդիւնաբերութիւնը և աշխատի նրա յաշոգութեան ու կատարելագործման համար: Ճիշդ

է, որ այդ դէպքում նա աչքի առաջ ունի իր սեփական շահը, և անաստուածօրէն՝ ձնշում է բանուորին. սակայն այնուամենայնիւ իր կամքի հակառակ նա օգուտ է բերում հասարակութեան նրանով, որ անհրաժեշտութիւնից ստիպուած նա շարունակ բարելաւում է արդիւնաբերութեան ձևերը և դրանով աւելացնում աշխատանքի արդիւնաւէտութիւնը. բացի դրանից նա սովորեցնում է բանուորներին ընդհանուր բարդ աշխատանքի—հասարակական արդիւնաբերութեան: Իսկ երբ կապիտալիստը քամում է կիսաինքնուրոյն արտադրողներից նրանց վերջին հիւթերը, արդիւնաբերութեան պրօցէսի մէջ «անգործ-մեղուի» դերը կատարելով,—այդ արդէն ոչ այլ ինչ է, եթէ ոչ հասարակական-կազմակերպուած մի աւազակութիւն, որ ոչնչով արդարացնել չի կարելի:

Ինչ ձևով էլ որ դուրս քաշուի բանուոր դասակարգից յաւելեալ արժէքը, նա միակ ազբիւրն է կապիտալիստական ձեռնարկութիւնների տուած շահի: Իւրաքանչիւր ձեռնարկութեան մէջ կապիտալիստի ստացած շահի չափը ուղղակի կախուած է այն բանուորների քանակից, որոնք զբաղուած են ապրանքների արտադրութեամբ. — որքան աւելի շատ են բանուորները, այնքան աւելի յաւելեալ աշխատանք է նա ստանում, այնքան աւելի մեծ է նրա շահը:

Երևակայենք մի այսպիսի դէպք: Մի վաճառականի երկու որդիները ստացան ժառանգութիւն — իւրաքանչիւրը 10,000 ուրլի: Միրելի եղբայրները մի բանում համաձայն էին իրար հետ, նրանում, որ կապիտալը անհրաժեշտ է շրջանառութեան մէջ պահել և բազմապատկել, մինչդեռ նրանց ճաշակները տարբեր էին: Մէկը խաղաղ բնաւորութեան տէր մարդ էր և հնութեան պինդ կրօն. իսկ միւսը նորասէր ու հոանդոտ և մտածում էր միայն թոյն բանի մասին, թէ ինչպէս մի նոր, ձեռնուող գործ սկսէ... Ահա առաջինը ձեռք բերեց խոշոր կաշեգործարան, որի վրայ էր վաղուց նրա աչքը, և որի մեջ ամեն ինչ կատարում էր ըստ պապենական սովորութեան—մեքենաներ չկային, շինութիւնները այնքան էլ մեծ չէին, այնպէս որ կարելի էր ամեն ինչ էփան գնով կարգի գցել: Ճիշտ է, գործը այնպիսիներից էր, որ շատ բանուորներով՝ ամբողջ 50 հոգու

կարելք կար, բայց մեր հնասէրը դրանից չըվախեցաւ,—նա արդէն եղել էր գործի մէջ և գիտէր, որ դժուար բան չէ կապիտալ եղած տեղը «բանուորից չուաններ գործելը»: Եւ այսպէս իր ամբողջ 10000 ու. նա գործադրեց:

Միւս եղբայրը, իմանալով, որ Ամերիկայում կօշիկներ կարելու մեքենայ են հնարել, ասաց ինքն իրան. «լաւ կըլինի, եթէ ես մեզանում կօշիկների մեքենական մանուֆակտուրայ բաց անեմ»: Այդպէս էլ արաւ: Նա բերել տուեց արտասահմանից հարկաւոր մեքենաները, կառուցեց յարմարաւոր շինութիւն, դնեց կաշի, վարձեց բանուորներ և սկսեց կօշիկներ արդիւնաբերել: Իր եղբօր նման նա գործի մէջ դրեց իր ամբողջ 10,000-ը. բայց քանի որ նա մեքենաներ ունէր, նրան 30 բանուորն էլ բաւական էր: Երկու եղբայրների գործն էլ լաւ գընաց, և նրանց փողը սկսեց փոփ ծնել: Այսպէս ուրեմն երկու եղբայրներն էլ գործի մէջ դրին հաւասար դրամագլուխ — 10,000 ու.: Բայց մէկի արդիւնաբերութիւնը այնպէս է, որ այդ զբաղաւորով 50 հոգի կարելի է պահել, իսկ միւսը գործադրում է միմիայն 30 հոգի: Սրանցից ո՞րը աւելի կըշահուի:

Որովհետև մենք գիտենք, որ յաւելեալ արժէքի և ուրեմն շահի չափը մեծանում է բանուորների քանակի հետ,—ըստ երևոյթին դուրս է գալիս, որ կաշեգործը աւելի կըշահուի, քան «կօշիկների մեքենական մանուֆակտուրայի» տէրը, որովհետև առաջինը ունի 50 բանուոր, մինչդեռ վերջինը 30: Այդպէս էլ իրօք պէտք է լինէր, եթէ գործի մէջ չըխառնուէր մեզ արդէն ծանօթ տնտեսական երևոյթը, որի անունն է մրցում:

Եթէ իրաւ կաշեգործը աւելի շահ ստանար, քան նրա եւանդոտ ու նորասէր եղբայրը, յամենայն դէպս հազիւ թէ նա երկար կարողանար օգտուել իր գրութիւնից: Ինչո՞ւ: Այն պատճառով, որ լաւ շահի սիրահարների շատ կան, և քիչ չեն գըտնուի այնպիսի կապիտալիստներ, որոնք կաշեգործութեան վրայ կըծանրանան այն յուսով, որ այստեղ կարելի է աւելի շահուել քան մի ուրիշ գործում: Վերջիվերջոյ դուրս կըգայ, որ կաշի արտադրուած է սաստիկ շատ, առաջարկը կուժեղանայ, վաճառողների միջև մրցում տեղի կունենայ, կաշուի վաճառանոցային գինը կընկնի նրա իսկական արժէքից ցածր, և կաշե-

գործի շահը կը պահպանի,—յաւելեալ արժէքի մի մասը, որ նա քամել էր բանուորներինց, նրա ձեռքից կերթայ, Այդ կը շարունակուի մինչև այն ժամանակ, երբ կաշեգործութեան տուած շահը կը հաւասարուի «կօշիկների մեքենական մանուֆակտուրայի» տուած շահի հետ, կամ մի ուրիշ գործի, որի մէջ հաւասար դրամագլխով համեմատաբար աւելի քիչ բանուորներ են զբաղուած և համեմատաբար աւելի շատ է ծախսուած մեքենաների, շինութիւնների և այլոց վրայ: Եթէ կաշուի գինը ընկնի աւելի ցածր, այն ժամանակ կաշեգործների մի մասը կը թողնէ այդ արդիւնաբերութիւնը և կը զբաղուի այնպիսի գործով, որ նրան կը տայ գէթ այնքան, որքան տալիս է «կօշիկների մեքենական մանուֆակտուրան»: Արտագրութեան պակասելուց կը բարձրանայ կաշուի վաճառանոցային գինը, և մեր խաղաղասէր-կաշեգործը նորից կը սկսէ աւելի շահ ստանալ, բայց ոչ աւելի, քան նրա խորամանկ եղբայրը, որովհետև մըրցումը ուշի-ուշով հետևում է նրան և դնում սահման եթէ ոչ նրա նախանձոտ աչքերին, գէթ նրա ազան ձեռներին:

Այսպիսով մըրցումը հաւասարեցնում է շահը կապիտալիստական արդիւնաբերութեան բոլոր ձիւղերում: Այդ բանը առաջանում է նրանից, որ այն ձիւղերում, որոնք ըստ իրանց էութեան կարող էին շատ աւելի շահ տալ քան միւսները, կապիտալիստները զրուած են իրանց համար դառն անհրաժեշտութեան տակ, ստիպուած են ծախել իրանց ապրանքները վերջիններիս իսկական արժէքից ցածր և դրանով ձեռքից թողնել շահի մի մասը, որպէս զի կարողանան ստանալ միւս մասը:

Իսկ միթէ վարձատրուում է երբ և է աշխատաւոր ժողոր վրդի ամբողջ աշխատանքը: Ի՞նչ է ստանում նա պետութիւնից իր վճարած տուրքերի և հարկերի փոխարէն: Այդ փողերի միւս մասը ծախսուում է զօրքի վրայ, որի համար աշխատաւոր ընտանիքներից խլում են ամենաուժեղ և ամենաառողջ երիտասարդներին, այդ ընտանիքների նեցուկներին: Պակաս փող չէ գնում զանազան անանկացած կալուածատէրերին և ազան ֆարքիկանտներին օգնելու համար: Եւ միայն ինչ-որ ողորմելի փշրանքներ՝ սովեալների հոգատարութեան համար, է ժանազին

տարրական դպրոցներ, բժշկական օգնութիւն և այլն միայն դառնում են բանուոր մարդու բաժինը. բաւական չէ, որ կալուածատէրը և ֆարքիկանտը բանուորից դուրս են քաշում առանձին-առանձին նրա յաւելեալ աշխատանքը, նրանք բոլորը միասին պետութեան օգնութեամբ դուրս են քաշում նոյն յաւելեալ աշխատանքը միայն ընդհանուր ոյժերով:

Չրի աշխատանքը, յաւելեալ արժէքը ամեն ձևով—անաբոլոր հարուստ դասակարգերի բարօրութեան հիմքը: Այժմ կաւելի է ոչինչ չ'անել, եթէ միայն փող ունես.—բաւական է փողերդ գանձարանը դնես, և հանգիստ կերպով կը ստանաս տոկոսները: Փողը փող է ծնում: Սակայն այդ ի՞նչ հրաշագործ ծնունդ է և ո՞վ է մանկաբարձուհին այդ ծնունդի ժամանակ: Պարզ է, որ նոյն վաճառականը, նոյն ֆարքիկանտը, նոյն կալուածատէրը, որ բանուորից քամում է յաւելեալ արժէքը, նըրանք կարող են նրանից ձրի աշխատանք քամել միայն այն պատճառով, որ մերկ ձեռքերով ոչինչ չի կարելի անել—պէտք է հող, նիւթեր, գործիքներ, մեքենաներ, իսկ այդ բոլորը ձեռք բերելու համար հարկաւոր է փող: Բաւական է ձարպիկ մարդու ձեռքը փող ընկաւ, և նա իսկոյն և եթ կը սկսի քամել բանուորից ձրի աշխատանք: Բայց կան անշնորհք մարդիկ, որոնք չգիտեն. ի՞նչ անեն իրանց ունեցած փողի հետ: Նրանց համար է, որ ստեղծուած են զանազան բանկեր և խնայողական գանձարաններ: Թափեցէք այստեղ ձեր փողերը, անշնորհք և ծոյլ պարոններ. ձարպիկ ու գործունեայ մարդիկ կը վերցնեն ձեր փողերը և գործի մէջ կը դնեն, իսկ ստացած շահը կը բաժանուի. մի մասը կը տան դրամատիրոջը, միւս բանկի տիրո՞ եր. և մնացածով կ'օգտուի այս կամ այն գործարանատէրը:

Եւ այսպէս բանուոր մարդկանց մէջքի վրայ բարձրանում ջն-զանազան աղաների մի ամբողջ սանդուխը—կապալաոռներ վաշխառուներ, վաճառականներ, կալուածատէրեր, գործարանատէրեր, ֆարքիկանտներ, բանկիրներ և զանազան «կապիտալով ապրող» երկոտանիներ.....—նրանք բոլորը կազմում են կեղեքողներ, ուրիշ աշխատանքի գողերի մի վիթխարի դա-

սակարգ, իսկ նրանց գէմուղէմ կանգնած է աշխատանքների անհամեմատ աւելի վիթխարի դասակարգը:

VII

ԱՇԽԱՏԱՎԱՐՁ

Իւրաքանչիւր մարդ, որին մի առանձին «աստուածային ոգորմածութիւն» հնարաւորութիւն չի տալիս ապրել ուրիշ աշխատանքով, դրուած է անախորժ անհրաժեշտութեան մէջ՝ ինքն իր համար ապրուստի միջոցներ հայթայթելու: Իսկ դրա համար նա պէտք է աշխատի: Ի՞նչ է նշանակում աշխատել: Աշխատել—նշանակում է գործադրել իր աշխատաւոր ոյժը բնութեան առարկաների վրայ՝ նրանցից օգտակար բաներ դուրս բերելու համար: Երկրագործը իր ոյժը գործադրում է է հողի վրայ և վերջիվերջոյ ստանում է նրանից օգտակար բան—հաց. հանքահանը փորում է գետինը և դուրս է բերում նրա միջից օգտակար բաներ—պղինձ, արծաթ և այլն: Սրանից պարզ երևում է, որ մարդը իրան ապրուստի միջոցներ հայթայթելու համար պէտք է ունենայ նախ և առաջ աշխատաւոր ոյժ, և երկրորդ՝ բնութեան այն առարկաները, որոնց վրայ նա պէտք է գործադրէ իր ոյժերը, այսինքն արդիւնաբերութեան միջոցներ: Հին ժամանակներում հէնց այդպէս էր. և ով որ աշխատաւոր ոյժ ունէր, նա ունէր, և արդիւնաբերութեան միջոցներ: Սակայն այդ ժամանակից ի վեր մարդկութիւնը ուրիշ կարգերի է հասել: Մենք արդէն տեսանք, թէ ինչպէս էր անցնում արտագրողը իր փշոտ ճանապարհը, ինչպէս նա իր կրած տառապանքների հետ կորցրեց արդիւնաբերութեան միջոցները:

Առաջ արտագրողը և արդիւնաբերութեան միջոցները մի ամբողջութիւն էին կազմում, ինչպէս մի ամբողջութիւն են կազմում ձուկը և ջուրը, որի մէջ նա ապրում է: Իսկ այժմ արտագրողը երկու մասի է բաժանուած,—նրան թողել են նրա

աշխատաւոր ոյժը (գուցէ միայն այն պատճառով, որ նրանից չի կարելի այդ ոյժը դուրս քաշել), իսկ արդիւնաբերութեան միջոցները կապիտալիստների ձեռքը ընկան: Աշխատաւոր ոյժը որքան էլ նա մեծ լինի, չի կարող ապրուստի միջոցներ ստեղծել դատարկ տեղից:—նրան հարկաւոր են արդիւնաբերութեան միջոցներ, իսկ սովը ստիպում է նրան անդիմադրելի կերպով փնտրել նրանց: Այստեղ հէնց կապիտալիստը իր թակարդի մէջն է գցում նրան, թշուառականին, և ստիպում աշխատել իր համար:

Նախորդ գլխում մենք տեսանք, թէ ի՞նչպէս կապիտալիստը քամում է աշխատաւոր ոյժից յաւելեալ արժէքը—իր շահը—տալով բանուորներին աշխատաւոր ոյժի միմիայն անհրաժեշտ արժէքը: Այժմ մօտիկից տեսնենք այս անհրաժեշտ արժէքը, որ բանուորները ստանում են աշխատավարձ անուան տակ:

Բանուորը դուրս է բերում շուկայ իր աշխատաւոր ոյժը, որտեղ գնում է նրան կապիտալիստը: Շուկայում աշխատաւոր ոյժը հաշուում է ապրանք, ուստի և նրա արժէքը որոշում նոյնպէս, ինչպէս և միւս բոլոր ապրանքների արժէքը:

Մենք արդէն տեսանք, որ աշխատաւոր ոյժի արժէքը որոշում է աշխատանքի այն քանակով, որ հարկաւոր է նրա արտագրութեան համար, այսինքն ապրուստի միջոցների այն քանակով, որ անհրաժեշտ է բանուորի և նրա ընտանիքի համար: Այդ միջոցների արժէքը կամ այսպէս անուանուած անհրաժեշտ արժէքը բանուորները ստանում են աշխատավարձ անուան տակ: Որքան աւելի քիչ է բանուորի ապրուստի միջոցների արժէքը, այնքան աւելի փոքր է նրա աշխատավարձը, և ընդհակառակը: Հետևապէս, աշխատավարձի աւելանալը դեռ բոլորովին չի ապացուցում, որ բանուորի վիճակը բարուրդուեց: Պէտք է ի նկատի ունենալ ապրուստի միջոցների արժէքը և ըստ այնմ դատել: Եթէ, զօրօրինակ, 15 տարուայ ընթացքում աշխատավարձը 2 անգամ աւելացաւ, բայց ապրուստի միջոցները առաջուանից 4 անգամ աւելի թանկացան, այդ դէպքում բանուորների դրութիւնը ի հարկէ աւելի վատացած կըլինի, թէև ըստ երևոյթին աշխատավարձը աւելացել է:

Ապրուստի միջոցների քանակը կամ բանուորների ստա-

ցած աշխատավարձի չափը կախուած է նրանց սովորութիւններէրից, կլիմայից, որի մէջ նրանք ապրում են: Անգլիական մանուորը առանց մսի և սուրճի չի կարնոյ եօլա գնալ և խումում է շատ գարեջուր: Նա այնքան է ընտնուացել նրանց, որ այդ արդիւնքները անհրաժեշտ են դարձել նրա դոյութեան համար և առանց նրանց նա լաւ չի կարող աշխատել: Այնպէս որ անգլիական բանուորի աշխատավարձը, ի միջի այլոց: պէտք է պարունակէ իր մէջ և այդ արդիւնքների արժէքը, արդիւնքների, որոնց մասին մեր ռուս բանուորը միայն լսած կը լինի:

Մեր բանուորի աշխատավարձը տալիս է նրան հնարաւորութիւն կերակրուել կերակրով, հացով, կլիմայով, թթու կաղամբով և բողկով: Անգլիական բանուորները կապիտալիստներին ջարդ ու փշուր կանէին նրանց գործարանների հետ, եթէ նրանց աշխատավարձը հերիք անէր միայն այդպիսի կերակրի համար, որով փրկութիւն էին փնտրում սուրբ ճգնաւորները... Իսկ մերոնք բաւականանում են դրանով:

Որքան աւելի կրթուած ու զարգացած են բանուորները, այնքան աւելի միջոցներ են հարկաւոր նրանց մարդավարի ապրելու և լաւ աշխատելու կարողութիւն ունենալու համար:

Անգլիայի և Գերմանիայի բանուորը երբէք այնպիսի շնարներ չի մէջ չի ապրի, ինչպէս մեր բանուորը: Բացի այդ՝ նրանց պէտք է երբեմն գիրք, նրանք լրագրներ են կարդում, երբեմն և թատրոն են գնում, նրանց աշխատավարձը պէտք է բաւի և այդ պահանջների համար: Այլապէս գործարաններում շարունակ անկարգութիւններ տեղի կունենան և գործը վատ կերթայ:

Կլիման նոյնպէս ազդեցութիւն ունի աշխատավարձի վրայ: Իտալացի բանուորը, որը տաք և բարեբեր կլիմայում է ապրում, կարող է այնպիսի շորով բաւականանալ, որ ծածկում է միայն նրա մերկութիւնը. ինչ վերաբերում է բնակարանին, եթէ նա կայ,—լաւ, իսկ եթէ՛ ոչ, այդ էլ փոյթ չէ, նա կ'անցկացնի գիշերը օտարի տան դրան առաջ կամ ուղղակի փողոցում: Իսկ ռուս բանուորին հարկաւոր է «քուրք», ձմեռուայ հաստ ոտնամաններ, տաք բնակարան: Բացի այդ՝ ռուս բանու-

որին պէտք է մի գաւաթ արագ, որովհետև սաստիկ ցրտերի ժամանակ և շնորհիւ վատ սնունդի դժուար է եօլա գնալ առանց այդ տաքացնող միջոցի: Իտալացի բանուորի հետ համեմատած, ռուս բանուորը աւելի մեծ աշխատավարձ է ստանում, բայց դա բոլորովին չի նշանակում, որ վերջինների դրութիւնը աւելի լաւ է, որովհետև նա ստիպուած է այնպիսի արդիւնքների վրայ փող ծախսել, առանց որոնց հեշտութեամբ եօլա կը գնար նա, եթէ ապրէր տաք կլիմայում:

Այսպէս ռուսին, աշխատավարձը պէտք է այնպիսի մեծութիւն ունենայ, որ կախուած է բանուորների սովորոյթներից, նրանց մտաւոր զարգացման աստիճանից և այն կլիմայից, որի մէջ ապրում են նրանք: Աշխատավարձը սովորական պայմաններում չի կարող երկար ժամանակ այդ մեծութիւնից բարձր կամ ցածր լինել: Շուտով մենք կը տեսնենք թէ ինչն է:

Մանուֆակտուրային բանուորները միշտ աւելի մեծ աշխատավարձ են ստանում, քան գործարանականները: Մանուֆակտուրայում բանում են արդիւնաբերութեան միջոցներից զրկուած արհեստաւորները. նախ քան լաւ արհեստաւոր դասնալը, պէտք է աշխատանք գործադրել սովորելու համար: Սովորելու վրայ գործադրած այդ աշխատանքն է, որ բարձրացնում է արհեստաւորի աշխատաւոր ոյժի արժէքը: Վերցնենք մի օրինակ: Ենթադրենք, որ փականագործը մինչև որ իր արհեստը սովորի, պէտք է ծախսէ իր ապրուստի նիւթերի և գործիքների փչացնելու համար և վարպետին վճար—900 ռուբլի: Միւսինն է, ունի՞ արդեօք փականագործը այդ 900 ռուբլին և այդ փողը ուղղակի ծախսում է, թէ մածում է որ և է վարպետ փականագործի մօտ սովորելու: Այդ դէպքում նա պէտք է աշխատի իր տիրոջ համար մի քանի տարի—կամ մինչև սովորելը կամ սովորելուց յետոյ:

Մի խօսքով, փականագործի արհեստը սովորելու համար նա պէտք է 900 ռուբլու արժէքներ ծախսէ—կամ արդիւնքներով կամ աշխատանքով: Եթէ իւրաքանչիւր փականագործը սովորելուց յետոյ կարող է միջին թուով 30 տարի աշխատել, նրա սովորելու ծախսերը աշխատանքի ամեն մի տարուայ վրայ կաւելացնեն 30 ռուբլի: Եթէ սովորական աշխատաւոր ոյժի,

(այսինքն բանուորի և նրա ընտանիքի ապրուստի միջոցները) անհրաժեշտ արժեքը տարեկան 150 ուլբլի է, այդ դէպքում մանուֆակտուրիստը, որ վարձել է արհեստաւորին, պէտք է վճարէ նրան ոչ միայն այդ 150 ուլբլին, այլ այն 30 ուլբլին ևս, որոնք ծախսուել են սովորելու համար և որոնք ընկնում են մի տարուայ աշխատանքի վրայ: Հետևապէս, արհեստաւորի աշխատանքի ոյժի արժեքը պարունակում է իր մէջ ոչ միայն ապրուստի անհրաժեշտ միջոցների արժեքը, այլ և այն միջոցների արժեքը, որոնք ծախսուած են նրա արհեստապիտական ուսման համար:

Որքան մարդ աւելի երկար ժամանակ պէտք ունենայ սովորելու իր արհեստը, այնքան աւելի մեծ է նրա աշխատաւոր ոյժի արժեքը, այնքան աւելի մեծ է նրա աշխատավարձը: Փականագործը աւելի մեծ աշխատավարձ է ստանում, քան դարբինը, ժամագործը՝ աւելի մեծ, քան փականագործը, իսկ այն արհեստաւորը, որը գանազան բարդ գործիքներ՝ հեռադիտակներ, մանրադիտակներ է շինում, ստանում է աւելի մեծ աշխատավարձ:

Աշխատաւոր ոյժի արժեքը քննելուց յետոյ գիմենք այժմ նրա վաճառանոցային գնին: Մենք տեսանք, թէ ինչքան է պէտք բանուորին. այժմ նայենք, ի՞նչքան է նա իրօք ստանում իր աշխատաւոր ոյժի համար:

4-րդ գլխից մենք արդէն գիտենք, որ ապրանքի վաճառանոցային գինը լինում է մերթ աւելի բարձր, մերթ աւելի ցածր նրա իսկական արժեքից: Երբ պահանջը մեծանում է, մուշտարիների մէջ տեղի է ունենում մրցում, և ապրանքի գինը բարձրանում է, երբ առաջարկն է մեծանում, մրցումը տեղի է ունենում վաճառողների մէջ, և ապրանքի գինը ընկնում է: Իսկ առհասարակ մրցումը ձգտում է ապրանքի վաճառանոցային գինը ձօտեցնել նրա իսկական արժեքին: Այդ բոլորը նոյնքան վերաբերում է աշխատաւոր ոյժին, որքան և ամեն մի ապրանքի: Եթէ աշխատաւոր ոյժի պահանջը մեծանում է, դիցուք, շնորհիւ նոր կապիտալիստական ձեռնարկութիւնների երևան գալուն, այդ ժամանակ տեղի է ունենում մրցում մուշտարիների (կապիտալիստների) միջև, և աշխատա-

վարձը բարձրանում է աշխատաւոր ոյժի անհրաժեշտ արժեքից վեր: Մենք գիտենք, որ երբ մեծանում է որ և է ապրանքի պահանջը, մեծանում է շուտով և այդ ապրանքի արդիւնարեւութիւնը և նրա առաջարկը: Սակայն ինչպէս է մեծանում աշխատաւոր ոյժի արդիւնարեւութիւնը և առաջարկը նրա պահանջը աւելանալուց յետոյ: Ահա թէ ինչպէս:

Երբ բարձրանում է աշխատավարձը անհրաժեշտ արժեքից վեր, այսինքն աւելի բարձր, քան անհրաժեշտ է բանուորին իր գոյութիւնը պահպանելու համար,—բանուորների դրութիւնը լաւանում է: Այդ բարւոքումը արտայայտուում է նշբանով, որ բանուորները սկսում են աւելի լաւ մնուել, ապրում են աւելի լաւ բնակարաններում և այլն: Շնորհիւ դրան կարիքը և հիւանդութիւնները աւելի քիչ զոհեր են տանում վաղաժամ գերեզման, քան առաջ: Կենդանի են մնում այնպիսի բանուորներ, որոնք ուրիշ աւելի վատ հանգամանքներում կը մեռնէին, և այդ պատճառով հենց բանուորները ամենից առաջ մեծացնում են աշխատաւոր ոյժի առաջարկը: Բացի այդ՝ շնորհիւ բանուորի դրութեան բարւոքման աւելանում է և նշբանից ամուսնութիւնների թիւը և ծնւում են աւելի երեխաներ, քան առաջ:

Երկխայ—գեոահասները, աւելի լաւ հանգամանքներում ապրելով, աւելի քիչ են ենթակայ մահուան, քան եթէ աւելի վատթար պայմաններում ապրէին՝ օրինակ, մեզնում, ուր բանուորի չորս երեխայից հազիւ մէկը հասնում է բանուոր լինելու հասակին. եւ այսպէս, շնորհիւ աշխատավարձի բարձրանալուն, պակասում է բանուորների և նրանց երեխաների մահացութիւնը, իսկ այդ միևնոյնն է թէ աւելանում է ազգաբնակչութիւնը, աւելանում է և ուղղակի, շնորհիւ ամուսնութիւնների թւի մեծանալուն, այսինքն աշխատավարձի՝ անհրաժեշտ արժեքից վեր բարձրանալու հետ աւելանում է աշխատաւոր ոյժի արտադրութիւնը (ազգաբնակչութեան անուղղակի և ուղղակի աւելանալը) և նրա առաջարկը: Այդ հանգամանքը իր կողմից յարուցանում է վաճառողների (բանուորների) մրցում, և աշխատավարձը պէտք է ընկնի: Եթէ աշխատավարձը ընկնում է անհրաժեշտ արժեքից ցածր, պէտք է աշխատաւոր

ոյժի առաջարկը պակասի, ինչպէս այդ պատահում է իւրաքանչիւր ապրանքի հետ: Երբ ապրանքի վաճառանոցային գինը ընկնում է նրա իսկական արժէքից ցածր, այդ ապրանքի արտադրութիւնը կրճատւում է և նրա առաջարկը պակասում է: Բայց ինչպէս կարելի է կրճատել աշխատաւոր ոյժի արտադրութիւնը և նրա առաջարկը: Քանի որ իրանք բանուորներն են արտադրում աշխատաւոր ոյժը, վերջինիս արտադրութիւնը կրճատելու համար պէտք է ոչնչացնել աւելորդ բանուորներին...

Իրօք այդպէս էլ լինում է: Երբ աշխատավարձը անհրաժեշտ արժէքից ցածր է ընկնում (այսինքն աւելի ցածր է, քան պէտք է բանուորի ապրուստի համար), սովը իր օգնական—մահուան հետ տիրում է ամենուրեք: Աշխատավարձի ընկած դրութեան ժամանակ բանուորները չեն կարող լիովին բաւարարութիւն տալ իրանց պահանջներին,—մնում են քաղցած, ապրում են կեղտոտ և խոնաւ բներում, նրանց շորերը շատ վատ են պաշտպանում նրանց ցրտից ու խոնաւութիւնից: Ով աւելի թոյլերից է, նա չի կարող երկար տանել այդ դժոխային կեանքը: Սովը մահ է ուղարկում, և մահը սկսում է քայլել բանուորների բնակարաններում և կտրել թոյլերի ու փոքրերի կեանքի թելը: Բացի այդ՝ բանուորների համար այդքան աղէտաբեր ընկած դրութեան ժամանակ պակասում է ամուսնութիւնների և ծնունդների քանակութիւնը:

Եւ այսպէս, աշխատավարձի աւելանալու հետ ազգաբնակչութիւնը նոյնպէս աւելանում է անուղղակի—բանուորների երկարաժեշտութիւնը աւելացնելով, և ուղղակի—ամուսնութիւնների թիւը մեծացնելով. ընդհակառակը, աշխատաւարձի պակասելու հետ ազգաբնակչութիւնը պակասում է ուղղակի՝ «աւելորդ» բանուորները մահուան շնորհիւ, և անուղղակի՝ ամուսնութիւնների թելի պակասելով: Այսպիսի միջոցներով պակասում է աշխատաւոր ոյժի արտադրութիւնը (բանուորների դիակնները խօս չեն կարող նրանց արտադրել) և նրա առաջարկը: Իսկ երբ պակասում է առաջարկը, նորից մրցում է տեղի ունենում կապիտալիստների միջև, աշխատավարձը աւելանում է: Այսպիսով, իրանց բանուորների համար աշխատավարձի բարձրանալը, եթէ միայն նոր ձեռնարկութիւններ չեն բացւում,

կարող է ձեռք բերել միմիայն մահուան և ուրիշ բանուորների սոսկալի տառապանքների գնով:

Այսպիսի զարհուրելի կապանքներում է, որ գտնւում է բանուոր դասակարգը, շնորհիւ այն հանգամանքին, որ աշխատաւոր ոյժը (իսկ նրա հետ և իր՝ բանուորի անձնաւորութիւնը) ապրանք են դարձրել:

Ինչպէս որ մրցումը ապրանքների վաճառանոցային գինը հաւասարեցնում է նրանց անհրաժեշտ արժէքի հետ, նոյնպէս և աշխատավարձը մրցման միջոցով հաւասարում է աշխատաւոր ոյժի իսկական արժէքի հետ: Եթէ շնորհիւ պահանջի և աշխատավարձի ժամանակաւոր բարձրանալուն ժամանակաւորապէս բարւոքւում է և բանուորների կացութիւնը, սակայն այնուհետև սովը և մահը պատժում են նրանց դաժան կերպով՝ նրանց կարճատե բարօրութեան համար:

Այդ սոսկալի շղթաները գերմանացի սօցիալիստ Լասսալը առաջարկեց նոյնիսկ անուանել աշխատավարձի երկաթէ օրէնք, որը սարսափելի ճնշող ոյժ ունի այն պատճառով, որ բանուորները զրկուած են արդիւնաբերութեան միջոցներից և ստիպուած են ծախել իրանց աշխատաւոր ոյժը, ինչպէս սովորական ապրանք: Ուստի նրանց մէջ տեղի պէտք է ունենայ մրցում, ինչպէս և ապրանք վաճառողների միջև: Մի խօսքով, աշխատավարձի երկաթէ օրէնքը և սովի զարհուրելի իշխանութիւնը գոյութիւն ունեն ուղղակի շնորհիւ կապիտալիստական անտեսութեան ներկայ կարգերին:

Մենք տեսնում ենք սակայն, որ այդ երկաթէ օրէնքը միմիայն այն պատճառով և միմիայն այն ժամանակ է երկաթէ, քանի որ բանուորների միջև տիրում է մրցումը: Ի հարկէ, եթէ բանուորները բոլորն էլ առանձին են զեզբում և գործում են «ամեն մարդ իր համար, միայն Աստուած բոլորի համար» ապացուածքի հիման վրայ,—այդ գէպքում նրանք իրանք անխուսափելի կերպով աշխատավարձը այնքան ցածր են իջեցնում, որ հազիւ հազ մարդ կարող է ցամաք հացով ու կլասով եօլա գնալ: Եւ մինչև որ բանուորները չըհասկանան, որ մէկը միւսին և բոլորը մէկին պէտք է պաշտպանեն, բանուորները չեն կարողանայ ազատուել այդ տաժանակիր կեանքից. ոչ թէ

միմիանց խանդարել, ոչ թէ միմիանց հրել ու ճնշել, այլ ընդհանուր ոյժերով կռուել ընդհանուր թշնամի—գործատիրոջ դէմ և ստիպել նրան զիջումներ անելու,—ահա թէ ինչ է իւրաքանչիւր աշխատաւորի պարտքը:

Միայն այդ ժամանակ կոչնչանայ հիմնովին կապիտալիստական տնտեսութիւնը, կ'անհետանայ իսպառ մրցումը բանուոր մարդկանց միջև, և ուրեմն կ'անհետանայ «երկաթէ օրէնքի» սպառնալից ուրուականը: Բայց և այժմ բանուորներէ դրութիւնը անյուստալի չէ: Բանուորական միութիւնները, գործադուլները, ընդհանուր ինտերեսների համերաշխ պաշտպանութեան ամեն տեսակ ձևերը կարող են եթէ ոչ իսպառ վերացնել մրցումը բանուորների միջից, գէթ ընդունակ են բաւականաչափ թուլացնելու նրա ոյժը: Իսկ երբ թուլանում է մրցումը բանուորների մէջ, բարձրանում է և աշխատավարձը:

Հետևապէս, եթէ մի քանի սօցիալիստներ աշխատավարձի օրէնքը անուանում էին «երկաթէ», այդ խօսքերը չը պէտք է վհատեցնեն բանուորներին և զրկեն նրանց արիութիւնից: Թող այդ օրէնքը երկաթէ լինի, բայց երբ բանուոր մարդիկ գործեն համերաշխ, կըստեղծուի մի այնպիսի վիթխարի ոյժ, որի ճնշման տակ կը ծոռուի և երկաթը: Եւ ոչ միայն կը ծոռուի, այլ և կը կտորուի: Մղելով անընդհատ կռիւ տէրերի հետ, բանուորները այժմս էլ կարող են գէթ միքիչ ծռել սովի երկաթէ շղթաները: Բայց կըզայ ժամանակ, երբ բանուոր ժողովուրդը իսպառ կ'ոչնչացնէ այդ շղթաները և ջարդ ու փրշուր կանէ նրանց. իսկ այդ նպատակին հասնելու համար պէտք է վերջ տալ կապիտալիստական տնտեսութեան:

Այժմ մենք քննենք կապիտալիստական տնտեսութիւնը իր ամբողջութեամբ. նայենք թէ ի՞նչ ազդեցութիւն է գործուած նա բանուոր դասակարգի վրայ և ի՞նչպիսի դեր է խաղում նա մարդկութեան վիճակի համար...

VIII

ԿԱՊԻՏԱԼԻՍՏԱԿԱՆ ՏՆՏԵՍՈՒԹԻՒՆ

Սօսելով հինգերորդ գլխում մանուֆակտուրայի ծագման մասին, մենք կապիտալիստ անուանեցինք «խելքը գլխին» փականագործին, որը մանուֆակտուրայ բացեց իր մօտ. իսկ նրա մանուֆակտուրան մենք անուանեցինք կապիտալիստական ձեռնարկութիւն: Սակայն որո՞նք են կապիտալիստական ձեռնարկութեան յատկանիշները և ի՞նչ է կապիտալը: Նախ քան աղքատացած փոխանագործներին իր լուծի տակ գցելը, «խելքը գլխին» փականագործը պէտք է ունենայ գործարան, գործիքներ, նիւթեր,—մի խօսքով արդիւնաբերութեան միջոցներ:

Արդիւնաբերութեան այդ միջոցները (նիւթերը և գործիքները) ի հարկէ երկնքից չեն ընկնում, այլ նոյնպէս աշխատանքով են արտադրուած: Վարելահողի համար մաքրած գետինը, անասունները, գութանը, գործիքները, ամեն տեսակ շինութիւնները, մի խօսքով այն ամենը, որ հարկաւոր է խելացի աշխատանքի համար, այդ բոլորը մարդկային աշխատանքի արդիւնքներ են: Նախընթաց աշխատանքի այդ արդիւնքները, առանց որոնց անհնար է յետագայ աշխատանքը, գտնուած են մասամբ իրանց արտադրողների ձեռքում, իսկ մասամբ էլ այն անձինքների ձեռքում, որոնք իրանք չեն գործադրում նրանց, այլ ստիպում են ուրիշներին աշխատել այդ արդիւնքների միջոցով:

Եթէ արդիւնաբերութեան միջոցները իրանց արտադրողների ձեռքումն են գտնուում, այդ դէպքում վերջիններս կարող են, եթէ ուզեն, գործադրելով նրանց՝ արտադրել միայն անհրաժեշտ աշխատանք, միմիայն անհրաժեշտ արժէքը, իրանց գոյութիւնը և գործիքները նախկին դրութեան մէջ պահպանելու համար: Այսպէս, օրինակ, երկրագործը կարող է մշակել միայն այնքան հող, որքան հարկաւոր է նրան՝ իր և իր ընտանիքի ապրուստի, գործիքները սարքելու և անասունները կերակրելու համար: Փականագործը նոյնպէս կարող է միայն այնքան աշխատել, որ բաւական լինի նրա և նրա ընտանիքի

ապրուստի ու նրա գործիքները և արհեստանոցը կարգին դը-
լուծեան մէջ պահելու համար: Մի խօսքով՝ այն արտադրողը,
որը աշխատանքի միջոցներ և նիւթ ունի, կարող է չարտա-
դրել յաւելեալ աշխատանք և չստեղծել յաւելեալ արժէք, որով-
հետև նա հնարաւորութիւնն ունի առանց նրանց էլ եօլա գնալ:

Բոլորովին այլ բան է, եթէ արդիւնաբերութեան միջոց-
ները պատկանում են այնպիսի մարդկանց, որոնք նրանց չեն
գործադրում, այլ ուրիշի աշխատանքի միջոցով շրջանառու-
թեան մէջ են գցում նրանց: Արդիւնաբերութեան միջոցների
այդպիսի տէրերը չեն կարող բաւականանալ նրանով, որ
բանուորները միայն անհրաժեշտ աշխատանք գործադրեն և
անհրաժեշտ արժէք արտադրեն, որովհետև այդ դէպքում նրանց
բաժին չի մնայ, և հաշիւ էլ չի լինի գործ սկսել: Նրանք չեն
կարող եօլա գնալ առնց յաւելեալ աշխատանքի և յաւելեալ
արժէքի, որը նրանց շահն է կաղմում և որի համար նրանք
սկսում են որ և է գործ:

Աշխատանքի գործիքների այդպիսի տէրերին կապիտա-
լիստներ են անուանում, իսկ գործիքները՝ կապիտալ. կապիտա-
լիստը ծախսում է կապիտալը, բայց միայն այն դիտաւորու-
թեամբ, որպէս զի կապիտալը վերագտնայ նրա մօտ աւելա-
ցած, այսինքն շահի հետ:

Այսպէս ուրեմն, կապիտալ է մարդկային աշխատանքի
արդիւնքների սյն մասը, որի տէրերը գցում են նրան շրջա-
նառութեան մէջ ուրիշի աշխատանքի միջոցով շահ ստանալու
համար: Եւ որովհետև մարդկային աշխատանքի բոլոր արդիւնք-
ները իրանց արժէքը արտայայտում են փողով, այդ պատճա-
ռով փողն էլ կապիտալ է, եթէ նա շրջանառութեան մէջ է ընկ-
նում շահ բերելու համար: Կապիտալի այդ ձևակերպութիւնից
երևում է, որ կապիտալիստական տնտեսութիւնը կարող է
սկսուել միայն այն ժամանակ, երբ մարդկային աշխատանքի
արդիւնաւէտութիւնը որոշ աստիճանի է հասել: Եթէ բանուորը
կարող է իր աշխատանքով միայն անհրաժեշտ արժէքը արտադրել
(այսինքն արտադրել այնքան, որքան պէտք է նրա ապրուստի
համար), այդ դէպքում կապիտալիստը չի կարող յաւելեալ աշ-
խատանք կամ շահ ստանալ: Բացի այդ՝ կապիտալիստական



տնտեսութեան համար հարկաւոր են «աշխատաւոր ձեռքեր»,
այսինքն այնպիսի արտադրողներ, որոնք զրկուած են արդիւ-
նաբերութեան միջոցներից, և սովից ստիպուած են իրանց աշ-
խատաւոր ոչժը կապիտալիստներին ծախել:

Կապիտալիստական տնտեսութիւնը դեռ ոչ մի տեղ չէ
վերացրել իսպառ մանր արտադրողների տնտեսութիւնը, և ամե-
նուրեք գոյութիւն ունեն երկու ձևի տնտեսութիւններն էլ կողք
կողքի: Մեզ մօտ Ռուսաստանում մանր տնտեսութիւնը պահ-
պանւում է աւելի յամառութեամբ, քան ուրիշ երկիրներում:
Չլիսուելով արդէն մանր գիւղացու մասին, Ռուսաստանում դեռ
գոյութիւն ունեն հարիւր հազարաւոր տնայնագործներ, այսինքն
արդիւնաբերութեան միջոցներից դեռ ոչ բոլորովին զրկուած
մանր արհեստաւորներ: Բայց մեղանում կապիտալիստական
տնտեսութիւնը աւելի և աւելի է տարածւում շնորհիւ այն հանգա-
մանքի, որ մեծ չափերով ու քանակութեամբ գիւղացիները հողա-
զուրկ են լինում և կալուածատիրոջ համար «աշխատաւոր ձեռքեր»
դառնում: Երկու խօսք ասենք այդ մասին: Թէև մանր տնտեսու-
թեան ժամանակ ինքը արտադրողը ստանում է ոչ միայն անհրա-
ժեշտ արժէքը և յաւելեալը, որը այդ կապիտալիստական տնտե-
սութեան մէջ մտնում է կապիտալիստի դրպանը, — այնուամենայ-
նիւ մանր երկրագործ-արտադրողի գրութիւնը ոչնչով էլ լաւ
չէ, որովհետև համարեա նրա բոլոր արտադրածը ծախսւում է
հարկերի, հողաբաժինը յետ գնելու վճարումների և կալուածա-
տիրոջ հողի կապալավարձի համար, հողի, առանց որին նա չի
կարող եօլա գնալ շնորհիւ իր հողաբաժնի փոքրութեան:

Ամենանպաստաւոր պարագաներում արտադրող — երկրա-
գործի ձեռքում մնում է միայն անհրաժեշտ արժէքը, այսինքն
իր ինքնուրոյն տնտեսութիւնից նա ստանում է ոչ աւել, քան
ստանում է հասարակ մշակը կալուածատիրոջ մօտ: Եթէ մենք
տեսնում ենք, որ գիւղացիները յամառօրէն պահպանում են
իրանց տնտեսութիւնը, դրա պատճառը այն չէ, որ նրանց
մնում է իրանց արտադրած յաւելեալ արժէքի գէթ չնչին մա-
սը, այլ այն, որ նրանց համար խիստ ծանր է զրկուել ազա-
տութիւնիք և կապիտալիստի մօտ ընկնել աշխատաւոր անա-
սունի վիճակի մէջ: Բայց լինում է և այնպէս, որ այդ բոլոր

հարկերն ու վճարումները կլանում են ոչ միայն ամբողջ յաւելեալ արժէքը, որ արտադրում է երկրագործը իր տնտեսութեան մէջ, այլ նոյն իսկ և անհրաժեշտ արժէքի մի մասը: Ապրուստի միջոցները չեն բաւականացնում արտադրողին, որովհետեւ խլում են նրա բերանի հացը: Նա խառնուած հաց է ուտում. բայց այդ գրուածները երկար տեւել չի կարող: Եթէ նրա տնտեսութիւնը քայքայւում է՝ նա թողնում է իր հողը և գնում բանելու կայուածատիրոջ մօտ կամ գործարան, որտեղ նա աշխատավարձի միջոցով գէթ անհրաժեշտ արժէք է ստանում:

Շնորհիւ գիւղական հողաբաժնի պակասութեան, շնորհիւ գանձարանին տրուող ահագին վճարումներին և հողի կապալի սաստիկ բարձրութեան, գիւղացիները չեն կարող երկար պահպանել իրանց տնտեսութիւնը, որովհետեւ կառավարութիւնը և կայուածատէրերը նրանցից վերցնում են ոչ միայն յաւելեալ արժէքը, այլ և անհրաժեշտ արժէքի մի մասը: Մրանք են պատճառները, որ գիւղացիները հողագուրկ են լինում: Ինչպէս տեսնում էք, հողագուրկ լինելը ամենեւին կախած չէ տնտեսական պատճառներից, ինչպէս օրինակ արհեստաւոր—արտադրողի արդիւնաբերութեան միջոցներից զրկուելը կախուած է նրանցից շնորհիւ մանուֆակտուրայի մրցման: Մրցումը զուտ տնտեսական երևոյթ է, իսկ մեղանում գիւղացիները զրկուում են հողից առանց որ և է մրցման խոշոր տէրերի կողմից (ընդհակառակը, իրանք գիւղացիք իջեցնում են նրանց մօտ գները, երբ ծախում են չնչին գնով իրանց հացը՝ վճարումներից առաջ), այլ ուղղակի բռնի ոյժի շնորհիւ:

Ինչ վերաբերում է արհեստաւոր—արտադրողներին, որոնք սեփական գործիքներով են աշխատում,—նրանք էլ, ինչպէս ասացինք, կամաց-կամաց զրկուում են իրանց յաւելեալ արժէքից, շնորհիւ մանուֆակտուրայի մրցման. իսկ երբ շնորհիւ նոյն մրցման նրանց ազատ աշխատանքը սկսում է վարձատրուել անհրաժեշտ արժէքից ցածր, այդ ժամանակ նրանք զրկուում են իրանց տնտեսութիւններից և կապիտալիստի համար «աշխատանքի ձեռքեր» դառնում:

Կապիտալիստական տնտեսութիւնը մանուֆակտուրայից

է սկսում: Մանուֆակտուրան, ինչպէս մենք ասացինք 5-րդ գլխում, երևան է զայիս քաղաքներում, երբ հասարակութեան մէջ տեղի է ունենում աշխատանքի լայն բաժանումը, այսինքն երբ բանուորի աշխատանքը այնքան արդիւնաւէտ է դառնում, որ ոչ միայն կարող է կերակրել իրան բանուորին, այլ և շահ տալ կապիտալիստին: Մանուֆակտուրան մի կապիտալիստի իշխանութեան տակ հաւաքում է արդիւնաբերութեան միջոցներից զրկուած արհեստաւորների որոշ քանակութիւն և աշխատանքը դարձնում է աւելի արդիւնաւէտ, քան մանրարհեստ — արդիւնաբերութեան ժամանակ: Այդ հանգամանքը ծագում է նրանից, որ մանուֆակտուրային արդիւնաբերութեան ժամանակ արհեստանոցի և գործիքների համար աւելի քիչ է ծախսուում, իսկ աշխատանքի մանուֆակտուրային բաժանումը աւելացնում է աւելի ևս նրա արդիւնաւէտութիւնը:

Աշխատանքի մանուֆակտուրային բաժանման ժամանակ իւրաքանչիւր աշխատաւոր գործում է ամբողջ արդիւնքի միայն մի մասը, մինչդեռ աշխատանքի հասարակական բաժանման դէպքում իւրաքանչիւր մարդ արտադրում է ամբողջ արդիւնքը:

Մենք արդէն գիտենք, թէ ի՞նչ ազդեցութիւն ունի մանուֆակտուրան մանր արհեստաւորների վրայ: Նայենք այժմ, թէ ի՞նչ է անում նա այն «աշխատաւոր ձեռքերի» հետ, որոնց չար ճակատագիրը նրա դո՛ն է դարձրել:

Մանուֆակտուրայի գլխաւոր ոյժը աշխատանքի մանուֆակտուրային բաժանման մէջն է: Գործատիրոջ սուր հայեացքը տեսնում է այդ բաժանման բոլոր առաւելութիւնները և նա աշխատում է մտցնել նրան իր մանուֆակտուրայի մէջ ամենամեծ չափով: Թէ մինչև որ աստիճանի է հասնում մանուֆակտուրայում աշխատանքի բաժանումը, այդ կարելի է տեսնել նրանից, որ, օրինակ, ասեղների մանուֆակտուրայում իւրաքանչիւր ասեղ 72 բանուորի ձեռքից է անցնում, մինչև որ վերջնականապէս պատրաստ լինի: Այդ 72 բանուորներից ամեն մէկը կատարում է ամբողջ գործի միայն մի մասը, — մէկը երկաթ է թելն է քաշում, միւսը գլուխներն է ծակում, երրորդը ծայրերն է սրում և այլն: Իւրաքանչիւր բանուոր իր մասնակի աշխատանքի «սամթն է առնում» և կատարում է

նրան աւելի արագ ու լաւ, քան եթէ նա ստիպուած լինէր ամբողջ ասեղը պատրաստել: Մանուֆակտուրայի այդ 72 բանուորը միասին նոյն ժամանակի ընթացքում շատ աւելի ասեղներ կարտադրեն, քան 72 ինքնուրոյն արհեստաւորներ: Սակայն արդիւնքի ամբողջ արդիւնաբերութեան յարմարումը արդիւնքի մի չնչին մասին՝ թանկ է նստում բանուորի վրայ: Մտնելով մանուֆակտուրայի մէջ, արհեստաւորը, որը գիտէ ամբողջ ասեղ շինել, ստանում է այդ գործի միայն մի մասը, օրինակ, ասեղների ծայրերը սրելը: Նա շարունակ զբաղուած է միայն ծայրեր սրելով: Նրա ձեռները այնպէս են ընտելանում այդ միօրինակ գործին, որ, վերջիվերջոյ, դառնում են բոլորովին անընդունակ ուրիշ աշխատանքի: Արհեստաւորը իսպառ մոռանում է իր արհեստը:

Երբ արհեստաւորը արտադրում է ամբողջ արդիւնքը, նա յաճախ ստիպուած է խորհել, ինչպէս աւելի լաւ սկսել գործը, որպէս զի աւելորդ ժամանակ չըկորչի, կամ որպէս զի արդիւնքը աւելի լաւ արտադրէ: Ամբողջ արդիւնքի արտադրութեան ժամանակ նրա գլուխը աշխատում է նոյնպէս. մինչդեռ երբ բանուորը արդիւնքի միայն որոշ մասն է արտադրում, նրա ձեռքերը մեքենաբար կատարում են այդ աշխատանքը, նրա միտքը քնած է մնում, և նա կամաց-կամաց յողմեցնող և անվերջ միօրինակ աշխատանքից իսպառ բթանում է: Այդպիսով աշխատանքի մանուֆակտուրային բաժանումը հաշմանդամ է դարձնում բանուորի մարմինը, յարմարեցնելով նրան շարժումների մի չնչին քանակութեան և բթացնում նրա միտքը, զրկելով նրա աշխատանքը որ և է իմաստից: Եթէ մանուֆակտուրան, որը հաշմանդամ է դարձրել բանուորին և սովորեցրել նրան գործի մի «մասի», պատահմամբ փակուի, ո՞ր գնայ այդ հաշմանդամը: Նրա դրութիւնը աւելի վատ է, քան հասարակ բանուորի դրութիւնը. նա կարող է գործ գտնել միայն այնպիսի մանուֆակտուրայում, որտեղ նրա «մասի» համար պահանջ կայ:

Հաշմանդամ դարձած արհեստաւորը նոյնքան է կպած մանուֆակտուրային, որքան տաժանակիր աշխատանքի դատապարտուած կալանաւորը իր սայլին:

Այդպիսի դրութիւնը տալիս է կապիտալիստ—գործատի-

բոջը ահագին իշխանութիւն մանուֆակտուրային բանուորների վրայ: Ազատ արհեստաւորները իրանց ապրանքների արդիւնաբերութեան վերաբերմամբ մրցումից ջոկ ուրիշ ոչինչ իշխանութիւն չեն ձանաչում:

Իսկ մանուֆակտուրայում կապիտալը դնում է բանուորների վրայ իր երկաթէ թաթը, ընկճում, հաշմանդամ է անոթ նրանց, որպէս զի դրանով աւելի հեշտ լինի նրանցից իր շահը քամել: Բայց շուտով երևան է գալիս, որ կապիտալիստին բաւական չէ և այն իշխանութիւնը, որ նա ունի մանուֆակտուրային բանուորների վրայ: Չէ որ մանուֆակտուրան պահանջում է բացառապէս բանուորների վարպետութեամբ,

Շուկայում «աշխատաւոր ձեռքերի» մէջ արհեստաւորներ քիչ կան, ընտրութիւնը մեծ չէ: Արհեստաւորները գիտեն իրանց գինը և հիմնւելով իրենց անձնական յատկութիւնների վրայ, ամեն կերպ կուռն են կապիտալիստների ճնշումները գէմ:

Կապիտալիստը գործ ունի նրանց հետ որպէս մի ոյժի, որը խանգարում է նրան անվերջ աւելացնել իր կապիտալը: Բայց այդ արհեստաւորների աշխատավածը բարձր է հասարակ բանուորի վարձից:

Կապիտալիստների միջև ծագող մրցումը ստիպում է նրանցից ամեն մէկին իր ապրանքը ուրիշներից էժան ծախելիս կայ հնարաւոր է միայն այն ժամանակ, երբ այդ ապրանքի արտադրութեան համար անհրաժեշտ աշխատանքը պակասել է: Այդ պատճառով իւրաքանչիւր մանուֆակտուրիստ ձգտում է իր արդիւնաբերութեան մէջ աւելորդ դարձնել արհեստաւորների վարպետութիւնը, արհեստաւորների, որոնք այնքան էլ հանգիստ չեն տանում տիրող լուծը,—նա ձգտում է աշխատանքը աւելի հասարակ, աւելի հեշտ դարձնել: Երևան են գալիս մեքենաները: Ամեն մի մեքենայ բաղկացած է շարժիչ մասից և աշխատող մեքենայից: Եթէ մարդ ուշադրութեամբ դիտելու լինի աշխատող մեքենան, շատ հեշտ կերպով նա կըտեսնի, որ այն աշխատանքը, որ կատարում է արհեստաւորը գործիքի միջոցով, մեքենայի մէջ կատարում է նոյն գործիքով, միայն թէ այդ գործիքը այստեղ շարժում է մե-

խանիզմի միջոցով: Կարելի է ասել, որ գործիքը վերցրել են արհեստաւորի՝ ձեռքից և տուել մեխանիզմին՝ նոյն աշխատանքը կատարելու համար: Փայտ սղոցելու մեքենայի մէջ սղոցները շարժում են երկու լծակներ, որոնք նման են ձեռքերի և կատարում են նոյն շարժումը, ինչպէս և սղոցների ձեռքերը: Նոյնը կարելի է նկատել և գայլիկոնոզ (բուրդուով ծակող) մեքենայի մէջ: Տաշելու մեքենայի մէջ մետաղէ տախտակները տաշելու համար անազին խարբուղը (ոանդան) շարժում է «երկաթէ հիւսնի միջոցով»:

Մի խօսքով, մեքենան կատարում է մեքենական աշխատանք, որը աշխատաւորից պահանջում է երկար արհեստագիտական պատրաստութիւն. մեքենան փոխարինում է արհեստագիտական աշխատանքին:

Մեքենաները կապիտալիստներին տալիս են անազին օգուտներ:

Նախ և առաջ, փոխարինելով արհեստագիտական աշխատանքին, մեքենաները աւելորդ են դարձնում բանուորների համար արհեստ սովորելը: Մենք արդէն տեսանք, որ արհեստ սովորելը աւելացնում է աշխատաւոր ոյժի արժէքը: Ուրեմն աւելորդ դարձնելով բանուորների համար արհեստ սովորելը, մեքենաները պակասեցնում են աշխատաւոր ոյժի արժէքը կամ աշխատավարձը, իսկ այս հանգամանքը շահաւէտ է կապիտալիստի համար:

Երկրորդ՝ մանուֆակտուրայում ամբողջ արդիւնաբերութիւնը կախուած է բանուորների ճարպիկութիւնից, ուրեմն բացառապէս կախուած է առանձին անձնաւորութիւններից: Իսկ այս հանգամանքը խախտւում է դարձնում մանուֆակտուրային արդիւնաբերութիւնը, թոյլ չի տալիս նրա տիրոջը անել իր բանուորների հետ ինչ որ քէֆն է ուզում, որպէս զի նրանցից որքան կարելի է շատ շահ բամէ: Մեքենական արդիւնաբերութեան մէջ գործը բոլորովին այլ ընթացք է ստանում: Բանուորը գալիս է գործարան և արդիւնաբերութեան ամբողջ հիմքը (կմախքը) պատրաստ գտնում, — նրան հարկաւոր է միայն իր ոյժը գործադրել առանց որ և է հունարի: Մանուֆակտուրայում գործիքները ծառայում են բանուորին, իսկ բանու-


որը ամբողջ գործի գլուխն է, միեւնո գործարանում բանուորը ծառայում է մեքենային: Մեքենան անում է ամեն բան, իսկ նա կարծես միայն կազմում է մեքենայի մի մասը: Այդ հանգամանքը գործարանատիրոջ ձեռքը տալիս է մեծ իշխանութիւն բանուորների վրայ, արդիւնաբերութիւնը աւելի կայուն և հաստատուն է դարձնում: Ֆարքիկանտն ասում է. «Թող լինեն մեքենաներ, իսկ ձեռներ միշտ կը գտնուեն»: Եւ նա ձիշտ է ասում:

Երրորդ՝ մեքենաները աւելացնում են աշխատանքի արդիւնաւէտութիւնը, այսինքն մեքենական արդիւնաբերութեան ժամանակ բանուորը արտադրում է միևնոյն ժամանակի ընթացքում աւելի արդիւնքներ, քան մանուֆակտուրայինի դէպքում: Մենք գիտենք, որ կապիտալիստական տնտեսութիւնը հիմնուած է աշխատանքի արդիւնաւէտութեան վրայ. որքան բանուորի աշխատանքը աւելի արդիւնաւէտ է, այնքան պակաս է անհրաժեշտ աշխատանքը (ապրուստի միջոցների արտադրութեան համար հարկաւոր աշխատանքը), այնքան աւելանում են յաւելեալ աշխատանքը և յաւելեալ արժէքի արտադրութիւնը կապիտալիստի համար:

Մեքենական արդիւնաբերութեան՝ մանուֆակտուրայինի վերաբերմամբ ունեցած առաւելութիւնների մասին մենք խօսեցինք հինգերորդ գլխում: Նայենք այժմ, ի՞նչ ազդեցութիւն ունի մեքենական արդիւնաբերութիւնը այն բանուոր ձեռքերի վրայ, որոնք մեքենաների վրայ են աշխատում: Մեր դարը մեքենաների դար են կոչում: Եւ իրաւ, չը կայ արդիւնաբերութեան ոչ մի շրջան, որտեղ չը գործէին մեքենաները: Հողագործութեան համար կան շոգեգութաններ, կան հնձելու, կալսելու, ցանելու և ցորեն մաքրելու մեքենաներ: Չը կայ այժմ ոչ մի արհեստ, որ կարելի չը լինէր փոխարինել մեքենայով: Մի խօսքով, որտեղ որ մարդը պէտք ունի իր աշխատաւոր ոյժը գործադրելու ընթացքում առարկաների վրայ, նա ամենուրեք հանդիպում է մեքենայի, որը պէտք է զգալի կերպով նրա աշխատանքը պակասեցնէ և հեշտացնէ: Պէտք էր սպասել, որ մեքենաների ներմուծելու հետ բանուորի աշխատանքի քանակը կը պակասուէր է նա առանց մեքենայի օրական 12 ժամ էր աշխատում, մե-

քենայի վրայ նա կարող է արտադրել 8 ժամուայ մէջ նոյնքան արդիւնքներ, որքան և առաջ, ուստի նրա աշխատաւոր օրն էլ պիտի տւէր 8 ժամ: Իսկ իրականութեան մէջ բոլորովին այլ բան է գուրս գալիս,—մեքենայի ներմուծելու հետ աշխատանքի օրը երկարացնում է առանց չափ ու սահման ճանաչելու:

Արդ, սրտեղ են այդ աչք ծակող հակասութեան պատճառները: Ենթադրենք, որ և է ճարպիկ վաճառական մանուֆակտուրայ է բաց անում մեխեր շինելու համար. նա այնքան կապիտալ ունի, որ կարող 30 մարդու աշխատանք տալ: Իւրաքանչիւր բանուոր արտադրում է օրական 2 պուղ մեխ. 1 պուղ մեխը ծախւում է 2 ուրբով: Ամեն մի բանուորից գործարանատէրը ստանում է 50 կ. յաւելեալ արժէք. հետևապէս 30 բանուորից օրական նա կը ստանայ 15 ուրբլի: Բայց ահա մարդիկ հնարեցին պատրաստելու մեքենայ, և մեր ճարպիկ մանուֆակտուրիստը շտապեց ձեռք բերել նրան: Այդ մեքենան կրկնապատկեց աշխատանքի արդիւնաւէտութիւնը, և այժմ նոյն 60 պուղը կարող են արտադրել փոխանակ 30-ի՝ 15 բանուորներ: Մեխերի մաքուր արժէքը պակասեց կիսով չափ, որովհետև ամեն մի պուղի արտադրութեան համար այժմ պէտք է երկու անգամ պակաս աշխատանք: Եթէ նիւթի արժէքը 1 ուրբլի էր, և եթէ առաջ մաքուր արժէքը 1 ուրբլի էր, այժմ մաքուր արժէքը կը լինի 50 կոպ., իսկ մեքենական մեխերի մի պուղի արժէքը կը լինի 1 ուրբլի 50 կոպ. (1 ուրբլի նիւթն է և 50 կոպ. մաքուր արժէքը): Բայց մեր գործարանատէրը այնքան էլ յիմարներից չէ և ծախում է մեխերը նոյն գնով, ինչպէս և առաջ, այսինքն պուղը 2 ուրբլով: Այսպիսով նա կը ստանայ 15 բանուորի աշխատանքի համար նոյնքան, որքան առաջ ստանում էր 30 բանուորի համար, այսինքն նա ոչ միայն կը ստանայ նրա մօտ աշխատող 15 բանուորի յաւելեալ արժէքը, այլ և իր մօտ չաշխատող 15 բանուորի անհրաժեշտ արժէքը: Այս կը տւէ այնքան ժամանակ, մինչև որ մանուֆակտուրիստները նոյնպէս մեքենաներ ձեռք կը բերեն և մրցման միջոցով մեխերի գինը կիջեցնեն մինչև նրանց իսկական արժէքը—1 ուրբլի 50 կոպ.: Այդ ետու և կապիտալիստի համար հաճելի ժամանակը, որի ընթացքում նա մենակ է օգտուում նոր հնարած մեքենայով



և իր ջերն է գնում ահագին շահեր,—այդ ժամանակն է հէնց այն գրաւիչ ոյժը, որ ստիպում է կապիտալիստին մեքենաներ ձեռք բերել:

Սակայն ի՞նչ եղան մեր նախկին մանուֆակտուրիստի և այժմեան մեխերի գործարանատիրոջ բանուորները: Իր կապիտալով նա կարող էր միայն մի մեքենայ ձեռք բերել և 15 բանուորի գործ տալ այդ մեքենայի վրայ: Նա շատ կ'ուզէր մի երկրորդ մեքենայ էլ ձեռք բերել մնացած 15 բանուորի համար. այն ժամանակ 30 բանուորի աշխատանքի համար նա նոյնքան կը ստանար, որքան ուրիշ մանուֆակտուրիստներ ստանց մեքենաների ստանում են 60 բանուորի աշխատանքի համար: Բայց ինչքան էլ նա ուզենայ այդ խոշոր շահը ստանալ, նա ստիպուած է բաւականանալ մի մեքենայով և 15 բանուորներով, իսկ մնացածները նրա համար աւելորդ են դառնում և նա նրանց հաշիւ է տալիս ու գուրս անում:

Մինչև որ մրցումը մեխերի գինը չէ իջեցրել, հաւասարեցնելով նրանց իսկական արժէքին, մերնոր թխւած ֆաբրիկանաի գործերը լաւ են գնում: Նա ստանում է շահ այն բանուորներից, որոնք նրա մօտ էին աշխատում: Բայց այդ երկնային մանանան կը վերջանայ այն ժամանակ, երբ մեխերի գինը կիջնի միջև 1 ուրբլի 50 կոպէկ: Նա այժմ պէտք է բաւականանայ այն յաւելեալ արժէքով, որ նա գուրս է քաշում իր մօտ աշխատող 15 բանուորներից: Այստեղ միայն նա սարսափով գլխի է ընկնում, որ խաբուած է:

Մենք գիտենք, որ կապիտալիստի ստացած յաւելեալ արժէքի քանակը կախուած է նախ և առաջ՝ աշխատաւոր օրուայ երկարութիւնից, քրկրորդ՝ նրա մօտ աշխատող բանուորների թուից, երրորդ՝ աշխատանքի արդիւնաւէտութիւնից: Մինչև մեքենայի ներմուծելը՝ մեր ֆաբրիկանաւոր բանուորներից ստանում էր 15 ուրբլի յաւելեալ արժէք: Մեքենայի ներմուծելուց յետոյ աշխատանքի արդիւնաւէտութիւնը աւելացաւ, անհրաժեշտ արժէքի մեծութիւնը փոքրացաւ, իսկ յաւելեալ արժէքը աւելացաւ, ամեն մի բանուորից այժմ ֆաբրիկանաւոր ստանում է 60 կոպ. օրական: Բայց նրա մօտ մնաց 15 բանուոր, և նրանցից նա ստանում է օրական 9 ուրբլի, մինչդեռ առաջ նա ստանում էր 15

ու: Մեքենան միայն սկզբում գլուխը նրան իւզող շահերով, իսկ յետոյ այդ շահերը երազի նման չքացան: Ի՞նչ անէ: Բանուորներն թիւը աւելացնել նա չի կարող, որովհետեւ նրա կապիտալը չի բաւականանում. աւելացնել աշխատանքի արդիւնաւէտութիւնը աւելի կատարելագործուած մեքենայի միջոցով,— առայժմ նա անկարող է նոյնպէս: Մնում է ուրեմն միայն մի ելք յաւելեալ արժէքը աւելացնելու համար,— երկարացնել աշխատաւոր օրը: Այդպէս էլ անում է: Բայց դեռ մեխերն գինը 1 ուրլի 50 կոպ. չիջած, նա արդէն երկարացրեց աշխատաւոր օրը: Իբր մօտ ֆնացած 15 բանուորներին նա ստիպում է ուժերից վեր աշխատել, որպէսզի կարողանայ նրանցից ստանալ որքան կարելի է շատ ապրանք և օգտուել այն եւտն ժամանակից, քանի դեռ ուրիշները մեքենաներ չեն ձեռք բերել:

Սակայն ի՞նչն է տալիս ֆարբիկանտին այդպիսի իշխանութիւն աշխատանքի օրը երկարացնելու: Ահա թէ ինչ: Երբ արդիւնաբերութեան որ և է ճիւղի մէջ ներմուծում է մեքենան, «աշխատաւոր ձեռքերի» մի մասն աւելորդ է դառնում, «աշխատաւոր ձեռքերի», որոնք առաջ այդ արտադրութեամբ էին զբաղուած: Այդ աւելորդ «ձեռքերը» առանց այլևայլութեան գործարանից դուրս են շարժուում, և ինարկէ պէտք է ընկնեն շուկայ: Այնտեղ նրանք մեծացնում են աշխատանքի առաջարկը: Առաջարկի մեծանալու շնորհիւ մրցում է տեղի ունենում բանուորների միջև, և այդ մրցումը հնարաւորութիւն է տալիս ֆարբիկանտներին ոչ միայն պակասացնել աշխատավարձը, այլ և աշխատաւոր օրը չափից դուրս երկարացնել: Աւելորդ «ձեռքեր» շատ կան և կարիք չըկայ այնքան էլ անհանդիստ լինելու, որ անբաւարար վարձից և ծայրայեղ աշխատանքից բանուորները ձանձի նման մեռնում են: Բայց այդքանը դեռ բոլորը չէ: Մեքենաների ներմուծելու հետ աւելորդ է դառնում ոչ միայն բանուորների արհեստաւորական ճարպիկութիւնը, այլ և նրանց ֆիզիքական ոյժը: Մեքենայի վրայ թրջլ մարդը կարող է աշխատել նոյնքան աշոգութեամբ, որքան և ուժեղ: Շնորհիւ այդ հանգամանքին մեքենաների ներմուծելը առաջ է բերում կանանց և երեխաների աշխատանքը կա-

պիտալիստի համար: Այդ աւելի ևս մեծացնում է աշխատանքի առաջարկը և մրցումը բանուորների միջև:

Մենք տեսանք, որ աշխատավարձը պէտք է պարունակէ իր մէջ բանուորի և նրա ընտանիքի ապրուստի միջոցների արժէքը: Մանուֆակտուրային արդիւնաբերութեան ժամանակ մի բանուորի աշխատանքը պահում է նրա ամբողջ ընտանիքը: Շնորհիւ կանանց և երեխաների աշխատանքի առաջ գալուն մեքենական արդիւնաբերութեան ժամանակ ընտանիքի տիրոջ աշխատավարձը պէտք է իջնի ճիշտ այնքան, որպէս զի կնոջ ու երեխաների աշխատավարձի հետ միասին կարելի լինի պահել ամբողջ ընտանիքը: Այսպիսով մեքենաների ներմուծելու հետ բանուոր ընտանիքի ամբողջ աշխատանքը վարձատրուում է նոյն աշխատավարձով, որով մանուֆակտուրային արդիւնաբերութեան ժամանակ վարձատրուում է միայն ընտանիքի տիրոջ աշխատանքը: Մեքենայի հետ կապիտալիստին տրուում է հնարաւորութիւն երկարացնել աշխատանքի օրը:

Մենք արդէն տեսանք, թէ ինչպէս աշխատանքի մանուֆակտուրային բաժանումը բանուորների վրայ կորստաբեր ազդեցութիւն է անում նրանով, որ կապում-կաշկանդում է նրանցից ամեն մէկին մի չնչին գործի վրայ, հաշմանդամ ու անընդունակ է դարձնում նրան որ և է աշխատանքի համար: Ոչ պակաս վատթար ազդեցութիւն ունեն բանուորների վրայ և մեքենաները:

Ինքնուրոյն արտադրող-արհեստաւորը ստիպուած է ձեռք բերել ոչ միայն արհեստաւորական ճարպիկութիւն իր արդիւնքները արտադրելու համար, այլ և որոշ մտաւոր զարգացում, որ հնարաւորութիւն է տալիս նրան հասկանալ ամբողջ արդիւնաբերութիւնը և անել նրա մէջ ամեն տեսակ բարեփոխումներ: Այդ մտաւոր զարգացումը արհեստաւորը ստանում է ոչ միայն արհեստը սովորելու ժամանակ, այլ և այդ արհեստը գործադրելու ընթացքում: Երբ արհեստաւորը ընկնում է մանուֆակտուրայի մէջ, որտեղ գոյութիւն ունի աշխատանքի լայն բաժանում, նա արդէն կորցնում է աշխատանքի ամբողջ արդիւնաբերութեան մասին իր ունեցած հասկացողութիւնը,— նա արտադրում է արդիւնքի միայն մի մասը, իսկ ամբողջ ար-

տադրութեան մասին զիտէ միայն մանուֆակտուրայի տէրը: Բայց, երբ բանուորը մտնում է գործարան և բանում է մեքենայի վրայ, նա կորցնում է իր հասկացողութիւնը ոչ միայն ամբողջ արդիւնաբերութեան, այլ և նրա մի մասի մասին: Նա չը գիտէ, թէ ինչ արդիւնք և ինչպէս պէտք է տրտադրուի նրա աշխատանքով: Բանուորի ամբողջ գիտութիւնը, ամբողջ խելքը տնցնում է մեքենային, իսկ ինքը բանուորը մեքենայի միայն մի մասն է կազմում:

Այսպիսով կապիտալիստական տնտեսութիւնը, զրկելով բանուորին արդիւնաբերութեան միջոցներից, միևնոյն ժամանակ արդիւնաբերութեան մտաւոր կողմը բաժանում է Ֆիզիքականից: Մտաւոր կողմը և կապիտալը (գիտութիւն, մեքենաներ) կենդրոնանում են կապիտալիստների ձեռքին, իսկ Ֆիզիքական կողմը (աշխատաւոր ոյժը) բանուորի մօտ: Պարզ է, թէ յրպիսի սարսափելի իշխանութիւն է տալիս այդ հանգամանքը կապիտալիստին բանուորի վրայ, մանաւանդ եթէ աչքի առաջ ունենանք և միւս առաւելութիւնները:

Բանուորների մարմնի վրայ մեքենան ազդում է սաստիկ ֆիսասակար կերպով: Դեռ մանուկ հասակից բանուորը ստիպուած է լինում կատարել մի օրնէ գործ մեքենայի վրայ, իր շարժումները յարմարեցնել մեքենայի՝ մեռցնելու չափ միապաղաղ շարժումներին: Պարզ է, որ այդ մեքենայից ջուկ նա ոչ մի ուրիշ աշխատանք կատարելու ընդունակ չէ: Օրինակ, արագաշարժ սպարանական մեքենաների վրայ ստիպուած են աշխատել 13—14 տարեկան երեխաներ, որոնց ամբողջ աշխատանքը թղթերը մամուլի տակ դնելու մէջն է կայանում. և այդ աշխատանքը տեւում է օրական 12 ժամ: Զարմանալի էլ չէ ընաւ, որ այդ դժբաղդ արարածները իսպառ կորցնում են իրենց մարդկային կերպարանքը: Բայց ամենից վատն այն է, որ ջարդելով ու դժբաղդացնելով բանուորին մի մեքենայի վրայ աշխատելու շնորհիւ, կապիտալիստը յանկարծ նրան փողոց է շարժում: Տեսնենք թէ ինչն է ստիպում կապիտալիստին անել այդ քայլը:

Յաւելեալ արժէքի մեծանալը հնարաւոր է միայն այն ժամանակ, երբ մեծանում է բանուորների թիւը, երկարանում

է աշխատաւոր օրը և աւելանում աշխատանքի արդիւնաւէտութիւնը: Մեքենաների մտցնելուն պէս ֆարրիկանտի մօտ աշխատող բանուորների թիւը կրճատուում է և պակասում է նրա յաւելեալ արժէքը: Հետևապէս յաւելեալ արժէքը մեծացնել նա կարող է աշխատանքի օրը երկարացնելու միջոցով: Մենք տեսանք, որ կապիտալիստը անխիղճ կերպով է օգտուում իր գրութեամբ և երկարացնում է աշխատանքի օրը առանց չափ ու սահման ճանաչելու: Այժմ տեսնենք, թէ ինչպէս է նա աւելացնում մեքենաները ներմուծելուց յետոյ՝ իր շահը, աշխատանքի արդիւնաւէտութիւնը մեծացնելու միջոցով:

Բաւական է, որ մեքենան մանի արդիւնաբերութեան որ և է ճիւղի մէջ, և զբանից յետոյ աշխատանքի արդիւնաւէտութիւնը կարելի է մեծացնել միայն կամ մեքենաներ մտցնելով արդիւնաբերութեան այն բոլոր ճիւղերի մէջ, որտեղ գեռ չը կայ մեքենայ, կամ փոխարինելով մտցրած մեքենան նոր, աւելի կատարելագործուած մեքենայով: Իսկ որովհետև աշխատանքի արդիւնաւէտութիւնը մեծացնել կապիտալիստի համար անհրաժեշտ պահանջ է,— շահը խօս հարկաւոր է նրան— նա շարունակ մտցնում է նորանոր մեքենաներ: Մանուֆակտուրայում եթէ աշխատանքի բաժանումը հասցրած է որոշ աստիճանի, արդիւնքի արտադրութեան ձևը արդէն դառնում է անփոփոխ, քարանում է: Այդ ձևը անցնում է մի սերնդից միւսին, հօրից որդուն, ինչպէս այդ լինում է համըարութիւնների մէջ: Իսկ գործարանային արդիւնաբերութեան մէջ կապիտալիստի ձգտումը՝ որքան կարելի է աւելի շահ ունենալ՝ ստիպում է նրան կատարելագործել աշխատանքը, գործադրել նորանոր մեքենաներ և այգպիսով յաճախ փոփոխել արտադրութեան ձևը:

Մեքենաների այգօրինակ գործադրութիւնը դէպի վաճառանոց է շարժում աւելորդ դարձած շատ «ձեռքեր»: Այդ «ձեռքերը» պէտք է մի կերպ սովորեն ուրիշ մեքենաների վրայ գործել, իսկ այդ նրանց համար դժուար է անել մանաւանդ այն պատճառով, որ ամեն մի մեքենայ պահանջում է այնպիսի բանուորներ, որոնք ընտելացել են նրան և հաշմանդամ դարձել նրան յարմարուելու շնորհիւ: Այսպիսով գործարանային ար-

դիւնարերու թիւնը շարունակ նորանոր մեքենաներ մտցնելով և գտնուելով անընդհատ շարժման մէջ, յաճախ շարտում է դէպի վաճառանոց «աշխատաւոր ձեռքերը» և պահանջում նրանցից աշխատելու ընդունակութիւն. ինչ մեքենայ էլ լինի: Կրկին մեր առաջն է կապիտալիստական տնտեսութեան ազազակոյ հակառակութիւնը, որի հետեանքը լինում է բանուոր դասակարգի սոսկալի տառապանքները: Փարբիկանտների դէպի շահը ունեցած ազահութիւնը ստիպում է նրանց մտցնել նորանոր մեքենաներ: Բայց կան այն տեսակ մեքենաներ, որոնք շատ թանգ արժեն և նրանց մտցնել կարող են միայն խոշոր կապիտալիստները: Եթէ մի խոշոր կապիտալիստ այդ տեսակ թանգ մեքենայ մտցրեց իր արդիւնաբերութեան մէջ, այդ դէպքում մանր կապիտալիստի հետ ունեցած մրցման մէջ նա յաղթող կը հաղխանայ, որովհետեւ նրա նոր մեքենան աւելացնելով աշխատանքի արդիւնաւէտութիւնը, հնարաւորութիւն է տալիս խոշոր կապիտալիստին ապրանքը աւելի էժան ծախել, քան մանր կապիտալիստը: Ինչպէս որ մանուֆակտուրան ջախջախում է առանձին արտադրողներին, այսպէս էլ աւելի խոշոր մանուֆակտուրան ջախջախում է սւելի մանրը. ինչպէս որ գործարանը յաղթահարում է խոշոր մանուֆակտուրան, այսպէս էլ խոշոր գործարանը պէտք է մրցման միջոցով յաղթահարէ մանր գործարանը: Մի խօսքով, մրցումը ձգտում է ամբողջ արդիւնաբերութիւնը հետզհետէ զցել խոշոր կապիտալիստների ձեռքը:

Միայն խոշոր կապիտալիստը կարող է մեծ կատարելագործումներ անել իր արդիւնաբերութեան մէջ, աշխատանքը ամենից շատ արդիւնաւոր դարձնել: Կապիտալիստական տնտեսութեան բնորոշ յատկութիւնն է հէնց խոշոր կապիտալի և խոշոր արդիւնաբերութեան տիրապետութիւնը:

Սոշոր ֆարբիկանտները որոշակի չը գիտեն, թէ ի՞նչքան ապրանք է պէտք վաճառանոցի համար. բայց շնորհիւ այն հանգամանքին, որ նրանք ձգտում են որքան կարելի է մեծ շահ ստանալ, նրանք ստիպուած են որքան կարելի է շատ ապրանք արտադրել: Այդ պատճառով յաճախ պատահում է, որ վաճառանոցները լցում են ապրանքներով, որոնք մնում են

անշարժ: Մեքենայի ներմուծումը փողոց է շարտում «աւելորդներին» և իջեցնում է գործող բանուորների աշխատավարձը: Շնորհիւ դրան բոլոր բանուորները ստիպուած են կրճատել բոլոր ապրանքների սպառումը, և ապրանքների պահանջը այգպիսով պակասում է: Միեւջեւ, թէև ճիշտ է, որ պահանջը քըչացել է, սակայն նոր ներմուծած մեքենաները շատ աւելի ապրանք են արտադրում, քան առաջ և աւելի ևս մեծացնում են առաջարկը: Այս երևոյթը կրկին կապատալիստական տընտեսութեան հակառակութիւններից մէկն է, և սրա հետեանքն է արդիւնաբերութեան ժամանակաւոր դադարումը, կամ ինչպէս ասում են—ճգնաժամը:

Վաճառանոցը ապրանքներով լցուած լինելու և բանուորների թշուառ դրութեան շնորհիւ, ապրանքի պահանջը ընդհատում է, և այդ պատճառով այդ ապրանքների արտադրութիւնը պէտք է պակասի: Սոշոր ֆարբիկանտները ստիպուած են կրճատել արդիւնաբերութիւնը կամ բոլորովին ընդհատել այն. շնորհիւ այդ բանի կրկին փողոց է շարտում բանուորների մի անհամար քանակ, որոնց միակ վիճակն է սովամահ լինելը: Այդպիսով խոշոր արդիւնաբերութիւնը երկու կողմից հարուածում է խեղճ բանուորին: Մի անգամ՝ մեքենաներ մտցնելով և բանուորների մի մասը «աւելորդ» դարձնելով, միւս անգամ՝ գործարանը փակելով: Եւ այդ գրութիւնը կրկնում է անդադար, որովհետեւ ինքը կապիտալն էլ անդադար շարժման մէջ է:

Այժմ ամփոփ գաղափար տանք կապիտալիստական տընտեսութեան մասին:

Կապիտալիստական տնտեսութիւնը սկսում է այնտեղ, ուր աշխատանքի հասարակական բաժանումը դարձրել է աշխատանքը արդիւնաւէտ, և ուր բանուորները զրկուած են արդիւնաբերութեան արտադրութեան միջոցներից: Կապիտալիստական տնտեսութեան հիմքն է վարձու աշխատանքը և կապիտալի աճումը՝ բանուորների արտադրած յաւելեալ արժէքի հաշին: Մանուֆակտուրան վատացնում է մի կողմից ինքնու-

ըոյն մանր արտադրողները գրութիւնը, միւս կողմից հաշմանդամ է դարձնում բանուորներին, աշխատանքի մանուֆակտուրային անսահման բաժանման միջոցով: Մանուֆակտուրայի մրցումը առաջ է բերում մեքենաներ: Մեքենաները փոխարինում են արհեստաւորներին ուժին և ճարպիկութեանը. մի կողմից նրանք դուրս են շարտում աւելորդ «աշխատաւոր ձեռքերը», միւս կողմից կապիտալիստների օգտին աշխատելու համար գործարան են քաշում կանանց և երեխաներին: Բանուորների սոսկալի մրցումը մեքենաների ներմուծման շնորհիւ տալիս է կապիտալիստին անսահման իշխանութիւն բանուորների վրայ: Այդ իշխանութիւնը արտայայտւում է աշխատաւոր օրուայ անսահման երկարանալու և աշխատավարձի պակասելու մէջ: Աշխատավարձի պակասելը ստիպում է բանուորին ծախել կնոջ ու երեխաների աշխատաւոր ուժը կապիտալիստին: Աշխատաւոր ամբողջ ընտանիքի աշխատանքը վարձատրւում է այնպէս, ինչպէս մանուֆակտուրայում վարձատրւում է միայն ընտանիքի տիրոջ աշխատանքը: Մեքենական արդիւնաբերութիւնը հաշմանդամ է դարձնում բանուորին, նրա մարմինը յարմաշեցնելով մեքենային, և բթացնում է բանուորի խելքը, բաժանելով արդիւնաբերութեան մտաւոր կողմը ֆիզիքականից: Մեքենաների ներմուծելուց յետոյ կապիտալիստը պէտք է մտածէ աշխատանքի արդիւնաւորութիւնը աւելացնելու մասին: Նա պէտք է շարունակ նորանոր մեքենաներ մտցնէ: Այստեղից առաջ են գալիս փոփոխութիւններ արդիւնաբերութեան մէջ: Կապիտալիստական տնտեսութիւնը կործանում է բանուորի հոգին, բոլորովին հպատակեցնելով նրան կապիտալին, որը ոչ արդարութիւն գիտէ, ոչ նամուս, ոչ բարութիւն. նրա համար գոյութիւն ունի միայն մի օրէնք—շահը:

Սակայն զրանով չի սպառուում այն ամբողջ չարիքը, որ բղխում է կապիտալիստական տնտեսութիւնից: Կապիտալիստական կարգերը իրանց ծանրութեամբ ընկճում են ոչ միայն քաղաքային բանուորներին և մանր արհեստաւորին, այլ նրբանցից ոչ պակաս չափով ճնշւում է և գիւղացին:

Շնորհիւ մանուֆակտուրային և ապա գործարանային արդիւնաբերութեան՝ շատ առարկաներ, որ գիւղացին



տանն էր պատրաստում, աւելի ձեռնտու դարձաւ վաճառանցում գնել: Առաջ գիւղացին իր սեփական նիւթից էր պատրաստում իր բոլոր շորերը: Այժմ գործարանային և մանուֆակտուրային գործուածքները իրանց էժանութեամբ աւելորդ են դարձնում գիւղացու այդ աշխատանքը: Հագուագիւտ բան է, որ գիւղացին այժմ տանը մահուկ գործէ և զրահամար գիցուք 20 օր գործադրէ, մինչդեռ նոյն մահուկը և գուցէ էլ աւելի լաւն ու գեղեցիկը վաճառանոցում կարելի է ձեռք բերել տասը օրուայ աշխատանքի գնով: Նոյնը կարելի է ասել և ուրիշ առարկաների մասին, որ գիւղացիները մի ժամանակ իրանք իրանց համար էին արտադրում, իսկ այժմ գնում են շուկայում: Շնորհիւ դրան՝ գիւղացու տնտեսական աշխատանքը սաստիկ կրճատուել է: Առաջ նա զբաղուած էր ամբողջ տարին, ամառը՝ հողագործութեամբ, ձմեռը՝ տնային աշխատանքով: Այժմ շատ տեղերում ձմեռը տանը աշխատելու բան չունի: Իր տնտեսութեան համար նա այժմ շատ աւելի քիչ ժամանակ պէտք է գործադրէ, քան առաջ: Բայց մենք արդէն գիտենք, որ ինչքան պակաս ժամանակ գործադրէք արդիւնաբերութեան մէջ, այնքան աւելի քիչ արժէքներ կը ստեղծէք: Հետեւապէս այժմ գիւղացին իր տնտեսութեան մէջ շատ աւելի քիչ է արտադրում, քան առաջ, և ուրեմն շատ աւելի քիչ եկամուտ է ստանում:

Բացի այդ՝ նա ստիպուած է այժմ գնել շուկայում այն առարկաներից շատերը, որ առաջ ինքն էր արտադրում. և ոչ միայն այդ առարկաները, այլ և շատ ուրիշները, որոնք ժամանակի ընթացքում մարդու համար անհրաժեշտ դարձան— նաւթ, թէյ, շաքար, լամպեր, գրքեր և այլն: Այդ առարկաները գնելու համար նա պէտք է ծախսէ իր՝ առանց այն էլ պակասած եկամուտի մի մասը: Քանի գնում, այնքան աւելի ու աւելի պահանջ է զգացւում, մինչդեռ փող ձեռք բերելը աւելի ու աւելի դժուարանում է: Կապիտալիստական տնտեսութիւնը գիւղացու աշխատանքի զգալի մասը բոլորովին աւելորդ է դարձրել ճիշտ այնպէս, ինչպէս նա աւելորդ է դարձնում քաղաքային բանուորների աշխատանքի զգալի մասը, նոր մեքենաներ մտցնելու շնորհիւ:

Աւելի զգալի վնասներ է հասցնում կապիտալիզմը գիւղա-
ցուն նրանով, որ մտնում է նաև գիւղատնտեսութեան շրջանը:
Օրինակ, Ամերիկայում խոշոր կապիտալիստները և կապիտալիս-
տական ընկերութիւնները իրանց ձեռքը գցեցին ամենալաւ,
դեռ չվարած հողերի անագին տարածութիւններ, մշակում են
նրանց գիւղատնտեսական ամենալաւ մեքենաներով և ուրիշ
կատարելագործուած միջոցներով, որով մեծապէս տնտեսում
են մարդկային աշխատանքը: Նրանք լցնում են վաճառանոցը
էփան հացով և սաստիկ իջեցնում են գները: Հացը օրէցօր
էփանանում է: Եթէ առաջ գիւղացուն բաւական էր մի փութ
ալիւր շուկայ բերել, որպէսզի նա ձեռք բերէր փող և հար-
կերի, և՛ տնտեսութեան ամեն կարիքների համար,—այդ բանի
համար այժմ հինգ փութն էլ հերիք չէ: Եթէ գիւղացին գրա-
գէտ լինէր և ջիւրերումը աւելորդ մի քանի կոպէկ ունենար,
նա էլ կարող էր բարելաւել մշակումը, պարարտացումը, ձեռք
բերել աւելի լաւ սերմեր, մեքենաներ: Սակայն նրան տգիտու-
թեան մէջ են պահում և ոչխարի նման խուզում են, հէնց որ
հնարաւորութիւն կայ: Եւ անա նա զօր է տալիս իր հողին, և
շարունակ վարելով ուժասպառ է անում նրան: Գիւղացին եզի-
նման աշխատում է, բայց նրա օգուտը չնչին է: Ուրիշ խօս-
քով՝ գիւղացու աշխատանքը կորցնում է իր գինը, և գիւղա-
ցու բարօրութիւնը, որ նրա սեփական աշխատանքի վրայ է
հիմնուած, պէտք է կամաց-կամաց ընկնի:

Գիւղացիների ընդհանուր բարօրութեան անկումը, որը
գլխաւորապէս առաջ է գալիս գիւղացու աշխատանքի գինը
կորցնելուց, տալիս է այն հետեանքը, որ նրանց գնելու ոյժը
ընկնում է, այսինքն աւելի և աւելի դժուար է դառնում նը-
բանց համար գնել մանուֆակտուրային և գործարանային ար-
դիւնաբերութեան այնքան առարկաներ, որքան նրանց հարկա-
ւոր է: Կապիտալիստների գործերը սպառնում են կանգ առնել,
յետևից նկատելի է դառնում ճգնաժամի ուրուականը: Այդ
հեռացնելու համար կապիտալիստները սկսում են հոգալ, որ-
պէսզի իրանց ապրանքների համար զբոսում մուշտարի գտնեն,
կամ, ինչպէս ասում են, գտնեն արտաքին շուկայ. դրա հա-
մար փնտրում են, թէ ում հետ կարելի է պատերազմ սկսել,

զօրով հող ձեռք բերել, օտար ժողովուրդներ հպատակեցնել: Եթէ
այդ յաջողուեց, կապիտալիստների գործը լաւ է: Նոր նուա-
ճուած երկիրը նրանք կարող են առանց հարկի, առանց մաքսի
ուղածներին չափ ապրանք տանել, իսկ եթէ օտարերկրացի
վաճառական գնայ այնտեղ, նա ստիպուած է կամ մեծ տուրք
տալ սահմանի վրայ, կամ պէտք է «փաստ-փուստն» քոչէ...

Մեծացնելով իրանց զօրքերը՝ զօրեղ պետութիւնները
ստիպում են աւելի թոյլերին ստորագրել այնպիսի պայմանա-
գրեր, որոնց համաձայն նրանք պարտաւորում են, դիցուք,
ոռւսաց ապրանքների ներմուծումը թոյլ տալ աւելի ձե-
ռնտու պայմաններով, քան ուրիշ պետութիւնների ապրանք-
ները, և ամեն կերպ նպաստել ոռւսաց առևտրին՝ իրանց հը-
պատակների մէջ: Վերջապէս, մեծ և մշտական զօրքը անհրա-
ժեշտ է բուրժուազիային նրա համար, որպէս զի երկիրդ և
հպատակութեան մէջ պահուի ժողովուրդը, որը իր աշխատան-
քով հայթայթում է նրա համար անհրաժեշտ յաւելեալ արժէքը:

Ահապիս զօրք, պաշտօնեաներ, ամեն տեսակ ոստիկանու-
թիւն պահել, առանց որոնց չի կարելի երեւկայել կապիտա-
լիստական տնտեսութիւնը, իր ամբողջ ծանրութեամբ ընկնում
է աշխատաւոր ժողովուրդի, մանաւանդ գիւղացիութեան վրայ:
Գիւղացին համարում է ինքնուրոյն տնտեսութեան տէր: Ա-
ռաջին հայեացքից թւում է, թէ նա իր աշխատանքից ստա-
նում է ոչ միայն նրա ամբողջ արժէքը, ինչպէս այդ լինում է
նպաստաւոր պայմաններում գործարանական բանուորի հետ,
այլ և այն յաւելումը, այն յաւելեալ արժէքը, որ վարձու բա-
նուորը պէտք է գործի տիրոջ տայ:

Գիւղացիների տնտեսութեան քայքայումը ձեռնտու չէ և
բանուորի համար: Աշխատանքի յետևից ընկած գիւղացիները
լցնում են քաղաքները, համաձայնելով աշխատել ամենաչըն-
չին գնով, հպատակուելով ամեն տեսակ անպատկառ վերաբեր-
մունքի և կամայականութեան՝ տէրերի կողմից: Տէրերը օգ-
տոււմ են դրանից, որպէս զի փոխարինեն ըմբոստ բանուոր-
ներին, գործադուլ անողներին՝ քաղցած ու հնազանդ աղքատ—
գիւղացիներով: Բանուորներին հարստահարելը օրէցօր աւելա-
նում է, տէրերը հրճուանքի մէջ են: Գիւղացիների աղքատա-

նալը նպաստում է բանուորների աղքատանալուն: Սովը գիւղացուն և բանուորին կապում է ստրկական աշխատանքի տաժանակիր սաշլակին՝ յօգուտ կապիտալիստների, կառավարութիւնների և ամեն մարդակեր վաշխառուների:

Ահա թէ ինչու ուրիշի աշխատանքով չ'օգտուող հողատիրը — գիւղացիների և վարձու բանուորների թշնամիները միենոյն մարդիկ են:

Եւ իրաւ, ո՞ր դժբախտութեան, ո՞ր չարիքի պատճառը կապիտալիստական անտեսութիւնը չէ. ո՞րը պարտական չէ նրան իր գոյութեամբ և իր զօրութեամբ: Աշխարհիս երեսին չկայ չարիք, որը առաջացրած չըլինէր, կամ գոնէ ուժեղացրած չըլինէր կապիտալիզմը, բացի մահուանից, որ արդէն ճակատագիրն է դրօշմել բոլորիս ճակատին: Բայց չէ՞ որ մահն էլ, ինչպէս յայտնի է, աղքատ բանուորների թաղերում աւելի յաճախակի հիւր է, քան քաղաքների այն մասերում, որտեղ հարուստներն են ապրում: Մանաւանդ այդ վերաբերում է երեխաներին, շնորհիւ ծնողների աղքատութեան՝ թողնուած բախտի կամքին, զրկուած լաւ, առողջարար միջոցից, կարգին շորերից, — աղքատների երեխաները մեռնում են ճանճի նման: Ամեն տեսակ հիւանդութիւններ, մանաւանդ փոփոխականները, ամենից առաջ բուն են դնում քաղաքների ամենախիտ մասերում, որտեղ կեդոտութեան ու անձկութեան մէջ քարը են տալիս իրենց ողորմելի գոյութիւնը աղքատները՝ գետնափորերի, կիսախարխուլ աների մէջ, որտեղ մարդիկ լցուած են իրար վրայ որպէս ձկները տակառում: Նոյն բանը, միայն քիչ ուրիշ ձևով, կատարում է գիւղում, — անձկութիւնը, կեդոտութիւնը, վատ սնունդը, տգիտութիւնը — այդ բոլորն էլ բաց են անում հիւանդութիւնների, այլանդակութիւնների և դժբախտութիւնների դուռը: Իսկ երբ սովը սովի յետևից ուժասպառ է անում գիւղը, սկսում են հիւանդութիւնները — տիֆը և ամեն տեսակ ցաւեր գետին են գլորում սովից ուժասպառ եղած գիւղացուն: Իսկ խոշոր քաղաքներում, սովի այդ ոսկեգօծ մայրաքաղաքներում, նրանց մութ ու խոնաւ գետնափորերի մէջ, որտեղ կուչ է գալիս աղքատութիւնը, որտեղ բանուորների ընտանիքները առանց լոյսի ու օդի, կեդոտութեան ու խոնաւութեան մէջ

անց են կացնում իրանց կեանքը, — այնտեղ մահն ու ցաւերը իրանց լըրախճանքն են կատարում: Այնտեղ, այդ վիթխարի գործարանների ֆաբրիկաների մէջ, որտեղ աշխատաւոր ժողովուրդը իր սուրբն է տալիս սովին իր երակների վերջին նիւթով, այնտեղ են մարդիկ ուժասպառ լինում, այնտեղ են փչանում նրանց թոքերը, կուրանում աչքերը և այնտեղ է կըրճատում հալումաշ եղած կանանց ու երեխաների կեանքը: Ուրեմն, նոյնիսկ այնպիսի բնական շարիքներ, ինչպիսիք են մահը, ծերութիւնը և վատառողջութիւնը, կիսով չափ ուժեղանում են՝ ծնորհիւ կապիտալիստական անտեսութեան և նրանից կախուած ժողովրդական աղքատութեան:

Ուրիշ ցաւերի մասին, որոնք առաջ են գալիս մարդկանց վարմունքներից, կարիք էլ չըկայ խօսելու, — նրանց բոլորի էլ ընդհանուր պատճառը, հիմքը կապիտալիստական անտեսութիւնն է, հարստի՝ աղքատի վրայ, ուժեղի՝ թոյլի վրայ ունեցած առաւելութիւնն է: Այդ պարզաբանելու համար կանգ առնենք մի քանի փաստերի վրայ:

Հազարաւոր մարդիկ նստած են մեղանում բանտերում. 30 հազարի չափ մարդիկ ամեն տարի դատի են ենթարկւում, և նրանց կէսը համարեա ուղարկւում է Սիբիր՝ տաժանակիր աշխատանքի կամ այնտեղ բնակեցելու համար: Մեղապարտների այդ ահագին բանակը պահելու համար մեղանում ծախսում են տարեկան համարեա 15 միլիոն ուրբի, — այդ փողը ծախսւում է բանտերի շինութեան, բանտարկեալների շորերի, շղթաների, կօնվոյի, բանտարկեալներին մի տեղից միւսը փոխադրելու, զանազան վերակացուների, անտեսների վոճմակի վրայ: Ո՞րտեղից է «թշուաւների» այդ ամբոխը: Սովը, — ահա թէ ինչն է բշուած մարդկանց: Այսօր չը գտաւ աշխատանք, վաղը՝ նոյնպէս, և մարդը յուսահատութիւնից դիմում է վատ գործի: Անբերբիութիւնը անբերբիութեան յետևից, սովը սովի յետևից, — իսկ օգնութիւն ոչ մի տեղից էլ չկայ, — երեխաները ճանճի նման մեռնում են, և անասելի ցաւից ստիպուած հայրերն ու մայրերը պատրաստ են ամեն տեսակ վատ գործ կատարել, գէթ չը լսեն իրանց երեխաների լացն ու աղաղակը: Նկատուած է, որ սովի տարիներում բանտերը լիքը լըց-

ուած են լինում: Չմեռը մեծ քաղաքներում հարիւրաւոր մար-
դիկ յանցանք են գործում բոլորի աչքի առաջ, միայն թէ մի
կերպ բանաւ ընկնեն: Արխանգելսկում, օրինակ, մարդիկ ամեն
տարի իրանք են դալիս ոստիկանութեան յայտնելու իրանց
ոճիրների մասին, որպէս զի նրանց «տաք ու կուշտ» տան մէջ
նստեցնեն, այսինքն բանաւ: Եւ ամենից շատ այնտեղ նստած
են գիւղացիներն ու բանուորները, որոնք աշխատանք չեն կա-
րողացել գտնել: Իսկ այնտեղ մարդիկ սովորում են հեշտ կեան-
քի, և առաջի «մեղքից» յետոյ սկսում են աւելի յաճախ ու
յաճախ մեղք գործել: Մակայն սովից-ցրտից կատարած ամե-
նափոքր յանցանքի համար անգամ մեր օրէնքները խիստ պա-
տիժ են տալիս, մինչդեռ մեծ յանցանքների մասին մենք շատ
քիչ գիտենք: Չափից ուրս հարստութիւնը անգործութիւնը
նոյնպէս առաջ են բերում շատ ոճիրներ, աւելի զազրալի, քան
անհուն աղքատութիւնն է կատարում: Կապիտալիզմը տանում
է դէպի անառակութիւնը, մահ... Ռճրագործները նստած են
բանտերում: Այնտեղ կանայք քիչ կան: «Սովը» սրանց փողոց
է քշում և զցում անառականոցները—սրանք ընկնում են քա-
ղաքներում անառակութեան ու հիւանդութիւնների մէջ, ծա-
խելով իրանց մարմինը: Միայն Մոսկուայում անառակութեամբ
ազատ պարապող կանանց թիւը հասնում է 20 հազարի, իսկ
գաղանի պարապողները—անթիւ, անհամար: Նոյնն է և Պե-
տերբուրգում և մանաւանդ առևտրական քաղաքներում՝ Օդես-
սայում, Ռիգայում և մասամբ Վարշավայում, որտեղ անառա-
կութիւնը աւելի ուժեղ է ու ատրածուած, քան ուրիշ տեղե-
րում: Աղքատութիւնը քշում է ջանել աղջիկներին այս քաղաք-
ները, և նրանք ընկնում են հարուստ և անառակ աղաների և
նրանց որդիների ձեռքը, որոնք դժբաղդացնում են նրանց հա-
զարներով: Ամեն տարի ուղղիչ տներ են ընկնում հազարաւոր
երեսաններ (միայն Մոսկուայի ուղղիչ տան մէջ 18 հազար ե-
րեսայ կայ), իսկ քանի քանիսը սրանցից մեռնում են: Ո՞վ է
մեղաւորը: Նորից նոյն կապիտալիզմը, որը իր ազահ բերանով
լափում է մարդկանց և փչացնում նրանց իր գարշելի, թունա-
ւոր շնչով: Եւ դժուար է դրա հետ կռուել՝ շնորհիւ այն դրու-

թեան, որ ստեղծուել է կապիտալիզմի և կամայականութեան
ճնշման տակ:

Արդ, որտեղ կարող է մարդկային բնութիւնը զարգանալ
և ուղղուել, եթէ կեանքի կռիւը տիրել է մարդուս բոլոր մըտ-
քերին: Բայց նայեցէք ձեր շուրջը և կըտեսնէք, որ հասարա-
կութեան բոլոր խաւերում ամեն ըողէ տեղի ունի անընդհատ
կռիւ մարդկանց միջև, բոլորի կռիւը բոլորի դէմ, կռիւ
հարստութեան, իշխանութեան, պատւի և ամենից շատ մի
կտոր սև հացի համար: Կռիւը, որի ժամանակ մարդիկ կորց-
նում են ճշմարտութեան ու ստի պատւի ու անպատուութեան
մէջ եղած զանազանութեան հասկացողութիւնը, զցում է նրանց
սոսկալի անառակութեան, անգթութեան, զազանութեան ու
անսահման դժբաղդութեան գիրկը:

Գիւղում գիւղացիք կուտում են միմիանց հետ հողի այն
չնչին բաժինների համար, որ թողել են նրանց կալուածատե-
րերը և գանձարանը, և թրպրտում են նրանք ճանձերի նման
սարդոստայնի մէջ, որ բացել են նրանց համար գիւղի զանա-
զան սարդեր՝ վաշխառուները, մարդակեր վաճառականները: Քա-
ղաքում բանուորները խլում են միմիանցից աշխատանքը, մէկը
միւսից էժան գնով ծախում են իրանց աշխատաւոր ոյժը ա-
ղաներին, որոնք անխիղճ կերպով օգտուում են նրանց չքաւո-
րութեամբ և ստիպում նրանց ամենաչնչին վարձով աշխատել
օրական 10, 12 և նոյնիսկ 14 ժամ: Նոյն արհեստով պարապող
մանր արհեստաւորները պատրաստ են միմիանց մի գդալ ջրի
մէջ խեղդել, որպէսզի ազատուեն աւելորդ մրցակցից, մուշ-
տարուն իրանց մօտ քաշելու համար: Նոյնը շարունակ տեղի
ունի մանր խանութպանների միջև՝ մուշտարու համար: Մանր
արհեստաւորի և խանութպանի գլխին թանձր ամպի նման
կախուած է խոշոր ֆաբրիկանների և խոշոր առևտրականների
մրցումը, որ ամեն օր թոյլ մրցակցին հասցնում է մուրացկա-
նութեան, ստիպում է գործակատար, վարձու արհեստաւոր
կամ նոյնիսկ հասարակ բանուոր դառնալ նոյն հրէշների մօտ,
որոնք խլեցին նրա ձեռքից ինքնուրոյն կեանքի վերջին նշոյլը
անգամ: Բայց այդ խոշոր, ազահ հրէշներն էլ գործում են հա-
մերաշխ միայն այն ժամանակ, երբ հարկաւոր է պինդ սղմել

այն չուանը, որ գցել են նրանք սորոզէ բանուոր դասակարգի վզին: Նրանք շարունակ շահի համար իրար միս են ուտում: Կալուածատէրերը, ֆարքիկանտները և վաճառականները նոյնպէս կուռում են միմիանց հետ և ամեն կերպ ձգտում իրար ձեռքից խլել այն որսը, որ նրանք գողացել են աշխատաւոր ժողովրդից:

Ի՞նչ է տուել այդ բոլորի տեղ կապիտալիստական տնտեսութիւնը: Նա անասելի չափերի է հասցրել աշխատանքի արդիւնաւէտութիւնը: Վերջինիս մեծանալու շնորհիւ կրճատուեց բանուորների ոչ-աշխատաւոր ժամանակը, բայց ժողովրդի աշխատանքի հաշուով ապրողների թիւը բազմապատկուեց: Հին ժամանակներում այն բոլոր հարկերն ու աւարը, որ իշխանները ձեռք էին բերում իրանց հպատակ համայնքներից, հագիւ էին բաւականանում իշխանի և նրա ռազմիկների, գուցէ նաև փոքրիկ գասակարգի—հոգևորական մարդկանց ապրուստի համար: Ուրիշի աշխատանքով ապրող մարդկանց շատանալու շնորհիւ շատերը, ազատ լինելով մի կտոր հացի մասին մտածելու անհրաժեշտութիւնից, սկսեցին իրանց ազատ ժամանակը գործադրել մտաւոր աշխատանքի վրայ: Նրանք էին, որ բոլոր գիտութիւնները և արուեստները այն բարձրութեան հասցրին, որը մարդկութիւնը բոլոր արարածներից բարձր է դարձնում: Բայց այդ բոլորը գնուած է բանուոր մարդկանց միլիոնաւոր կեանքերի թանկ գնով: Ճիշտ է, մարդկային միտքը, գիտութիւնները, ամեն տեսակ արուեստները բարձր են կանգնած, բայց զբանցից ի՞նչ օգուտ բանուորներին, եթէ նրանց համար այդ բոլորը անմատչելի է, եթէ այդ բոլորը գոյութիւն ունի սպրուստի կողմից ապահով, ուրիշի աշխատանքով տպրող մի բուռը մարդկան համար միայն:

Ճակատագիրը հրամայում է բանուորներին աշխատել, անվերջ աշխատել և արիւն քրտինք թափել մի կտոր սև հաց ձեռք բերելու համար: Թէ ի՞նչ գնով են գնուած մարդկութեան յաջողութիւնները,—այդ գիտէ միայն մայր սև հողը, որին միայն վիճակուել է տեսնել մարդկային բոլոր տառապանքները և թախիժը: Բանուորների մէջքի վրայ են կառուցուած այդ յաջողութիւնները,—ժամանակ է, որ բանուորները իրանք

էլ օգտուեն նրանցից: Աշխատանքի արդիւնաւէտութիւնը այժմ ահագին է, թող բանուորներն էլ ունենան ազատ ժամանակ մտաւոր սարապմունքների համար, և թող նրանց ձեռքից չըխլեն հացի այն կտորը, որ նրանք իրանց բերնին են մօտեցնում: Այժմ մեզ համար հասկանալի կը լինեն կեանքի այն բոլոր երևոյթները, որոնք առաջին անգամից ապշեցնում են մեզ իրանց այլանդակութեամբ: Մենք այժմ գիտենք, թէ ո՞վ է աշխատում և ո՞վ ոչ, թէ ո՞վ է քաղցած մնում և ո՞վ փարթամ կեանք վարում: Մենք գիտենք, թէ ի՞նչպէս է այդ տեղի ունենում: Մեզ համար հասկանալի է այժմ, թէ ի՞նչու բանուորը մի կտոր սև հացի յետևից ընկած չքա՞րութեան մէջ անվերջ տառապում է: Վերջապէս պարզ է, թէ ի՞նչ դեր է խաղում սովը այժմեան կարգերի մէջ: Սովը իր իշխանութիւնը և զօրութիւնը գտնում է կապիտալիստական տնտեսութեան մէջ, որը առաջ է բերել ընդհանուր կռիւ, բոլորի մրցում ի դէմ բոլորի, որը դարձրել է մարդուն իր նմանի թշնամին: Այժմ տեսնենք թէ ինչպէս կարելի է հիմնել մարդկային տնտեսութիւնը ուրիշ սկզբունքների վրայ, որոնք կոչնչացնեն կապիտալիստական տնտեսութեան բոլոր հրէշաւոր տառապանքը...

IX

ՀԱՍՍՐԱԿԱԿԱՆ ՏՆՏԵՍՈՒԹԻՒՆ

Մարդկային ցեղը հալածող բոլոր դժբաղդութիւններից մի քանիսը կախուած են զուտ բնական պատճառներից (օրինակ մահ ծերութիւնից), իսկ միւսները առաջ են գալիս հասարակական կարգերից, մարդկային յարաբերութիւններից: Առաջինները, որպէս բնութեան օրէնքներ, չի կարելի ոչնչացնել, այլ միայն թուլացնել, իսկ վերջինները կարելի է և պէտք է ոչնչացնել: Կապիտալիստական տնտեսութեան կողմնակիցները նրա անձեռնմխելութիւնը պաշտպանելու համար աշխատում են ամեն կերպ ապացուցանել, թէ դա մարդկային բնութեան օրէնքն է, թէ կապիտալիստական տնտեսութիւնը

նոյնպէս անկարելի է ոչնչացնել, ինչպէս և մահը: Ուստի, ասուած են նրանք, թող բանուորները իրանց խաչը տանեն, իսկ կապիտալիստները իրանց խաչը: Ի հարկէ, կապիտալիստների խաչը սաստիկ թեթեւ է և բացի հաճոյքից նա ուրիշ ոչինչ չէ պատճառում նրանց. ուստի և նրանց գլխում հաստատուել է այն միտքը, թէ կապիտալիստական տնտեսութիւնը բնութեան օրէնք է, և «հաւար» են բղաւում, երբ բանը հասնում է ներկայ կարգերը փոխելուն:

Այդ ըմբռնողութեանը աշխատաւոր դասակարգի պաշտպանները իրաւացի կերպով պատասխանում են, թէ բնութիւնը չի ստեղծել մի քանի ձեռքեր մշտական անգործութեան համար, իսկ միւսները՝ մշտական աշխատանքի համար, մէկի փոքր՝ ամեն տեսակ անուշ կերակուրների, միւսինը՝ ցամաք հացի համար. բնութիւնը չի ստեղծում կապիտալիստներ և բանուորներ. նա ստեղծում է միայն սոսկ մարդիկ,—ուստի կեանքի մէջ էլ մարդիկ պէտք է հաւասար լինեն: Իսկ եթէ կեանքում մինը հակառակն ենք տեսնում, զրանում բնութիւնը գործ չունի: Ոչ թէ բնութիւնն է ստեղծել կապիտալիստական տնտեսութիւնը, այլ իրանք մարդիկ. ուստի մարդիկ կարող են և պէտք է փոխեն նրան, եթէ նա ծանր խաչ է մարդկութեան մեծամասնութեան համար: Սրանից հետեցնելով սօցիալիստները ասում են, որ անհրաժեշտ է ստեղծել տնտեսութեան նոր կարգ—սօցիալիստական տնտեսութեան կարգը, որ անհնար կը զարձնէ կապիտալիստական տնտեսութիւնից առաջացած բոլոր չարիքները:

Կապիտալիստական տնտեսութեան և նրա հետ միասին բանուոր դասակարգի բոլոր դժբախտութիւնների հիմքը կազմում են վարձու աշխատանքը և մրցումը: Մենք արդէն տեսանք, որ կապիտալիստական տնտեսութիւնից առաջ տիրապետում էր մանր արտադրողների տնտեսութիւնը, որի ժամանակ ամեն մի արտադրող ունէր արդիւնաբերութեան միջոցներ: Այնուհետև ամեն տեսակ բնութեամբ և տնարդարութեամբ արտադրողները գրկուեցին արդիւնաբերութեան միջոցներից. մի կողմից կազմուեց կապիտալիստների դասակարգը, միւս կողմից՝ «աշխատաւոր ձեռքը»: Մենք տեսանք ար-

դէն իրերի այդ կարգի բոլոր սարսափելի հետեանքները: Ուստի, սօցիալիստական տնտեսութեան առաջին և գլխաւոր հիմքը պէտք է լինի վարձու աշխատանքի բացակայութիւնը: Աշխատաւոր ոյժը և նրա հետ միասին բանուորի անձնատուութիւնը ապրանքի տեղ չը պէտք է ձախուի: Բայց որպէս զի բանուորը հնարաւորութիւն ունենայ իր աշխատաւոր ոյժը չը ծախել, նա պէտք է իր արամադրութեան տակ ունենայ արդիւնաբերութեան միջոցները: Այսպիսով, ըստ երևոյթին, մարդկութիւնը պէտք է վերագոնայ դէպի այն կարգը, որից նա սկսել է,—ինչպէս որ հինաւուրց տնտեսութեան մէջ արտադրողը և արդիւնաբերութեան գործիքները կազմում էին մի ամբողջութիւն, նոյնպէս և նոր սօցիալիստական տնտեսութեան մէջ արտադրողը արդիւնաբերութեան գործիքներից բաժանուած չը պէտք է լինի:

Բայց կայ խորը տարբերութիւն մանր արտադրողների տնտեսութեան և սօցիալիստական տնտեսութեան մէջ: Աշխատանքի հասարակական բաժանման ժամանակ իւրաքանչիւր արտադրող իր տնտեսութեան մէջ արտադրում է մի արդիւնք, բացի զրանից առանձին արտադրողները (փականագործները, կոշկակարները և այլն) չեն կազմում միութիւն իրանց վիճակը և արդիւնաբերութիւնը բարւոքելու համար: Այսպիսով, մանր տնտեսութիւնը զուրկ է աշխատակցութեան և աշխատանքի մանուֆակտուրային բաժանման բոլոր առաւելութիւններից, և մենք արդէն տեսանք, թէ ինչպիսի վիթխարի չափերի է հասցնում աշխատանքի մանուֆակտուրային բաժանումը նրա արդիւնաւէտութիւնը: Եթէ այժմ մարդկութիւնը միանգամայն վերագոնանք մանր տնտեսութեան, նա ահագին փրաններ կը կրէր: Նախ և առաջ՝ կը պակասէր աշխատանքի արդիւնաւէտութիւնը. երկրորդ՝ կապիտալիստական տնտեսութեան ժամանակ ստեղծած արդիւնաբերութեան բոլոր գործիքները, բոլոր ֆարքիկաները և մեքենաները պէտք կը լինէր թողնել, որովհետև նրանց չի կարելի ոչ բաժանել մանր արտադրողների միջև, ոչ էլ գործադրել նրանց խմբական աշխատանքի: Ահա թէ ինչու նոր տնտեսութիւնը չը պէտք է լինի առանձին մանր արտադրողների տնտեսութիւն, որի ժամանակ իւրաքանչիւր արտադրող

առանձին իր համար ունենայ արդիւնաբերութեան գործիքներ: Նոր տնտեսութիւնը կը լինի հասարակական (սօցիալիստական) տնտեսութիւն, որի ժամանակ արտադրողները պէտք է օգտուեն աշխատակցութեան և աշխատանքի մանուֆակտուրային բաժանման առաւելութիւններից: Միտ թանկ գնով է ձեռք բերել մարդկութիւնը կապիտալիստական տնտեսութեան տուած բոլոր կատարելագործութիւնները, ամբողջ քաղաքակրթութիւնը, որպէսզի նա կարողանար բոլորովին հրաժարուել նրանցից և վերագառնալ նախնական գրութեան: Կապիտալիստական տնտեսութիւնը հաւաքում է բոլոր բանուորներին միենոյն արդիւնաբերութեան մէջ, մի գործարանում, ստիպում է նրանց աշխատել խմբով, դարձնում է նրանց աշխատանքը հասարակական, սրանով էլ մեծացնում է աշխատանքի արդիւնաւէտութիւնը: Մեքենաների ներմուծումը պէտք է հեշտացնէ և կրճատէ բանուորների աշխատանքը: Կապիտալիստական տնտեսութեան ժամանակ մեքենաների ներմուծումը չի կրճատում բոլոր բանուորների աշխատանքը, այլ մի մասը բոլորովին զերկում է աշխատանքից և փողոց շարում, իսկ բանուորների միւս մասի համար երկարացնում է չափից դուրս աշխատաւոր ժամանակը: Մեքենաները կրճատում և հեշտացնում են բանուորների աշխատանքը, այնինչ կապիտալիստական տնտեսութեան ժամանակ մեքենաները բանուորների ամենակատաղի թշնամիներն են:

Սօցիալիստական տնտեսութեան ժամանակ արդիւնաբերութիւնը մնում է նոյնը, ինչպէս որ կար կապիտալիստական տնտեսութեան ժամանակ, այսինքն բանուորների աշխատանքը կը լինի խմբական, հասարակական, որովհետև միմիայն հասարակական աշխատանքը հնարաւորութիւն է տալիս գործադրել մեքենաները և առհասարակ խոշոր կատարելագործումները, որոնք չափազանց արդիւնաւէտ են դարձնում մարդկային աշխատանքը: Սակայն, որովհետև արդիւնաբերութեան գործիքները կը պատկանեն ամբողջ հասարակութեան, այսինքն իրանց բանուորներին, այդ պատճառով էլ նրանց արտադրած յաւելեալ արժէքը նոյնպէս նրանց կը պատկանէ: Սրա մէջ է կայանում սօցիալիստական տնտեսութեան ամբողջ էութիւնը: Կա-

պիտալիստներ այլևս չեն լինի, և արդիւնաբերութեան նպատակը կը լինի ոչ թէ շահը, այլ սոսկ մարդկային պահանջներին բաւարարութիւն տալը: Հետևապէս՝ սօցիալիստական տնտեսութեան ժամանակ մեքենաների ներմուծումը «աւելորդ աշխատաւոր ձեռքերը» փողոց չի շարտի, իսկ միւսների համար չի երկարացնի աշխատաւոր օրը, այլ ընդհակառակը նա կը հեշտացնէ աշխատանքը: Եթէ որևէ գործարանում բանում են 100 մարդիկ, և նոր հնարած մեքենան կարող է 50 մարդով էլ եօլա գնալ, այդ դէպքում սօցիալիստական տնտեսութեան ժամանակ մեքենայի ներմուծումը ոչ թէ այդ աւելորդ 50 բանուորին դուրս կը շարտի, այլ բոլոր 100 բանուորի աշխատաւոր օրը երկու անգամ կը պակասի:

Այսպէս ուրեմն, կապիտալիստական կարգի, ապրանքային տնտեսութեան և մրցման բոլոր չարիքներից ազատուելու համար անհրաժեշտ է ոչնչացնել արդիւնաբերութեան գործիքներին և միջոցների մասնաւոր սեփականութիւնը և նրանց բոլոր աշխատաւորներին ընդհանուր սեփականութիւնը դարձնել: Անհրաժեշտ է ոչնչացնել առանձին մասնաւոր տնտեսութիւնները և փոխարինել նրանց մի ընդհանուր վիթխարի տնտեսութեամբ, որի մէջ բոլորն էլ կ'աշխատէին ընդհանուր օգտի համար: Անհրաժեշտ է ոչնչացնել ապրանքային տնտեսութիւնը, առևտուրի արդիւնաբերութիւնը, և փոխարինել նրան արդիւնաբերութեամբ ընդհանուր սպառման համար:

Մի խօսքով, անհրաժեշտ է մտցնել սօցիալիստական կարգը:

Սակայն հնարաւոր է արդեօք մտցնել սօցիալիստական տնտեսութիւնը: Իրմէ է, որ հասարակութիւնը, վերցնելով իր վրայ հոգսը ընդհանուր աշխատանքի մասին ընդհանուր բարօրութեան համար, կը կարողանայ ամենքին էլ բաւարար կեանք ապահովել:

Իրերգերական գիտնականները պնդում են ամեն կերպ, որ եթէ ամբողջ աշխարհի հարստութիւնները հաւաքենք և հասարակ չափով բաժանենք բոլորի միջև, այդ դէպքում ամենքն էլ հագիւ թէ կարողանային ծայրը ծայրին հասցնել: Սրանից նրանք եզրակացնում են, որ աղքատութիւնը և չքաւորու-

թիւնը ընական մի բան է, անխուսափելի մի չարիք: Այժմ, ասում են այդ գիտնականները, դոնէ մի քանիսը ուրիշի աշխատանքով պահովուած են և կարող են առաջ մղել գիտութիւնները, արուեստները, նոր գիւտեր անել, որոնք աւելացնում են աշխատանքի արդիւնաւէտութիւնը: Ստիպեցէք, ասում են նրանք, բոլորին էլ հաւասար չափով աշխատել, և կը տեսնէք, որ գիտութիւնը և աշխատանքի արդիւնաւէտութիւնը կանգ կ'առնեն, ազգաբնակիչութիւնը առաջուայ պէս կ'աճի, և շուտով կը տիրէ ընդհանուր չքաւորութիւն և մարդիկ կըսկսեն մի կտոր հացի համար իրար միս ուտել ամենախայտառակ ու վայրենի կերպով: Ճիշտ է, այժմեան անհաւասարութիւնը մեզ տալիս է շատ տանջանքներ, բայց ինչ արած—այդպէս է ստեղծուած աշխարհը. իսկ ընդհանուր հաւասարութիւնը իր հետ անպատաճառ պիտի բերէր մահ աշխարհին:

Տեսնենք, արդեօք ճիշտ է այս բոլորը: Հաշուել են, որ Եւրոպայի և աշխարհի մի քանի մասերի զարգացած երկիրներում տարեկան 89.630 միլիոն ընդհանուր ամեն տեսակ արդիւնքներ և ապրանքներ են արտադրուած, որ ամեն մի մարդու տարեկան 208 բուլի կը դայ, իսկ 5 հոգուց բաղկացած ընտանիքի վրայ—1040 բ.: Այդ այնքան էլ քիչ չէ: Բայց մենք հաշուեցինք այդ բոլոր երկիրները միասին. վերցնենք աւելի զարգացած երկիրները: Անգլիայում մի ընտանիք կը ստանար 1685 բ., իսկ Ամերիկայում 1950 բ.: Այդ արդէն բոլորովին լաւ է:

Բայց մի՞թէ սօցիալիզմը կայանում է նրա մէջ, որ հաւաքէ բոլոր այժմեան եկամուտները և բաժանէ մարդկանց համահաւասար: Ամենևին ոչ: Այժմ շատ-շատերը մտում են առանց աշխատանքի, անգործ, իսկ շատերն էլ զբաղուած են անօգուտ և նոյնիսկ ֆրասակար գործերով: Սաղաղ ժամանակ առողջ աշխատաւոր ազգաբնակչութեան 100-ից 3-ը կամ 4-ը, իսկ պատերազմի ժամանակ նոյնիսկ 10 հոգի կտրուած են օգտակար աշխատանքից գիւտերական ծառայութեան համար. դրանք բոլորն էլ ամենալաւ աշխատաւոր ոյժերն են և փոխանակ նրանք իրանց աշխատանքով ազգաբնակչութիւնը պահելու, ազ-

գաբնակչութիւնն է ստիպուած իր աշխատանքով նրանց պահելու:

Այժմ երկրագործութեամբ և արհեստներով պարապում է ազգաբնակչութեան $\frac{3}{4}$ -ը, մնացած քառորդից նշանաւոր մասը զբաղուած է առևտուրով, վաշխառութեամբ և դրա նման պարապմունքներով, որոնք երկրի հարստութեան վրայ մի գրօշի բան չեն աւելացնում: Ո՛րքան մարդիկ են զբաղուած նրանով, որ ծառայութիւններ են անում զանազան անգործ ազաների, նրանց քմահաճօքներին բաւարարութիւն տալու համար: Մենք արդէն տեսնք, թէ որքան յաճախ են կրկնուում իրերի ներկայ դրութեան մէջ առևտրական-արդիւնագործական ճգնաժամերը: Ո՛րքան մարդիկ այդ ժամանակ նստած են լինում առանց աշխատանքի: Ո՛րքան ապրանք է փչանում գնող չը գտնելով: Հաշուել են, միմիայն կրիզիսների ժամանակ կատարուող սնանկութիւնները երկրի վրայ նստում են 5 բ. իւրաքանչիւր 100 բ. փողին: Իսկ սրբան ի զուր տեղը կորչում են աշխատաւոր օրեր գործադուլների ժամանակ, որոնք անխուսափելի են այժմեան կարգերի մէջ: Ռուսաստանում 1901 թ. գործադուլների ժամանակ՝ Ֆիննանների միլիտարութեան տուած տեղեկութիւնների համաձայն, համարեա 100, 000 աշխատաւոր օր է կորել (99548 օր.): Ո՛րքան մարդիկ սովորական ժամանակ անգործ նստած են լինում: Ո՛րքան ժամանակ են կորցնում ձմեւը Ռուսաստանում գիւղացիները, որոնք այնքան գժուարութեամբ են ձեռք բերում լրացուցիչ աշխատանքներ: Պարզ է: որ աշխատանքների քիչ-շատ խելացի կարգաւորութեան ժամանակ ամեն մի երկրի եկամուտները պէտք է ամենաուժեղ կերպով մեծանան: Կապիտալիստական կարգը ֆրասակար է մարդկութեան համար. և նրա գոյութեան ամեն մի աւելորդ օրը անազխի կորուստների պատճառ է դառնում:

Իսկ աշխատանքի արդիւնաւէտութիւնը: Մի՞թէ սօցիալիստական կարգերի ժամանակ նա չէր մեծանայ շատ և շատ անգամ: Կապիտալիստական կարգերը, ինչպէս մենք արդէն տեսնք, շատ դէպքերում արգելք են հանդիսանում աշխատանքի արդիւնաւէտութեան զարգացման: Վերցնենք թէկուզ հողագործութիւնը: Եւ առաջ է ընթանում կրիայի քայլով, և

գրանուժ ոչինչ զարմանալի բան չըկայ: Ո՞վ պէտք է բարուօրէ հողագործութիւնը: Մեր գիւղացին ընկճուած է, անգրագէտ է և աղքատ: Հէնց որ նրա ջիւղը մտնում է մի աւելորդ կոպէկ, իսկոյն հարկահանները կամ զանազան տեսակի տղրուկները և վաշխառուները շտապում են նրա ջիւղը դատարկել որ և է խաբեբայութեան միջոցով: Ե՞րբ կարող է նա մտածել արդիւնաբերութեան ձեւերը բարուօրէյու մասին: Ո՞րտեղից նա պէտք է վերցնէ դրա համար անհրաժեշտ միջոցները: Նա քչփորում է մեծ մասամբ իր նոսրապետական արօրով չը պարարտացրած և շարունակ վարելուց ուժասպառ եղած հողը, գցում է նրա մէջ վատ տեսակի հացահատիկ և սպասում է, թէ ի՞նչ կը տայ եղանակը: Ուրն ու ձեռքը հարկերով, սակաւահողութեամբ, բարձր կապալավարձով, մշտական փողաղրկութեամբ կապուած, չափից դուրս մեծ տոկոսներով ճնշուած, պարտքերի տակ ընկճուած գիւղացին ծախում է ամեն ինչ չնչին գնով և գնում է երեք անգամ աւելի տալով. այսպիսի պայմաններում պարզ է, որ նա չի կարող կարգի բերել իր անտեսութիւնը և ազատուել հողի իշխանութիւնից. նրա գրութիւնը շարունակ մաղից է կախուած, նա կախուած է բնութեան ամեն տեսակ պատահարներից և քմահաճոյքներից:

Միւս կողմից խոշոր սեփականատէրերին յաճախ ձեռնտու չէ այս կամ այն բարուօրէյները կատարել, որովհետև նրանք թանկ են նստում և պահանջում են սովորած բանուորի ճարպիկ ձեռքեր նրանց հետ ղգուշութեամբ վարուելու համար: Իսկ երբ այդ տեսակ բանուոր չը կայ, և երբ ամենաչնչին գնով կարելի է վարձել հարեան գիւղացուն, որը պատրաստ է մշակել կալուածատիրոջ հողերը իր անասուններով, իր արօրով, իր տափանով, կամ երբ անհոգ կերպով կարելի է երեք անգամ թանկ գնով կամ բերքի մի մասով հողը տալ մշակելու նոյն բանուորին, ուրեմն աղա-կալուածատիրոջ ինչին է պէտք մտածել աշխատանքի արդիւնաւէտութեան մասին, քանի որ նա ընդունակ չէ ոչ մի լուրջ գործի, քանի որ նա ընտնակ է միայն փող վատնելու և ոչ թէ աշխատելու: Սարսափելի է մըտածել անգամ, թէ որպիսի ահագին վնաս է գալիս մարդկութեանը այդ տեսակ կարգերից: Բայց աշխատանքի այդքան



չնչին արդիւնաւէտութեան ժամանակ անգամ աղա-գործատէրերը գանգատում են հացի գերարտադրութեան (չափից դուրս արտադրութեան), ցածր գների վրայ և շատ արգամ դիմում են վարելահողերը կրճատելուն:

Այն մի քանի օրհնեալ երկիրներում ու անկիւններում, որտեղ կամ հողագործը հնարաւորութիւն է ունեցել ազատ շունչ քաշելու, բարձրացնելու իր ընկճուած դուրսը, ինչպէս հարկ է պարապելու իր արհեստի բարուօրէյամբ, կամ ուրիշ կալուածատէրերը հնարաւորութիւն չեն ունեցել կողոպտելու գիւղացուն, այլ ստիպուած են եղել ուշադրութիւն դարձնել մշակման կատարելագործուած եղանակների վրայ,—այդպիսի անկիւններում մենք այժմ արդէն տեսնում ենք մարդկային մտքի և ձեռքերի իսկական հրաշքներ:

Սովորական մարգագետինների վրայ ներկայումս կովեր կերակրելու համար իւրաքանչիւր կովին միջին թւով 3 դեմետին է պէտք: Մարգագետինների արուեստական ոռոգման շնորհիւ յաջողում է մի դեմետինից նոյնիսկ պակաս հողի վրայ կերակրել մի անասուն. ուրիշ միջոցներով մի քանի տեղերում արդէն այժմ յաջողիցրել են 5 հատ անասուն պահել մի դեմետինի վրայ. իսկ աւելի լաւ հողերի վրայ, գործադրելով կերակրի համար եգիպտացօրեն և փոսերի մէջ առանձին կերպով սղմելով նոր հնձած խոտը, կարողանում են մի դեմետինի վրայ 8—10 կով պահել:

Այն ժամանակ, երբ մեր գիւղացու համար դեմետինից 5—6 չետվերտ ստացուող բերքը նախանձելի է նկատում, հիւսիսային Ֆրանսիայում կան երկրագործներ, որոնք ստանում են 15-ից մինչև 19, իսկ երբեմն, աւելի նպաստաւոր պայմաններում և բարուօր տնտեսութիւնների մէջ, նոյնիսկ 26—28 չետվերտ. այսպիսով մի դեմետին հողի վրայ կարող են 12 մարդ կերակրուել: Ի հարկէ նրանք մշակում են հողը աւելի կատարելագործուած միջոցներով, երբեմն նոյնիսկ շոգեգութանով, երկրորդ անգամ են հերկում և տափանում, սերմացուն վերցնում են մեքենայի միջից, որը բաժանում է հացահատիկները տեսակների, սերմացուն չեն գցում ուղղակի ձեռքով գետնի վրայ, այլ առանձին մեքենաների օգնութեամբ շարքերով են ցանում, հո-

ղը ոռոգում են և պարարտացնում այնպիսի նիւթերով, որոնց մասին մեր ուսաստանցի գիւղացին ամենևին լսած չի և գուցէ դեռ երկար ժամանակ չը լսէ...

Պարիզի մօտ բանջարանոցապահները յաճախ մի դեսեպին հողի համար վճարում են կապալարավարձ 700—1000 ր: Ինչպէս են նրանք կտրողանում այդ անագին գումարը դուրս բերել այդ հողից—միմիայն աշխատանքի արդիւնաւէտութիւնը անասելի չափերի հասցնելով: Նրանք, կարելի է ասել, որ իրանք են ստեղծում հողը և եղանակը: Պարարտացնելով և փըխրուն դարձնելով հողը՝ նրանք ստանում են մի առանձին թիթև հող, որ հող չէ, այլ ոսկի է: Ամենալաւ տնտեսութիւնների մէջ բանջարանոցապահները կապալի միջոցը լրանալուց յետոյ տանում են իրանց հետ իրանց հողը: Նրանք ցանում են ապակուտակ, բոյսերը ծածկում են ապակեայ շրջանակներով, առանձին միջոցով տաքացնում են հողը և այլն: Մի բանջարանոցապահ համարեա մի դեսեպտին հողի վրայից ստանում է տարեկան 670 պուդ գազար (բուրջուլուխ), 6000 գլուխ հասարակ կազամբ, 3000 գլուխ «գունաւոր» կաղամբ, 5000 կողով պօմիդօր և այլն և այլն, ընդամենը 7500 պուդի չափ զանազան պտուղներ ու բանջարներ:

Ճիշտ է, մենք խօսում ենք բացառիկ, առանձնապէս նըպաստաւոր դէպքերի մասին: Բայց սրանք բացառիկ և հազուագիւտ են այժմ: Իսկ սօցիալիզմի նպատակն էլ կայանում է հէնց նրանում, որպէս զի բոլոր մարդկանց համար լինեն աշխատանքի այդ նպաստաւոր պայմանները, որոնց ժամանակ այդ բացառիկ դէպքերը ընդհանուր կը դառնան, և բոլոր մարդիկ կը վայելեն բարօրութիւն և երջանկութիւն:

Մարդկային մտքի և հնարագիտութեան այդպիսի հրաշքներ տեսնելուց յետոյ կարելի է ծիծաղել միայն այն մարդկանց վրայ, որոնք ասում են, թէ ալքատները այն պատճառով են շատ, որ խիստ շատացել են մարդիկ աշխարհիս երեսին, և որ այժմ աշխարհը նեղ է մարդկանց համար: Ո՛չ, ցուեր ու դժբաղդութիւններ այսքան շատ կան այն պատճառով, որ ներկայ կարգերը ըթացնում են մարդկանց չքաւորութեան, տգիտութեան, ստրկական տաժանակիր աշխատանքի միջոցով, նրանց

անասուններ են դարձնում, հնարաւորութիւն չեն տալիս նրանց բնութեան տէրը դառնալ: Եւ սա նկատելի է ոչ միայն երկրագործութեան մէջ,—այլ նոյնը գուցէ աւելի պակաս չափով տեսնում ենք գործարանական արդիւնաբերութեան մէջ: Այնտեղ էլ կապիտալիստական կարգերը բաւարար ազատութիւն չեն տալիս աշխատանքի արդիւնաւէտութիւնը բարձրացնելու համար: Ռուսաստանում, օրինակ, կապիտալիստներին ձեռնտու չէ շատ մեքենաներ մտցնել, որոնք արդէն սովորական են դառել Անգլիայում: Ինչո՞ւ: Որովհետեւ մեղանում աշխատաւոր ձեռքերը աւելի էժան են, քան այնտեղ: Սօցիալիստական կարգերի ժամանակ կարելի կը լինէր միայնգամից մտցնել շատ նոր մեքենաներ, որոնք այժմ չը կան և չեն էլ կարող լինել: Եթէ մեքենան տնտեսում է աւելի աշխատանք, քան պէտք է նրան շինելու համար, ուրեմն նա ձեռնտու է սօցիալիստական բեժիմի ժամանակ: Բայց այժմ այդպէս չէ: Այժմ կապիտալիստի համար կարևորը այն չէ, թէ սրբան աշխատանք տնտեսեց մեքենան, այլ այն, թէ սրբան հատուցուած (վճարուած) աշխատանք տնտեսեց նրա համար: Իսկ վճարում է նա իր բանուորներին աշխատանքի միայն մի մասի համար: Կապիտալիստը մեքենան գնում է նրա իսկական արժէքով, իսկ բանուորների աշխատանքը կէս-արժէքով: Ահա թէ ինչու կապիտալիստական տնտեսութիւնը արգելք է հանդիսանում շատ մեքենաների տարածման և գործադրութեան, խանգարում է աշխատանքի արդիւնաւէտութեան զարգացման: Եւ միայն սօցիալիստական կարգը կարող է լիովին ազատութիւն տալ նրան:

Իսկ քանի քանի ընդունակ մարդիկ կորչում են իզուր տեղը, ընկճուած չքաւորութիւնից և կրթութեան ու ուսման բացակայութիւնից: Հասարակ ժողովրդի միջից դուրս եկած այն մի քանի ինքնուսները, որոնց յաջողում է որ և է հրաշքով ձանապարհ բաց անել դէպի գիտութիւնը, աշխարհ են դարձացնում իրանց գիւտերով: Նրանց վրայ զարմանում են, նրանց գովում են և չեն մտածում, որ դրանցից էլ շատ աւելի մեծ ընդունակութիւններով օժտուած մարդիկ գուցէ կորչում են յաւիտեան, բոլորովին ընկճուած տաժանակիր աշխատանք

քից մի բուռը անպէտք ու անընդունակ անգործ պորտաբոյծների համար:

Եւ միմիայն սօցիալիզմը կը կտրէ այն կապանքները, որոնք կաշկանդել են մարդկանց մտքերը, կը զարթեցնէ այն հարուստ ոյժերը և ընդունակութիւնները, որոնք այժմ քնած են ժողովրդի մէջ, և վիթխարի չափերի կը հասցնէ մարդու իշխանութիւնը բնութեան վրայ: Աշխատանքի արդիւնաւէտութեան այժմեան հրաշքները երեխայի խաղալիքներ կթուան համեմատած այն բոլորի հետ, որ կը տայ սօցիալիզմը:

Բայց թողնենք ապագայի մասին գուշակութիւններ անելը: Աշխատանքի այժմեան արդիւնաւէտութիւնը արգէն բարձրացել է այնքան, որ ընդհանուր տնտեսութեան կանոնաւորման միջոցով հնարաւոր կը դառնայ ապահովել իւրաքանչիւր մարդու այն բոլոր պիտոյքներով, որ անհրաժեշտ է մարդավայել ապրուստ ունենալու համար: Մի գերմանացի դիտնական, աշխատաւոր ժողովրդի բարեկամ, մանրամասն հաշիւ արեց գերմանական պետութեան համար, թէ ռըքան մարդիկ պէտք է աշխատեն և ռըքան ժամանակ, որպէս զի 60 միլլիօն բնակիչ ունեցող մի պետութեան բոլոր քաղաքացիները ապահովուած լինեն երկրագործութեան, արդիւնաբերութեան, արհեստների և գաղութային տնտեսութեան արդիւնքներով (թէյ, սուրճ և այլն): Հաշի ժամանակ նա ի նկատի առաւ միայն աշխատանքի այժմեան միջին արդիւնաւէտութիւնը, թէև շատ լաւ գիտէր, որ այդ արդիւնաւէտութիւնը կպած չէ մի տեղի, այլ զարգանում է տարէց—տարի: Նա հարցրեց ինքն իրան—ինչ բարօրութիւն կարող է այժմ ժողովուրդը ձեռք բերել: Եթէ աշխատանքի արդիւնաւէտութիւնը ապագայում մեծանայ, հասկանալի է, որ բարօրութիւնն էլ աւելի ևս կը մեծանայ, և աւելի քիչ պէտք կը լինի աշխատելու: Ահա թէ ինչ է դուրս գալիս նրա հաշուով:

60 միլլիօն ազգաբնակչութեան մարդավայել կեանքի համար բոլոր անհրաժեշտ առարկաները հայթայթելու համար բաւական է, որ 5 միլլիօն տղամարդիկ և 3 միլլիօն 800 հազար կանայք ամեն տարի աշխատէին օրական 8 ժամից ոչ աւել. իսկ միասին—8 միլլիօն 800 հազար բանուորներ և բանուորու-

հիներ, այսինքն ամբողջ ազգաբնակչութեան 1/4 մասը: Ուրիշ խօսքով, մի բանուորի աշխատանքը կարող է 7 մարդու պահել լիակատար բարօրութեան մէջ: Հասարակութեան անհրաժեշտ այդ ամբողջ աշխատանքը բոլորի մէջ արդարացի կերպով բաժանելու համար բաւական կը լինէր, օրինակ, հիմնել աշխատանքի ընդհանուր ծառայութիւն, որ կը տուէր տղամարդու համար 10 տարուց ոչ աւել, իսկ կանանց համար 7 տարուց ոչ աւել—գիցուք 15 կամ 17 տարուց սկսած մինչև 25 կամ 27 տարեկան հասակը տղամարդու համար, և 15-ից մինչև 22 տարին կանանց համար: Մինչև 15 կամ 17 տարին բոլորն էլ կը յաճախէին դպրոց հասարակական հաշուով և կը ստանային այնտեղ խելացի ուսում և կը թուէին: Այնուհետև բոլորն էլ կը մտնէին աշխատանքի ծառայութեան, իսկ վերջինս աւարտելուց յետոյ ծառայութիւնից դուրս կը գային տարեկան որոշ կենսաթոշակով, որը բաւական կը լինէր ամբողջ ընտանիքին լաւ ապրելու համար, մինչև որ երեխաները մեծանային և մտնէին աշխատանքի ծառայութեան մէջ: Եթէ որ և է մէկը ուզեց անհրաժեշտ պիտոյքներից ջոկ ունենալ նաև փարթամ կեանքի առարկաները, այդ դէպքում ծառայութեան վերջնաւուց յետոյ նա կարող կը լինէր մտնել արհեստաւորային ազատ ընկերութիւնների մէջ, որտեղ նրա նման ծառայութիւնը աւարտած մարդիկ միասին կարող կը լինէին պատրաստել իրանց համար փարթամութեան պիտոյքները ըստ իրանց ընտրողութեան և հայեցողութեան:

Այսպիսով, իւրաքանչիւր ընտանիք աշխատանքի հասարակական տասը տարուայ ծառայութեան միջոցով (իսկ կանանց համար 7 տարուայ) կը կարողանար ապահովել ամբողջ կեանքի ապրուստը լիովին: Տղամարդը և չամուսնացած կինը իրանց պարտագիր աշխատամիջոցը վերջացնելուց յետոյ ծաղիկ հասակում կօգտուէին լիակատար ազատութեամբ և կը կարողանային իրանց ժամանակը գործադրել կամ իրանց բարօրութեան մակերևոյթը բարձրացնելու կամ միայն իրանց մտաւոր զարգացումը առաջ մղելու և մարդկային զանազան հաճոյքներ ստանալու համար, եթէ կուզենային բաւականանալ այնպիսի բարեկեցիկ կեանքով, որով ապրում են այժմ միջին

ունևոր մարդիկ: Այդ դեպքուրը չէ. 50 միլիոն ազգաբնակի-
 թեան մէջ կայ 5 միլիոն 300 հազար տղամարդ և ձօռ 4 միլիոն
 դամենը 9 միլիոն 300 հազար աշխատաւոր հասա-
 կին պատկանող մարդիկ: Իսկ որովհետև պէտք է միայն 8 մի-
 լիոն 800 հազար հոգի, ուստի կարելի կըլինէր 60 հազարի
 չափ արտօնեալ կանայք և տղամարդիկ պահել (30 հազար տը-
 դամարդիկ, որ տասը տարուայ մէջ կանէ 300 հազար,—և 30
 հազար կանայք, որ 7 տարուայ մէջ կանէ 201000, ընդամենը
 501000): Արտօնութեամբ կօգտուէին ամենաընդունակ մարդիկ,
 որոնք աշխատանքի ժամանակը կը սովորէին զանազան գի-
 տութիւններ և արուեստներ, որպէս զի յետոյ օգտակար դառ-
 նային ամբողջ հասարակութեան համար իրանց զբաղմունքնե-
 րով և իրանց կրթական գործունէութեամբ:

Բացի այդ շատ հեշտութեամբ կարելի էր այնպէս անել,
 որպէս զի աշխատանքի ծառայութիւնը, որը կը կատարուի ա-
 ողջութեան համար ամենալաւ և ամենաօգտակար պայմաննե-
 րում, նման չի լինի այժմեան կազարմաների կեանքին, որպէս
 զի մարդիկ որքան կարելի է ազատ լինեն իրանց պարագ-
 մունքները և ծառայութեան տեղը որոշելու գործում: Այդ բո-
 լորի համար անհրաժեշտ միջոցների մասին մանրամասն խօ-
 սելը շատ երկար կը տևէր: Իրա համար մի առանձին գիրք
 պէտք կը լինէր գրել: Կասենք միայն այն, որ ամենածանր և
 ամենաանախորժ աշխատանքների համար կարելի կը լինէր
 սահմանել որոշ արտօնութիւններ (օրական աշխատանքի աւելի
 քիչ ժամեր կամ աշխատանքի ծառայութեան աւելի քիչ տարի-
 ներ և այլն), այնպէս որ այդ գործի համար ցանկացողներ
 միշտ կը գտնուէին: Իսկ եթէ չը գտնուէին կամ շատ քիչ գտ-
 նուէին այդ տեսակ մարդիկ, այն ժամանակ այդ աշխատանքը
 կը կատարէին վիճակահանութեամբ կամ հերթով բոլորն էլ:

Այս բոլոր դատողութիւնները, ինչպէս ասացինք, ար-
 ուած են գերմանական պետութեան նկատմամբ, հաշի առնելով
 նրա 60 միլիոն ժողովուրդը: Հասկանալի է, որ գործը ամենե-
 լին չի փոխուի, եթէ մենք անենք այդ բոլոր դատողութիւն-
 ները Ռուսաստանի 130 միլիոն ժողովուրդի կամ մի ուրիշ երկ-
 րի վերաբերմամբ, —միայն թէ այդ երկիրների տնտեսութիւնը

նման լինի Գերմանիայի այժման տնտեսութեան: Ամեն տեղ
 նոյնը կը լինի: Սօցիալիստական տնտեսութեան ժամանակ տը-
 դամարդու տասը տարուայ և կնոջ 7 տարուայ աշխատանքի
 ծառայութեան միջոցով կարելի կը լինի բոլորի համար էլ
 ապահովել ամբողջ կեանքի ապրուստը, աւ կրթութիւն և ու-
 սում: Սօցիալիստական հասարակութեան մէջ իւրաքանչիւր
 քաղաքացի ուրախութեամբ կը կատարէ աշխատանքի ծառայու-
 թիւնը, որ կը տայ նրան ազատութիւն, անկախութիւն և լիա-
 կատար ապահովութիւն:

Սօցիալիստական հասարակութեան մէջ չեն լինի ձրիա-
 կերներ, անգործ և ուրիշի հաշին ապրող մարդիկ, չեն լինի
 նաև չափից վեր աշխատանքից ուժասպառ եղող թշուառական-
 ներ: Ամենքն էլ կաշխատեն, որքան պէտք է, և ամենքն էլ
 բարեկեցիկ կեանք կը վայելին: Այն ժամանակ այլ ևս չի լի-
 նի այնպէս, ինչպէս այժմ, երբ շորերով ու կօշիկներով լիբը
 խանութի մօտից անց ու դարձ են անուժ ցնցոտիների մէջ
 և ոտաբորիկ այն նոյն բանուորները, որոնք իրանք են կարել
 այդ շորերը, այդ կօշիկները, երբ հացի, մսի և զանազան ու-
 տելեղէնների խանութների ու ռեստորանների ապակեայ պա-
 տահանների տակ կուչ են դալիս քաղցած, իսկ երբեմն մի
 քանի օրեր ոչինչ չը կերած աշխատաւոր մարդիկ, որոնք ա-
 դանութեամբ նայում են իրանց համար այնքան անմատչելի
 բարեքների վրայ: Չի լինի և այն, ինչ այժմ սովորական մի
 երևոյթ է,—երկրում սով է, իսկ վաճառականները այդ երկրից
 հաց են տանում արտասահման հազարաւոր, միլիոնաւոր մար-
 դիկ կարգին շորեր չունեն, իսկ չթի, քաթանի և ժահուղի
 վաճառականները և ֆաբրիկանտները գանգատուում են, որ
 խիստ շատ ապրանք է պատրաստուած և պահանջ չը կայ-
 շատ նահանգներում տիրում է սովի տիճը, իսկ խոշոր տըն-
 տեսութիւնները կրճատում են իրանց ցանքսը և հողը արօտի
 համար թողնում, ստելով, որ հացահատիկի գները շատ ցածր
 են և նրա պահանջը չնչին:

Ազատուելով ստրկական աշխատանքի ծանր լուծի տա-
 կից, միայն այն ժամանակ մարդը լըջօրէն կասէ, որ «միայն
 հացով չէ որ ապրում է մարդս», որ բաւարարութիւն տալով

իր բոլոր մարմնային պահանջներին, պէտք է սնունդ տալ նաև
իր մարդկային հոգուն: Միայն այն ժամանակ բոլոր մարդկանց
սրտում պայծառ լոյսով կը վառուի գիտութեան ծարաւը,
միայն այն ժամանակ մարդս կը մըռնէ գիտութեան հմայքը,
ըննութեան ենթարկելով բնութեան բոլոր գաղտնիքները
և գմայլուելով այն խորը իմաստով, որ նա գտնում է իր շուր-
ջը. միայն այն ժամանակ մարդ խորը կերպով կը դգայ գե-
ղեցկութեան ամբողջ վեհութիւնը, կը սովորի ճանաչել, գնա-
հատել և բանալ նրան ամեն տեղ—և աստղերով լի եր-
եքինքում, սարերի գագաթներում և անսահման ծովի մէջ և
դաշտերի ու մարգագետինների պայծառ կանաչի մէջ և մարդ-
կային հոգու խորքերում: Մաքրուելով աշխարհային մեղքերից
առևտրից և գոյութեան կուրց առաջացած մանր—մուշր մտած-
մունքներից, մարդկային հոգին կը վերածնուի, կուղղւի և
աւելի զգայուն կը դառնայ դէպի իր նմանի հոգեկան կեանքը,
որովհետև իր նմանների մէջ նա կը տեսնի այնուհետև ոչ
թէ թշնամիներին, որոնց առաջ նա աչքը միշտ չորս պիտի
բանար, այլ իր բարեկամներին և աշխատակիցներին, որոնց
հետ միասին աշխատելը բնդհանուր բարօրութեան համար մի
մեծ հաճոյք է պատճառու մ նրան.....

Վ Ե Ր Ձ



Լ Ո Ղ Ա Ե Ն Տ Ե Ա Ե Ղ

1. Բախ.—Հարուսաներ և աղքատներ II տղագ. 15 կող.
2. Պեշխիմով.—Հաց, լոյս և ազատութիւն . 12 »
3. Փէլզորովիչ.—Ինչպէս են ժողովուրդ և ծախսուած ժողովրդական փողերը 5 »
4. Կարմելիւկ.—Նոր լիբան քարոզը 2 »
5. Չերնով.—Գիւղացին և բանուոր 15 »
6. Պերներտորօզներ.—Ազգային հարցը և սոցիալ-դեմոկրատիան 5 »
7. Պրամնոզիւնի.—Գիւղացիներին 5 »
8. Ե. Թովչեան.—Արհեստակց. միութիւններ 15 »
9. Սովետորժակի.—Ի՞նչ է իրաւական պետութ. 15 »
10. Ս. Կարանով.—Հողային հարցը նոր Ձեւանդիւայում 2 »
11. Ժան Ժորէս.—Քուրժուական սեփականութիւն և նրա ազգայ զբաւումը 5 »
12. Ա. Արեղեան.—Ինձոկրատ. բնութիւններ 12 »
13. Կարլ Կաուտսկի.— Ազգութիւնների հարցը Ռուսաստանում: 3 »
14. Ա. Անարոնեան (Ղարիբ).—Ազատութեան ճանապարհին: 80 »

Տպագրւում են եւ ծոսով լոյս կհանեն

1. Ալֆոնս Գիլեան.— Ժողովրդական օրէնսդրութիւնը Ջ. իցերիայում:
2. Փ. Լատուպ — Սահմանադրութեան էութեան մասին:
3. Գիլչտէյն.— Ով ինչով է ապրում:

Պատրաստում են տպագրութեան համար մի շարք սրբիչ գրքեր:

Յանկացոյնիքը գիմեն «Յառաջ»-ի խմբագրատուն Փրէյլինսկայա № 6.

«Ազգային գրադարան»



NL0200297

